

**STENOGRAM**

**13. HITNE SJEDNICE SKUPŠTINE KANTONA SARAJEVO  
ODRŽANE U ČETVRTAK, 17.12.2020. GODINE,  
SA POČETKOM RADA U 10,00 SATI ONLINE**

Dino Šehović direktor ZIS KS:

Dobro jutro svima, samo jedna obavijest vjerovatno ste vidjeli da imate katance na mikrofona. To je jedna novost. Uglavnom kada se budete javljali za riječ u Viber grupi mi ćemo vam dozvoljavati da upalite mikrofone i dolaziti će vam kao obavijest da upalite mikrofona jer ne možete sami. Eto to je jedna mala novost. Uglavnom sve što bude tu smo, možete i putem čata se javiti, ja bih samo volio, molio bih samo da se putem čata javi ovaj računar PC, čisto da znamo zbog javljanja da možemo dozvoliti kada se bude, da se javi koji je zastupnik, čisto da znamo. Hvala.

- 0 -

Predsjedavajući Elvedin Okerić (u daljem tekstu predsjedavajući):

Otvaram 13. Hitnu sjednicu Skupštine Kantona Sarajevo. Pozdravljam uvažene kolegice i kolege zastupnike, članove Vlade, sve one koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji Službe, ONLINE sjednici prisustvuje 33 zastupnika, što je dovoljan broj za punovažan rad i odlučivanje.

Izostanak sa ove sjednice opravdao je uvaženi zastupnik Mirza Čelik.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 15.12.2020. godine utvrdio da postoji osnov za sazivanje Hitne sjednice Skupštine Kantona Sarajevo i odredio termin održavanja iste za dan 17.12.2020. godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit ćemo danas.

Molim zastupnike da predlože tačke za dnevni red današnje sjednice. Kolega Konaković sačekajte imamo poslovničku intervenciju od uvažene zastupnice Bišćević-Tokić. Zastupnice Tokić izvolite.

Poslanik/zastupnik Jasmina Bišćević-Tokić:

Zahvaljujem predsjedavajući, samo da stišam ovdje imam mikrofonijsku zbog mobitela. Evo pozdravljam sve kolege svoje u Skupštini Kantona, naravno Vladu i građane. Postavljam pitanje vama predsjedavajući. S obzirom daje konačnu odluku, a već ste naveli, o utvrđivanju hitnog karaktera sjednice Skupštine donio Kolegij Skupštine. Koje su to okolnosti na osnovu kojih je utvrđen hitni karakter sjednice u skladu sa članom 65. i 71, na koji ste se pozvali u pozivu dnevnog reda Hitne sjednice? Da li su to okolnosti za (nerazumljivo) sjednicu, opasnost po javnu sigurnost, i sigurnost građana širih razmjera, elementarne nepogode, velike štete za imovinu ili epidemija ili slično, ili je možda opasnost po javnu sigurnost i sigurnost građana širih razmjera, pucnjava koja se dogodila u večernjih satima 15.12.2020 u Starom Gradu, epidemija ili nešto slično? Molim da mi objasnite.

Predsjedavajući:

Uvažena zastupnice Bišćević-Tokić s obzirom da imamo Vladu Kantona Sarajevo u ostavci a da građani Kantona Sarajevo očekuju od nas da se odgovornost preuzme kada je u pitanju imenovanje nove Vlade Kantona Sarajevo, donošenje Budžeta, tako da je to jedan od razloga.

A evo mogu se uključiti i predlagači zahtjeva za današnje izmjene, predlagači koji su tražili hitnu sjednicu da pojasne koji su još dodatni razlozi.

Poslovnička intervencija uvaženi zastupnik Dević. Izvolite.

Poslanik/zastupnik Mahir Dević:

Da li se čujemo predsjedavajući? Zahvaljujem. Kolegica Jasmina Bišćević-Tokić, predsjedavajući se u svojoj poslovničkoj intervenciji jasno referirala na članove 65. i član 71. to što ste vi sada nama kazali je neka vrsta vaše improvizacije koja se ne nalazi ni u jednom od ova dva navedena stava. Prema tome vi ste predsjedavajući dužni da se ponašate u skladu sa članom 12. Poslovnika o radu Skupštine Kantona Sarajevo u stavovima 8, 9, 10 odnosno 7, 8, 9 i 10. pročitajte vaša prava i dužnosti. Mi možemo razumjeti vaše političke namjere koje vi imate. Međutim ovo što ste vi sada nama dali kao obrazloženje utvrđivanja karaktera hitnosti, to ne postoji ni u jednom stavu člana 65 i člana 71. mislim da nije uopće dobro da krećemo u vaš rad na ovakav način kršeći Poslovnik o radu Skupštine Kantona Sarajevo jer na takav način ćemo napraviti jedan pravni kaos u kome će Klub SDA vjerujte odmah krenuti sa apelacijama. Ja vas pozivam da se vratite u okvire Poslovnika da provedete sve volje koje imate zacrtane od strane parlamentarne većine, međutim vi ste svjesni da morate raditi u skladu sa zakonom i sa Poslovnikom o radu Skupštine Kantona Sarajevo. Ovo sada kako ste krenuli je kršenje člana 65, člana 71 i naravno niza drugih članova koji se kasnije odnose na način na koji vi planirate da donesete izmjene ovog Zakona. Ja vas zaista pozivam da se vratite u okvire Poslovnika predsjedavajući. Hvala vam.

Predsjedavajući:

Hvala uvaženi zastupniče Dević. Sljedeća poslovnička intervencija zastupnica Bišćević-Tokić. Izvolite.

Poslanik/zastupnik Jasmina Bišćević-Tokić:

Zahvaljujem predsjedavajući. Evo ja sam vas direktno pitala da mi objasnite koji je pravni osnov za hitnu sjednicu. Vješto ste izbjegli odgovor da li je Vlada u tehničkom mandatu ili nije. Mislim da je to vaše pitanje. Zašto niste sazvali redovnu sjednicu i imenovali Vladu nakon 30 novembra, to je predsjedavajući vaš problem četvorke. Vi ste taj koji predstavlja Kolegij koji je utvrdio da sjednica ide kao hitni karakter. Molim vas na ozbiljnost da mi kažete i da pročitate pred javnosti član 65. na koji ste u preambuli staviti poziva, na šta se on odnosi. Želim od vas direktni odgovor a ne neke stvari da mi pričate da treba budžet, zbog Vlade, gdje vi snosite potpunu odgovornost kao četvorke. Zahvaljujem.

Predsjedavajući:

Zahvaljujem se. Mislim da je moj odgovor bio jasan. Sljedeća poslovnička intervencija uvaženi zastupnik Jakupović.

Poslanik/zastupnik Vedran Jakupović:

Pozdravljam sve kolege i gledaoce pored malih ekrana. Kolegica Bišćević-Tokić je spomenula čitajući član prethodne poslovničke intervencije i spomenula je riječ epidemija. Nadam se da su svjesni da smo trenutno u stanju epidemije, a možda su i svjesni da nemamo ministra zdravstva zadnjih šest sedam mjeseci, bez obzira na ovog v.d. kojeg imamo. Tako da mislim da apsolutno ima i prostora za hitnu sjednicu i mislim da građani Kantona Sarajevo to očekuju od nas. Hvala vam.

Predsjedavajući:

Moram vas obavijestiti da nema sada u ovom momentu replika. Sljedeća poslovnička intervencija uvaženi zastupnik Zahiragić.

Poslanik/zastupnik Haris Zahiragić:

Da li se čujemo? Predsjedavajući da li se čujemo. Zahvaljujem. Također ću morati da se referišem kao i kolegica Bišćević i kolega Mahir Dević, dakle ja od momenta kada smo dobili poziv za hitnu sjednicu i kada smo vidjeli osnov na koji se pozivate, tj 65 i član 71 Poslovnika, zaista sam mislio da ste jedna odgovorna Skupštinska većina, koja danas kao što je kolega Jakupović kazao želi zaista da govori o epidemiji. Ja ću radi javnosti pročitati član 65 koji ste se vi pozvali kada ste sazivali ovu sjednicu. Citiram: „Izuzetno u okolnostima opasnosti po javnu sigurnost, sigurnost građana širih razmjera, elementarnih nepogoda, velikih šteta za imovinu, epidemija i slično, predsjedavajući može da sjednicu u kraćem roku predviđenih Poslovníkom, a dnevni red za sjednicu predlaže se na samoj sjednici koja je hitnog karaktera”. Dakle ja ovdje, na žalost pola sata pred Skupštinu sam dobio prijedlog izmjena Zakona i prijedlog promjene Zakonodavno pravne komisije koja vama treba vjerovatno da vam da mišljenje na ovaj Zakon koji je sam po sebi nelegalan i koji je pušten u nelegalnoj proceduri. I tada sam se zaista razočarao. O problemima epidemije kada Ministarstva zdravstva i ministra već dugo nemamo, kada v.d. ministar vrši dužnost ministra zdravstva, Vlada koja je u ostavci, pun problema u zdravstvu, u Domovima zdravlja, u cijelom primarnom sektoru, pogledajte prođite gradom, pola radnji i privatnika je zatvoreno, zaključano, ulice su puste. Od sinoć je krenula nova epidemija smoga. To su bile teme koje sam ja mislio da ćete početi o njima govoriti. Međutim ne da ste se odlučili baviti epidemijom, zdravstvenim ili privrednim aspektom iste, ili ne daj bože smogom, vi ste odlučili da na nelegalan način pokušate ukinuti Ministarstvo koje bi se trebalo baviti smogom. Čestitam vam zaista. Ovakav način i ovakav vid kršenja Poslovnika, zloupotrebe članova Poslovnika je nezapamćen još od doba Komunističke partije. Nisam očekivao da ćete od prve sjednice krenuti ovakvih tempom, međutim evidentno je da javnost i građani Kantona Sarajevo već na samom početku mogu vidjeti. Evo kolega Stojanović se smije i gospodin Konaković. Ja zaista ne vidim šta je smiješno. Nema puno mjesta ovdje za smijanje. Eto nek građani, žao mi je što građani nemaju priliku da vide vaše face sada, koje meni zaista ništa ne predstavljaju loše, ali njih bi sigurno iritirale. Molim vas gospodine predsjedavajući, s obzirom da ste vi dužni da se starate o Poslovníku da ne pristanete da budete oružje u rukama politika, nego da stavite ovaj Zakon u neku redovnu proceduru. Da hitne sjednice ne sazivate na ovaj način, nego da zaista te hitne sjednice budu onda kada su hitne. Kada se sigurnost građana i druge stvari ugrožene. Ovo obrazloženje koje smo mogli čuti, koje govori da je izmjena sastava ministarstva i sastava Vlade nešto što je hitno, to apsolutno nije preduslov da vi imenujete Vladu. Međutim s obzirom da nemate povjerenja vjerovatno vi morate prvo podijeliti Ministarstva, podijeliti plijen da bi po imenima mogli. Ova većina će ostati zapamćena u historiji kao većina koja je pokušala. Inače imenuju ministre eksperte po resorima koji postoje, a vi pokušavate praviti resore po imenima koja imate. I to ne bi bilo sporno. Međutim, to se ne smije raditi na hitnoj sjednici posebno u uslovima ovakvi kakvi danas traju u Kantonu Sarajevo. Apelujem na vas i molim vas da ipak ovo vratite u okvire Poslovnika, Ustava Kantona Sarajevo i svih relevantnih Zakona i propisa. Hvala.

Predsjedavajući:

Zahvaljujem se uvaženom zastupniku Zahiragiću. Poslovnička intervencija zastupnik Čampara, izvolite, imate riječ.

Poslanik/zastupnik Aljoša Čampara:

Da li me čujete? E zahvaljujem predsjedavajući. Prije svega želim da vam čestitam na prilici da predsjedavate Skupštinom Kantona Sarajevo, kao i rukovodstvu i svima nama. Čeka nas jedan težak period od dvije godine i mislim da ćemo imati jako puno posla u narednom periodu ustvari sve ono što očekuju građani od nas. Ja bih želio ovdje da iskoristim još jednu priliku da se zahvalim i svim stručnim službama, prije svega Skupštine Kantona Sarajevo,

koji nas servisiraju, kao i stručnim službama u Vladi Kantona Sarajevo, državnim službenicima i namještenicima. Kao što sam čestitao vama i rukovodstvu, na predsjedavajući odnosno preuzimanju dužnosti predsjedavanja, ja želim da čestitam i našoj kolegici, evo možda sam ja prvi, ali vjerovatno uvelike će kolege podijeliti i moje premisslanje vezano za sekretara Skupštine Kantona gospođu Aidu Zeković, koja je pokazala da vrlo stručno i vrlo apolitično radi posao sekretara. I ja vam se zahvaljujem na tome i želim da nastavi ovaj posao da radi upravo ovako kako je do sada radila bez obzira na neke simpatije, stranačke simpatije ili iz kojih krugova dolazi. Mislim da to neće biti važno ovoj novoj parlamentarnoj većini. A to se odnosi na sve druge državne službenike i u Skupštini i u Vladi Kantona Sarajevo. Dakle vrlo treba raditi javno transparentno i otvoreno. Druga stvar koju želim da kažem, meni je drago što mi danas imamo hitnu sjednicu Skupštine Kantona Sarajevo. I mislim da smo trebali imati dosta hitnih sjednica i do sada, i nadam se da ćemo u narednom periodu imati dosta hitnih sjednica jer nema šta nije hitno u ovom Kantonu, krenuvši od Ministarstva zdravstva, od Ministarstva komunalne privrede do svih drugih sektora. Ministarstva unutrašnjih poslova. Mi u Kantonu Sarajevo imamo potrebu za hitno rješavanje svih segmenata društva. Tako da predsjedavajući, ja vas molim, naravno ima svako pravo da diskutuje, treba pustiti ljude da izdiskutuju i kažu ono što imaju, uvijek ima opozicija i pozicija i uvijek ima parlamentarna većina i manjina koja će nešto kritizirati ali ja ne vidim u ovom trenutku apsolutno ni jedan problem u tome što je zakazana hitna sjednica jer je toliko sve hitno u Kantonu Sarajevo, toliko su građani zgroženi i nadam se da neće i danas imati priliku da slušaju stvari koje stvarno ne bi trebali da slušaju. Nama se u Kantonu Sarajevo stavlja pred zadatak da što prije formiramo i Vladu i da što prije krenemo u rješavanje jer imamo ogromne probleme s pandemijom. Mi još uvijek nemamo ministra zdravstva, mi još uvijek nemamo utvrđen put pacijenta, mi imamo građane koji nam umiru, mi još nemamo riješenu ni komunalnu privredu, ni infrastrukturu, gubimo radna mjesta itd. Mi imamo ogroman problem i u obrazovanju. Dakle jako pun stvari je pred nama. Tako da vas molim predsjedavajući da mi što prije krenemo u realizaciju ovih svih zadataka jer mi nemamo puno vremena, građani to od nas očekuju. Hvala vam lijepo.

Predsjedavajući:

Zahvaljujem se na čestitkama uvaženi zastupniče Čampara. Sljedeća poslovnička intervencija gospodin Mahir Dević. Oprostite Amra Junuzović-Kaljić. Izvolite doktorice.

Poslanik/zastupnik Amra Junuzović-Kaljić:

Poštovani predsjedavajući, nadam se da se čujemo. Hvala lijepo predsjedavajući. Prije svega srdačan pozdrav za vas, za uvažene kolegice i kolege, za članove Vlade, za građane koji nas prate. Obzirom da se razvila od samog početka diskusija o pitanju karaktera hitnosti ove sjednice, hajmo se samo vratiti molim vas na član 65 koji ste vi uvažavajući uvaženi predsjedavajući pročitali, stanje epidemije. I te kako bitan karakter ove sjednice koji može biti samo direktno vezan za epidemiju. Ja ću vas podsjetiti da je pandemija COVID-19 proglašena 11.02.2020. dakle Svjetska zdravstvena organizacija. Po toj osnovi u FBiH stanje nesreće od 27.03. do 30.05 stanje nesreće a epidemija u Kantonu Sarajevo je proglašena 17.07.2020. dakle epidemija je u toku i vratimo se samo na član 65 koji ovo navodi kao jedan od razloga za hitnost ove sjednice. Hvala lijepo.

Predsjedavajući:

Zahvaljujem. Sljedeća poslovnička intervencija uvaženi zastupnik Dević. Izvolite.

Poslanik/zastupnik Mahir Dević:

Predsjedavajući da li se čujemo. Vidite mi smo ispred Kluba SDA, nas nekoliko koji smo pokrenuli poslovničku intervenciju tražili od vas jasno obrazloženje kao odgovornog čovjeka,

predsjedavajućeg Skupštine Kantona Sarajevo, pozvali smo vas na poštivanje odredba Poslovnika Skupštine Kantona Sarajevo. Tražili smo od vas da nam vrlo jasno i eksplicitno obrazložite hitnost sazivanja ove sjednice a uzimajući u obzir da ste se u preambuli vašeg dopisa ili poziva kojeg ste poslali pozvali na član 65 i član 71. ovo što su prethodni govornici pričali, kolege i kolegice to nema veze s onim što mi govorimo. To je držanje govora, priča koju oni mogu ostaviti za diskusiju. Član 65 je jasno rekao kada se mogu sazivati hitne sjednice i mi sada tražimo od vas obrazloženje za ovaj dnevni red koji ste nam jutros uputili. Kakve veze ovaj jutrošnji dnevni red ima sa karakterom hitnosti ove sjednice? Molimo vas da nam to objasnite predsjedavajući, vi ste to dužni da uradite. Mi razumijemo da vi radite po nalogu vašeg mentora, ali smatramo da ste vi dovoljno odgovorni kao predsjedavajući Skupštine da pošujete Poslovnik o radu Skupštine. (smetnje) ne da nas uvodite na prvoj sjednici u jednu pravnu nesigurnost koja će poslije trajati jako dugo. Pozivam vas da se vratite u poslovničke zakonske odgovornosti. Odgovorite nam šta je karakter hitnosti na ovaj dnevni red koji ste predložili., da je to pandemija o kojoj govori kolegica Kaljić, da je to nešto drugo, mi bi to razumili. Međutim te tačke nema. Tačke dnevnog reda su nešto potpuno drugo. Karakter hitnosti nije izmjena Zakonodavno-pravne komisije. Karakter hitnosti nije izmjena ovog Zakona. Zakoni se mijenjaju u redovnim procedurama koje mogu biti po skraćenom postupku, koje mogu biti po hitnom postupku ali na redovnim sjednicama predsjedavajući. Ne može se to raditi na hitnim sjednicama uz potpuno nemušto obrazloženje karaktera hitnosti. Molim vas odgovorite nam na ovo pitanje. Ne možemo ostati bez odgovora. Vi ste najodgovorniji među nama ovdje. Hvala vam.

Predsjedavajući:

Uvaženi zastupniče Dević podsjetiti ću vas na član 71 Poslovnika Skupštine Kantona Sarajevo koji eksplicite kaže da konačnu odluku o utvrđivanju hitnog karaktera sjednice Skupštine donosi Kolegij Skupštine. Dobili ste dovoljno obrazloženja. Sljedeća poslovnička intervencija uvažena zastupnica Bišćević-Tokić. Izvolite imate riječ.

Poslanik/zastupnik Jasmin Bišćević-Tokić:

Zahvaljujem predsjedavajući. S obzirom da ste prije pola sata dostavili dnevni red za ovu sjednicu u kojoj stoji prijedlog Zakona koji je vidim vama vrlo bitan, nama nije. Nama su te epidemije vrlo bitne o kojima su govorili kolege Vedran i kolegica Amra. Ja vas pozivam predsjedavajući na član 66 Poslovnika koji ste dužni vi kao prvi među jednakim u Skupštini da pročitate. Da radne sjednice Skupštine tretiraju podnošenje nacрта Zakona i rasprave o prijedlozima Zakona i usvajanja prijedloga Zakona. Ja vas još jednom upozoravam predsjedavajući da ova sjednica ne može biti hitnog karaktera bez obzira da li je Kolegij izglasao ili ne. Pročitajte član 66 još jednom tražimo od vas svu ozbiljnost za ovakvu sjednicu i slažem se sa kolegama hitna sjednica treba biti za takve stvari kao što je COVID-19, kao što je zagađenje zraka. Još jednom vas pozivamo da radite u skladu s Poslovnikom kao što ste položili zakletvu na mjestu predsjedavajućeg. Zahvaljujem.

Predsjedavajući:

Zahvaljujem se zastupnici Bišćević-Tokić. Sljedeća poslovnička intervencija Damir Nikšić.

Poslanik/zastupnik Damir Nikšić:

Jel me čujete? E ovako, ja mislim da dok je na snazi policijski sat, tj ograničenje kretanja po kojem građani plaćaju 500 KM kazne ako izađu do apoteke iza 11 sati, ja mislim daje sve hitno i da je karakter svakog zasjedanja trebao biti hitan. Zlo bi bilo da nema hitnih sjednica u takvim uslovima, znači koji su već vanredni uslovi i definisani kao vanredni. Mi zastupnici imamo pravo kretanja ali nema ga i javnost, tako da mi možda ne živimo istu stvarnost, istu javu kao i javnost, pa smo možda izgubili taj dodir sa stvarnošću. Međutim stvarnost je

drugačija poslije 11 sati navečer za građane Kantona Sarajevo. S druge strane ujedinjavanje dva resora Ministarstva okoliša sa komunalnim je vrlo bitan segment borbe protiv aero zagađenja i ja mislim da je to tačka koja se hitno mora riješiti i odnosi na aero zagađenje u Kantonu Sarajevo. Hvala.

Predsjedavajući:

Zahvaljujemo se zastupniku Nikšiću. Sjedeća poslovnička intervencija uvaženi zastupnik Zahiragić.

Poslanik/zastupnik Haris Zahiragić:

Čujemo li se predsjedavajući? Prije svega poslovnička intervencija se odnosi na član 12 i član 92 Poslovnika o radu. Član 12 propisuje da predsjedavajući osigurava poštivanje načela i odredbi Poslovnika. Član 92 propisuje da predsjedavajući u slučaju ne poštivanja ima pravo i obavezu da sankcioniše onog poslanika koji ne poštuje Poslovnik. E sada me zanima kako da definišemo kako da vi sami sebe sankcionišete s obzirom da već sat vremena ignorišete deset poslovnčkih intervencija niti nam odgovarate. Predlažem vam da sami sebe upozorite a ukoliko nastavite ne odgovarati na naša pitanja da se sankcionišete na način da se udaljite sa sjednice i da gospođa Kristić, gospođa Viteškić ili neki drugi zamjenik nastavi voditi ovu sjednicu. Na žalost nije jasno propisano i jasno definisano, međutim ukoliko budemo radili izmjene Poslovnika sigurno će trebati tako nešto specifično i posebno definisati. Kada je u pitanju korona virus zaista slažem se sa kolegom Nikšićem da u uslovima pandemije kada je policijski sat na snazi, kada je privreda na koljenima, kada su mali zanati, turizam i ugostiteljstvo razvaljeni, trebaju hitne sjednice. Međutim na tim hitnim sjednicama bi smo morali govoriti o takvim stvarima a ne o izmjeni Zakona koji definiše resorna Ministarstva. Ništa u ovoj izmjeni nije tako hitno a posebno ne da bi smo mi 20 minuta pred početak sjednice dobili e-mail. To javnost treba da čuje. Suštinski bitna dva Ministarstva. Pazite Ministarstvo obrazovanja i jedno i drugo, dakle razdvaja se Ministarstvo obrazovanja. Govorite često o javnim nastupima, o PIZA testovima, o sistemu, o visokom obrazovanju i pokušavate rastaviti dva Ministarstva bez i jednog relevantnog mišljenja na hitnoj sjednici, 20 minuta prije sjednice su dostavljeni materijali. Nit je uključen UNSA, nit je uključen Sindikat osnovnog, srednjeg visokog, Ministarstvo pravde, Ministarstvo finansija, samo Ministarstvo obrazovanja koje bi se trebalo rastaviti. Druga tema Ministarstvo za, evo između ostalog, s obzirom da je smog, za zaštitu okoliša se gasi. Umjesto da eventualno idete u smjeru pravljenja posebnog Ministarstva za zaštitu okoliša vi gasite i ovo i pridružujete ga komunalnoj privredi koja je u haosu. Koju tri Ministarstva ne bi izvadila. U programu rada najavljujete holdinge a spajate to Ministarstvo s drugim Ministarstvom s tri nadležnosti. Kada je gospodin Kapidžić, aktuelni ministar, krenuo u borbu protiv onečišćenja, kada je krenuo sa subvencijama plina, gašenja ložišta, zabranu loženja uglja, kada je krenuo s vjetrokoridorima, ja sam upozoravao molim te ministre pazi šta radiš, građevinska mafija u Kantonu Sarajevo je jaka, naći će načina da te smijene. Ali ovo nisam mogao zamisliti. Niti su ga smijenili. Vi gasite Ministarstvo koje je pokušalo zaustaviti ilegalnu gradnju, urbicid, kriminalne gradnje koje su uništile i stanje zraka i stanje urbanizma i stanje..

Predsjedavajući.

Zastupniče Zahiragiću upozoravam vas na vrijeme 3 minute.

Poslanik/zastupnik Haris Zahiragić:

Zahvaljujem se predsjedavajući. Samo molim vas referišite se na ono sa početka diskusije da li imate načina da sankcioniše sami sebe ako nastavite kršiti odredbe Poslovnika. Hvala vam predsjedavajući.

Predsjedavajući.

Zahvaljujem se. Sljedeća poslovnička intervencija zastupnik Vreto. Oprostite, sljedeća poslovnička intervencija Konaković.

Poslanik/zastupnik Elmedin Konaković.

Poštovani predsjedavajući, cijenjene kolegice i kolege, svi gledaoci koji putem malih ekrana pratite rad današnje sjednice, sve vas srdačno pozdravljam. Želim vam ugodnu radnu atmosferu. Predsjedavajući Okeriću postoji član Poslovnika koji definiše ovo što se upravo sada dešava a to je kada jedna grupa zastupnika pokušava odugovlačiti, skretati s teme, zloupotrebjavati Poslovnik. Imate puno pravo da im to ne dozvolite. Dakle čak mislim da ste u obavezi da im ne dozvolite. Evo dobio sam desetak poruka, nisam jedini koji je čuo kolegu Zahiragića kada se Dević javio da je rekao sada lagano desetak minuta. I koji se sada nasmijao kada je završavao. Dakle realno ovo o čemu oni govore bit će sigurno predmet rasprave kada budemo govorili o razdvajanju Ministarstva obrazovanja i da li je nužno da se Ministarstvo od 400 miliona skoro budžeta razdvoji na dva dijela ili ne. Suprotstaviti ćemo tamo argumente. Ali želja zastupnika SDA zloupotrebjavajući Poslovnik da ova Vlada ostane još koji minut zaista ne donosi ništa dobro građanima Kantona Sarajevo. Tako da su više puta kolege ponavljali istu poslovničku intervenciju na koju ste im vi odgovorili, na koju je odgovorio Kolegij. Jedna vrlo važna stvar, na toj sjednici Kolegija SDA nije učestvovala, nije uopšte došao niko od predstavnika SDA da o tome što oni njima kažu su ozbiljne teme razgovaramo tamo gdje se donose odluke. Dakle ovo danas je mali cirkus. S druge strane politički lijepo ih je gledati da se ovako nerviraju ali vas molim da zaštitite ovaj cijeli proces, da zaista ovakvom zloupotrebom poslovnčkih intervencija ne otežavaju rješavanje nagomilanih problema. Te vas molim da se vratite na dio koji se tiče dnevnog reda, kako bi smo kao predlagači hitne sjednice definisali današnji prioritete. Hvala.

Predsjedavajući:

Zahvaljujem zastupniče Konaković. Sljedeća poslovnička intervencija gospodin Vreto.

Poslanik/zastupnik Elvis Vreto:

Hvala predsjedavajući. Koristim priliku da vam čestitam na izboru na mjesto predsjedavajućeg. U diskusiji, odnosno poslovničkoj intervenciji koju sam imao namjeru da iznesem nekoliko stvari, već kolega Konaković je ukazao na to. Zaista mi nije jasno predstavnici SDA nisu bili na sjednici Kolegija gdje su mogli argumentovano i ovo sve što danas iznose ukazati, čak i predložiti. Ono što želim da kažem da je Kolegij cijeneći i tu činjenicu ostavio mogućnost i definisano da će se dnevni red utvrditi na samoj sjednici. Znači nije zakovao dnevni red. Mi ovdje slušao već puno rasprave o tačkama koje će se naći na dnevnom redu i tada je vrijeme da se o njima raspravlja. Nismo čuli niti jedan novi prijedlog za dopunu dnevnog reda shodno ovim konstatacijama koje su dali. Ja vas zaista molim da krenemo sa radom. Ukoliko kolege imaju neku dopunu dnevnog reda neka je predlože. Šta smatraju da treba da bude na današnjoj hitnoj sjednici pored predloženog. Mislim da se trebamo vratiti radu i da nastavimo sa započetom sjednicom. Mislim da previše vremena gubimo na stvari koje su bez ikakvih prijedloga. Toliko hvala.

Predsjedavajući:

Procjenjujem da je ovo ometanje Poslovnika Skupštine Kantona Sarajevo, te u skladu sa članom 92 smatram da, pozivam predlagača da predloži dnevni red današnje sjednice. Hvala. Gospodin Konaković se javio da predloži dnevni red današnje hitne sjednice. Izvolite gospodine Konakoviću.



Poslanik/zastupnik Elmedin Konaković:

jesam predsjedavajući. Zahvaljujem se. Hvala vam što ste nas vratili u normalan tok današnje sjednice. Današnji dnevni red bi glasilo:

1. Prijedlog Odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
2. Prijedlog Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo – hitni postupak.

Predsjedavajući:

Hvala uvaženi zastupniče Konaković. Predloženi dnevni red glasi:

1. Prijedlog Odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
2. Prijedlog Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo – hitni postupak.

S obzirom da se predlaže razmatranje zakona po hitnom postupku, u skladu s odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

Stoga, u okviru prethodnog postupka prelazimo na Prijedlog zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo, po hitnom postupku.

Molim predstavnika Predlagača da obrazloži razloge donošenja ovog Zakona po hitnom postupku.

Uvaženi zastupniče Konaković izvolite, imate riječ.

Poslanik/zastupnik Elmedin Konaković:

Hvala predsjedavajući. Promjena Vlade je jedan vrlo važan, ozbiljan proces koji ova nova skupštinska većina vodi na jedan jako transparentan način. Procjena nove skupštinske većine jednaka je procjenama prethodnih Vlada da se Ministarstvo obrazovanja kao stub potencijalnih reformi u nekom segmentu i stub društva ne može više voditi na način da tim Ministarstvom rukovodi jedna osoba od predškolskog obrazovanja do nauke. Ulaskom na Trezor UNSA taj postao je još dodatno obiman i zaista većina stručnjaka iz ove oblasti cijenila je dugi niz godina da se to Ministarstvo mora razdvojiti na dva dijela. U tom Ministarstvu ima preko 200 rukovodilaca, direktora predškolskih odgojnih, obrazovnih ustanova, osnovnih, srednjih, univerziteta, fakulteta. Što privatnih što javnih. Dakle čini mi se da tu postoji konzensus i bila su nastojanja i prošlih Vlada, ideje i želje da se to Ministarstvo razdvoji. Na žalost nije bilo političke hrabrosti i političke volje. U ovom Zakonu dešava se upravo ta vrlo važna stvar kao pretpostavka za što brže imenovanje nove Vlade a shodno činjenici da mi nemamo ministra zdravstva već šest ili sedam mjeseci i da je pandemija uzela maha. Dakle, veliki su problemi u privredi. Same su kolege iz SDA govorile o tim zatvorenim prostorima. Naravno jer nisu reagovali na vrijeme (smetnje). Dakle što prije nam treba, hitno nam treba nova Vlada. S druge strane spajanje ministarstava komunalnog i prostornog mi vidimo zapravo kao uvezivanje ove dvije teme i ima jedna nova okolnost. U proteklom periodu u zadnjih nekoliko godina donesen je Zakon o građenju, novi Zakon, koji gro nadležnosti iz ove oblasti spustio na lokalne zajednice. Ovom prilikom mogu reći da će to biti

i naša daljnja intencija i obaveza zbog presuda Ustavnih sudova, lokalnim zajednicama bit će povjerene dodatne nadležnosti iz ove oblasti jer one nominalno pripadaju lokalnoj zajednici. Podsjetiti ću da se izdavanje dozvola sada vrši na način da samo one preko 10.000 metara kvadratnih izdaje Kanton. Da se donošenje urbanističkih i regulacionih planova, urbanističkih projekata već prebačene na nadležnost lokalne zajednice. Osim prostornog plana. Više prostorno-plansku dokumentaciju ne tretira ovo postojeće Ministarstvo. Dakle to su naša politička opredjeljenja. Da bi se imenovala jedna Vlada potrebno je naravno ispoštovati procedure što mi apsolutno radimo za razliku od prethodnih hitnih (smetnje) koje su sazivane bez Kolegija čak, a danas evo slušamo (smetnje) ljudi očigledno žele još koji minut da kupe. Danas je ovaj karakter hitnosti neupitan. Tamo gdje se donosi odluka o hitnom karakteru Zakona on se desio. To što resorna Ministarstva nisu dostavila adekvatno i na vrijeme svoje mišljenje, govori o potrebi njihove smjene a nikako potrebi njihovog ostanka. Tako da znamo za opstrukcije iz Ministarstva finansija i Ministarstva pravde i uprave gdje su ministri iz reda SDA. Sada bi oni malo opstruirali i kupovali vrijeme a sjednica se ne bi trebale dešavati. Tako se ne radi. To je jedan ozbiljan, preozbiljan proces. Karakter hitnosti je neupitan. Ovaj Zakon mora ići u hitnu proceduru. Na njega naravno mišljenje mora dati Zakonodavno-pravna komisija. Ali očigledno to neće i ne želi sa ovakvom predsjednicom Jasminom Bišćević-Tokić jer ona će uraditi sve da se to zapravo ne desi. I podsjetiti ću samo da smo na jednoj od tematskih sjednica o obrazovanju imali od kolega iz SDA zahtjev da se razdvoji Ministarstvo obrazovanja na dva dijela. I oni danas zapravo ne žele da govore o tome. Ovo je vrlo hitno, kako bi smo stekli uslove i pretpostavke da se već sutra pošalje u proceduru imena i prezimena i CV ministara u novoj Vladi. Zato molim kolege da podrže ovaj zahtjev za karakter hitnosti a vama predsjedavajući svaka čast. Član 92 vas obavezuje da ovo što oni pokušavaju zloupotrebiti vi sanirate i ne dozvolite zloupotrebu ovih poslaničkih intervencija. Hvala vam. I nema ovdje replika, ovo je samo uvodničar. Može se glasati samo za ili protiv. Kolege nema potrebe.

Predsjedavajući:

Zahvaljujemo se zastupniče Konaković. Da li predstavnici radnih tijela žele riječ? Nema niko. Ima li pitanja? Otvaram raspravu. Uvaženi Mahir Dević rasprava. Izvolite imate riječ.

Poslanik/zastupnik Mahir Dević:

Da li se čujemo predsjedavajući. Zahvaljujem . Predsjedavajući ja još jednom vas zaista upozoravam i na kraju krajeva molim da poštuju član 91 Poslovnika o radu Skupštine Kantona Sarajevo u kojem je jasno rečeno da zastupnik koji traži poslovničku intervenciju, vi ste mu dužni riječ dati odmah i bez odlaganja i to onoliko puta koliko zastupnik misli da se krši Poslovnik. Ja razumijem da vama gospodin Konaković piše poruke, da se tako ponašate, jer taj nivo bahatosti koji je on pokazivao u prethodnoj godini, vama ne stoji. I vi tako ne trebate predsjedavajući da se ponašate. Mi se ponašamo u skladu s Poslovnikom. Svaki put, svaki zastupnik iz Kluba SDA se javio u skladu s poslovníkom, citirali smo članove Poslovnika koji su prekršeni i nismo se bavili nikakvim populizmom i nikakvom pričom koja nije bila vezana za temu. Znači mi smo postavili pitanje na koje nismo dobili odgovor od vas.

Predsjedavajući:

Uvaženi zastupniče Deviću. Upozoravam vas, član 85. da se ne udaljavate od teme, trenutno raspravljamo o Zakonu koji smo maloprije spomenuli. Molim vas, vratite se na temu, inače ću vam oduzeti riječ. Hvala.

Poslanik/zastupnik Mahir Dević:

Predsjedavajući ako ste se vi malo izgubili mi raspravljamo o karakteru hitnosti, mi ne raspravljamo još o Zakonu ni o dnevnom redu. Raspravljamo o karakteru hitnosti, tako da vi

ste tu pogriješili. Malo ste se vjerovatno zbunili, ali dobro bože moj. Greška je. Ja pričam o karakteru hitnosti. Razumijete li to da smo na karakteru hitnosti. Karakter hitnosti sjednice tu smo je li tako? Ili ste se vi malo pogubili. Ne razumijem o čemu se radi? Znači pričamo o karakteru hitnosti sjednice i karakteru hitnosti donošenja ovih Zakona. I ja vam kažem da nam vi kao predsjedavajući Skupštine....

Predsjedavajući:

Gospodine Deviću, trenutno raspravljamo o Zakonu koji treba da se donosi po hitnom postupku. Molim vas vratite se na temu.

Poslanik/zastupnik Mahir Dević:

Predsjedavajući, raspravljamo o hitnosti donošenja ovog Zakona. Ne raspravljamo o Zakonu. Trebamo prvo usvojiti dnevni red, nismo ni to uradili. Mislim, dajte malo, mislim Dino napiši mu tamo šta treba uraditi. Mislim. Nemojte da pravimo cirkus od Skupštine Kantona Sarajevo. Znači niste nam uopće odgovorili na ono što smo mi pitali. I ako mislite da ste riješili problem na način što nam ne date riječ, to je uskraćivanje prava i dužnosti bilo kog zastupnika u Skupštini Kantona Sarajevo. Znači mi imamo pravo da dobijemo odgovore od vas predsjedavajući smo tražili, vi nama to niste dozvolili. Ne možete se tako ponašati. Mi kada iz Kluba prekršimo bilo koji član Poslovnika vi nama slobodno oduzmete riječ. Oduzmete meni prvom riječ. Ali evo vi sada miješate trenutno fazu u kojoj se nalazi Skupština Kantona Sarajevo. Znači raspravljamo o hitnosti ovog Zakona i treba da izglasamo da li ovaj Zakon treba da se usvaja po hitnoj proceduri. Ja vas ponovo vraćam na ono prethodno pitanje. Član 65. na koji ste se pozvali predsjedavajući jasno kaže kada se mogu zakazivati hitne sjednice i šta se kroz njih može tretirati. Ne može se usvajati bilo koji Zakon na ovakav način. Ja vas pozivam da se vratite u okvire Poslovnika. Nađite model. Postoje modeli. Ako ne znate kako ćete pitajte nas, mi ćemo vam reći kako ćete to uraditi. Ali praviti populizam na ovakav način, kršiti Poslovnik ovako grubo, i na ovakav način, to nas ne vodi nigdje. Znači član 65. i član 71 Poslovnika o radu Skupštine govore za šta služe redovne radne sjednice, za šta služe hitne sjednice Skupštine Kantona Sarajevo. Ovo što vi danas namjeravate uraditi promijeniti komisiju Zakonodavno-pravna komisija, naravno to je vaše legitimno pravo, nova parlamentarna većina. Promijeniti ovaj Zakon i to je vaše pravo. Ali predsjedavajući pročitajte taj član molim vas. To se radi na redovnim radnim sjednicama. To se ne može po Poslovniku raditi na hitnim sjednicama Skupštine Kantona Sarajevo. Posebno se ne može praviti ovakav karakter hitnosti koji vi pokušavate da uradite. Znači vratite se molim vas u zakonske okvire i nikakav problem nije. Kolega Konaković maloprije javno laže, obmanjuje javnost Kantona Sarajevo po hiljaditi put da mi želimo da kupimo neko vrijeme. Ja ga podsjećam radi javnosti Kantona Sarajevo da smo mi dali ostavku i na mjesto predsjedavajućeg i na mjesto..

Predsjedavajući:

Kolega Deviću vodite računa o izražavanju, molim vas vodite računa kako razgovarate, kako kolege u Skupštini nazivate. Hvala.

Poslanik/zastupnik Mahir Dević:

Ja vodim računa, ja sam kazao da laže. U bosanskom jeziku ne postoji druga riječ osim te. Ako imate prijedlog neke druge riječi, evo ja se izjašnjavam. Kako da to kažem. Obmanjuje javnost po ko zna koji put.

Predsjedavajući:

ovo govori više o vama nego o nama. Hvala vam.

Poslanik/zastupnik Mahir Dević:

Ne znam pod koji član Poslovnika da ovo podvedem ali ja vam kažem, ja sam rekao da laže, nemam druge riječi. Ako vi imate drugu riječ nije nikakav problem. Znači mi uopšte ništa ne odugovlačimo, mi pokušavamo da se skupština vrati u zakonske okvire. Na način da.

Predsjedavajući:

Ispravka krivog navoda uvaženi zastupnik Konaković.

Poslanik/zastupnik Elmedin Konaković.

Kolega Dević je rekao krivi navod. Dakle ja sam ponovio ono što mi je dvadesetak ljudi poslalo poruke i što je snimila TVSA. Kolegu Zahiragića kako kolegi Deviću govori nakon što se javio „sada lagano deset minuta”. Što zapravo zaista potvrđuje da su oni danas došli da kupe još koji minut, još koji sat, eventualno Vladi zbog kojih imamo velike probleme. Vokabular kolege Devića, ja bih vas molio da ga ne prekidate da ga ovakvog izvornog puštate da pokazuje ko je i šta je. A zaista je rekao krivi navod koristeći i taj vokabular njemu svojstven da sam rekao neku neistinu, što evo i on može kući kada dođe, ako ima one što se vraćaju kanale, da vidi kako mu je kolega, čuo je on kolegu Zahiragića naravno „sada lagano deset minuta”. I ponavljanje poslovnčkih intervencija na način kako to radi SDA, od riječi do riječi, isti govornici, ista tema, je samo razvodnjavanje, kupovina vremena da se ne desi ono što je neminovno i čini mi se samo SDA ne želi da se desi, svi ostali kolege u Skupštini su svjesni da s eto dešava. Kolega Deviću nisam rekao neistinu. Vaš vokabular zaista vama na čast i nemojte ga prekidati kada je ovako nervozan. Pustite ga izvornog da ga ljudi vide.

Predsjedavajući:

Zahvaljujem. Ispravka krivog navoda, uvaženi zastupnik Zahiragić.

Poslanik/zastupnik Haris Zahiragić:

Uvaženi predsjedavajući, da li se čujemo? Dakle, imam naravno potrebu da ispravim krive navode jer me je kolega Konaković ranije spomenuo više puta u kontekstu toga da sam ja rekao da se to čulo, kolegi Deviću da deset minuta lagano. Ja sam to kolegi Deviću rekao jer je on kada sam došao i prije početka Skupštine i kada smo dobili materijale 20 minuta prije sjednice bio zaista frapiran činjenicom kakve stvari pokušavate uraditi. Ja sam njemu iz tog razloga rekao Mahire, nemoj se sikirati, polako, obrazloži javnosti sve detalj po detalj da ljudi vide s čim imamo posla. Dakle Vlada Kantona Sarajevo je podnijela ostavku. Predsjedavajući Skupštine, kojeg niste mogli smijeniti jer niste imali ruke u Klubu Bošnjaka je vrlo elegantno i džentlmenski podnio ostavku. I evo koristim priliku sada da predložite mandatara odmah. O takvoj sjednici, o takvom karakteru hitnosti mi ćemo podržati. E takav karakter hinosti. A diskusiju dalje ću nastaviti nakon što dobijem riječ za diskusiju. Hvala.

Predsjedavajući:

Zahvaljujem zastupniče Zahiragić. Nastavak diskusije zastupnik Dević. Izvolite.

Poslanik/zastupnik Mahir Dević:

Ja nisam čuo bio predsjedavajući od strane Konakovića nikakvu ispravku krivog navoda koju je on napravio.

Predsjedavajući:

Oprostite zastupniče Deviću imamo ispravku krivog navoda zastupnik Vedran Jakupović.

Poslanik/zastupnik Mahir Dević:

Kome?

Predsjedavajući:  
Zahiragiću.

Poslanik/zastupnik Vedran Jakupović:

Samo da podsjetim da evo obojica su govorili o tom nekom džentlmenskom davanju ostavke i jednog i drugog, dakle i bivšeg premijera i bivšeg predsjedavajućeg. Gospoda su dala ostavku kada su shvatili da su izgubili većinu i da nemaju šta da rade na mjestu na kojem su trenutno. Tako da čisto da ispravim taj krivi navod, dakle kada shvate da nemaju većinu kao džentlmenski su dali ostavku. Hvala.

Predsjedavajući:

Zahvaljujem. Krivi navod, uvaženi zastupnik Zahiragić.

Poslanik/zastupnik Haris Zahiragić:

Hvala predsjedavajući. Naravno krivi navod za gospodina Jakubovića koji ne znam šta je upravo htio da kaže. Možda on zna, pa eto dajem priliku da obrazloži šta je on htio da kaže. Dakle nije krivi navod, jel krivi navod da je premijer Nenadić podnio ostavku? Da li je krivi navod da je predsjedavajući Čelik dao ostavku? Nije. Da li je krivi navod da stranke devetorke ili kako već da nazovem ovu novu skupštinsku većinu, trojka, petorka, sedmorka, nije ni bitno, nisu imali većinu u Klubu Bošnjaka? To je također istina i nije krivi navod. Da li je istina da bez glasova SDA, DF i SBB niste mogli smijeniti gospodina Čelika? Naravno istina je, nije laž i nije krivi navod. Tako da molim kolegu Jakubovića da ne spinuje i ne pokušava predstaviti laž kao istinu ma koliko to pokušavali uraditi, to nikada neće biti tako. I na kraju imam da još jednu kažem kada je u pitanju ta džentlmenska ili nedžentlmenska predaja vlasti. Nije tako davno bilo kada je na vašem mjestu gospodine Okeriću sjedio uvaženi gospodin Konaković. Vidjeli su ljudi šta je radio, krio pečat, trčao. Na kraju sud rekao nije bio svjestan. Ma ja znam Dinu. On je svjestan. Tako da meni je žao što je sud takvu kvalifikaciju o njemu dao. On je vrlo svjestan. Čak i vrlo pametan čovjek, tako da on je znao šta radi. Umišljano je to radio. Ali eto sud je drugačije prosudio, procijenio ga da je nesvjestan i da radi radnje bez neke posebne svijesti, što meni na njegovom mjestu ne bi bio argument za odbranu, nego bih se zabrinuo i uložio žalbu na takvu odluku suda. U konačnici predsjedavajući ako ćemo nastaviti sa krivim navodima, možemo odugovlačiti ovu sjednicu do sutra. Ja pozivam da nastavimo diskusiju i da ne pokušavamo jedan drugom krive navode insistirati jer građani Kantona Sarajevo preko glave im je ovih politikantskih prepucavanja, oni žele da Skupština Kantona Sarajevo i Vlada Kantona Sarajevo što prije ponudi odgovore na pitanja koja su aktuelna i koja zabrinjavaju građane Kantona. Hvala vam.

Predsjedavajući:

Zahvaljujem. Krivi navod uvaženi zastupnik Jakupović.

Poslanik/zastupnik Vedran Jakupović:

Upravo ovo je krivi navod da nismo imali većinu u Klubu Bošnjaka. Dakle kada je gospodin Čelik shvatio da imamo većinu u Klubu Bošnjaka, dao je ostavku (smetnje) ostavku i ja ću zamoliti evo ako gospodin Zahiragić namjerava da ne teroriše stanovništvo Kantona Sarajevo da se ne javlja i da pusti da završimo ovu. Hvala.

Predsjedavajući:

Zahvaljujem. Zastupniče Konakoviću jel tražite krivi navod? Ne. Evo imamo uvaženog zastupnika Zahiragića koji traži krivi navod. Izvolite.

Poslanik/zastupnik Haris Zahiragić:

Samo kratko da ne oduzimam više od vremena, ja sam kazao da bez SDA; DF i SBB nisu imali većinu. Naravno mogli su politički trgovati, kupovati zastupnike kao što su radili, preletače itd. To je naravno već postao standard te devetorke. Međutim, ja govorim u skladu sa klubovima koji su tada bili aktuelni i pripadnosti ljudi tim političkim strankama, niste imali većinu. Čak ste javno govorili da SBB šalžete na klupu. A onda sa njima ste pokušavali vjerovatno stupiti u neku većinu. Tako da to govori o vama da jedno govorite a drugo radite. Ali opet to nije tema ove sjednice. Hvala vam.

Predsjedavajući:

Zahvaljujem se. Ispravka krivog navoda uvaženi zastupnik Jakupović.

Poslanik/zastupnik Vedran Jakupović:

Ako me čujete ponovit ću, gospodin Zahiragić je rekao niste imali većinu u Klubu Bošnjaka. Vratite se, pročitajte stenogram. Rekao je niste imali većinu u Klubu Bošnjaka. Krivi navod. Ostale stranke nisu spominjane. Politikantstvo, verglanje nije spominjano. Čovjek je rekao niste imali većinu u Klubu Bošnjaka. Jesmo. Hvala, prijatno.

Predsjedavajući:

Zahvaljujem. Ispravka krivog navoda, zastupnik Zahiragić.

Poslanik/zastupnik Haris Zahiragić:

Gospodine Okeriću molim vas da evo stručnu službu zamolite da gospodinu Jakuboviću pošalju, ako su stigli izvaditi stenogram, ja mislim da sam ja čak kazao da nisu imali većinu u Klubu Bošnjaka bez SBB, DF, SDA. Nisam rekao BOSS pošto vi ne priznajete tu stranku, i stalno sporite. Jedino ako ste željeli sa BOSS-om ili sa nekim drugim zastupnicima da pravite, imali plan B. To je opet druga stvar. To je neformalna diskusija. Ja sam kazao da bez ti tri stranke vladajuće tadašnje većine niste imali većinu. Ali opet, to nije tema ove sjednice gospodine Okeriću i molim vas nemojte davati zastupnicima da zloupotrebljavaju krive navode kao što ste maloprije dozvolili jedno pravo poslovnčko da koristi evo kao sredstvo. Sada kada ima osnova i argumenata za to, to ne koristi. Pa vas pozivamo da nastavite diskusiju, date kolegi Mahiru riječ- hvala vam.

Predsjedavajući:

Zahvaljujem se zastupniče Zahiragić. Nastavak diskusije zastupnik Dević. Izvolite.

Poslanik/zastupnik Mahir Dević:

Čujemo li se predsjedavajući? Zahvaljujem. Nastavljam svoju diskusiju. Moja diskusija se odnosila na karakter hitnosti sazivanja navedene sjednice i tražio sam od vas kao predsjedavajućeg da nam to obrazložite i da nam date odgovore na to pitanje. Odnosno da nam pročitate član 65 Poslovnika o radu Skupštine Kantona Sarajevo. Vi ste to uporno cijelo vrijeme odbijali. Iz tog razloga smo mi tražili nekoliko poslovnčkih intervencija. I ponovo se vraćamo na meritum stvari. Član 65 kojeg ste vi citirali u preambuli za sazivanje ove sjednice, a takav način to kolega, odnosno predsjedavajući, uvaženi vi to niste mogli uraditi. Naravno poslije toga se uključio kolega Konaković iznoseći neistine.

Predsjedavajući:

Poslovnčka intervencija uvaženi zastupnik Konaković.

Poslanik/zastupnik Elmedin Konaković:

Molim vas može li neko objasniti kolegi Deviću da sam bio uvodničar sa obrazloženjem za razloge hitnosti donošenja Zakona i da je tema Zakon, zapravo hitnost donošenja Zakona. A da smo priču o karakteru hitnosti sjednice završili. Kolega Dević se ponovo, vjerovatno svjesno, on hoće koji minut, udaljava od teme. Može govoriti samo o karakteru hitnosti, razlozima hitnosti donošenja predmetnog Zakona. Hvala.

Predsjedavajući:

zahvaljujem. Davanje riječi zastupniku Deviću, nastavak diskusije, izvolite.

Kolege Deviću morate upaliti mikrofona.

Poslanik/zastupnik Mahir Dević:

Čujemo li se sada predsjedavajući? Zamolit ću vas predsjedavajući da u buduće svakom zastupniku koji zlopotrebljava poslovničku intervenciju na način da ne kaže koji član Poslovnika je prekršen, a onda to koristi kao diskusiju, a prije toga da koristi institut ispravke krivog navoda, ne ispravljajući ništa što sam ja kazao, da takvim zastupnicima oduzmete riječ. Znači pitajte svakoga šta je krivi navod bio i pitajte svakog zastupnika, pa i vašeg predsjednika stranke koji član Poslovnika je ovdje prekršen. Ja diskutujem. U toj diskusiji imam pravo to da kažem što sam kazao. I ponavljam još jednom, znači, na hitnoj sjednici, na ovakav način Zakon koji podrazumijeva isključivo redovnu proceduru se ne može mijenjati predsjedavajući. Ja vas u tom smislu. Zakon predlagati na sjednici Skupštine Kantona Sarajevo bez mišljenja Vlade, a bez prethodno pribavljenih mišljenja prije Vlade od Ministarstva finansija, pravde i uprave i drugih važnih resornih ministarstava, stavljati Zakon na dnevni red koji tretira razdvajanje Ministarstva obrazovanja bez mišljenja Ministarstva obrazovanja, ja ne mogu da vjerujem da se to dešava u Kantonu Sarajevo. A mi to dobijamo još 10 minuta prije početka sjednice Skupštine pod obrazloženjem da je to hitnost jer se vama žuri da podijelite fotelje, da razdijelite taj plijen. Ja to razumijem. Međutim, morate ljudi morate poštovati te procedure. Mi te procedure ne kočimo. Ja sam kao predsjednik Komisije za izbor i imenovanja odmah kada je premijer dao ostavku, sazvao sjednicu i prihvatio. Znači mi ništa ne kočimo, za razliku od našeg prethodnika koji je sve kočio, pa i do toga da je pečat na kraju zarobio. Na ovakav način predsjedavajući ne možete tretirati ovaj Zakon. Ja vas još jednom upozoravam, pozivam vas da to ne radite. Provodite ovo po procedurama. To će vam reći i sekretar Skupštine da nije po procedurama. Pitajte i nju. Mi ćemo uložiti apelaciju Ustavnom sudu. I šta ste onda dobili? I šta smo svi dobili? Nemojte to raditi. A na ovakav način jer to nije u skladu sa članovima Poslovnika koje smo vam citirali. I 65 i 71 i 129 i 130 član Poslovnika, i 148. pročitajte te članove Poslovnika koje sam vam sada kazao. Vidjet ćete da to nije moguće. Znači na ovakav način to predsjedavajući ne može. A vi ste dužni kao predsjedavajući da poštujete odredbe poslanika, da poštujete dužnosti i prava svakog zastupnika. A ne da po nalogu vašeg šefa stranke nama uskraćujete pravo da govorimo na Skupštini, iako nam je član 91 da svaku poslovničku intervenciju omogućio svakom zastupniku, u svakom momentu da ima pravo da govori. Nemojte to predsjedavajući raditi, na to vas ja pozivam. A ovo na ovakav način nije u skladu s Poslovnikom. I vi to znate, ali eto, meni je nekada i žao što vi morate raditi po nalogima koje dobijate preko mobitela. Hvala.

Predsjedavajući:

Zahvaljujemo se kolegi Deviću. Sljedeći za diskusiju7 uvaženi zastupnik Zahiragić. Izvolite, imate riječ.

Poslanik/zastupnik Haris Zahiragić:

Dakle da ne govorimo o karakteru hitnosti sjednice. Ja mislim da bi najbolje bilo da se izjasni sekretar Skupštine, da nam da javno svoj stav o tome, i da pređemo na temu karaktera

hitnosti. I Zakona. Što je također veoma sporno. Ako vam smijem citirati uvaženi predsjedavajući odredbe Poslovnika o radu Skupštine Kantona Sarajevo koji kaže “zakoni se u pravilu” donose po redovnom postupku. Dakle u pravilu. Izuzetak je hitna procedura. A znate kada, da vam pročitam.: “Izuzetno po hitnom postupku može da se donese samo Zakon kojim se uređuju odnosi i pitanja za čije uređivanje postoji neodložna potreba iako bi donošenje Zakona u redovnom postupku moglo da izazove takve posljedice štetne za društveni interes u Kantonu Sarajevo. Ako mi iko od vas može obrazložiti kakve štetne posljedice može donijeti ne donošenje ovog Zakona u hitnom postupku, nego u redovnoj proceduri. Ja apelujem na vas, gospodine Okeriću, pa i gospodina Konakovića kao lidera ove vladajuće većine, da ovaj Zakon stavite u redovnu proceduru, da raspišete javnu raspravu, da provedete javnu raspravu, da dobijemo sva relevantna mišljenja i da na osnovu toga svi zajedno možemo odlučivati da li je to ispravno ili ne. Evo ako želite moj subjektivan stav, Ministarstvo obrazovanja bi možda i trebalo razdvojiti, ali ne ovako na hitnoj sjednici kada nismo stigli pročitati materijale. I po hitnom postupku. I bez i jednog mišljenja Ministarstva obrazovanja, Ministarstvo pravde i finansija. Kažu ne treba dodatni finansijski troškovi a onda kažete da će se radnici iz Ministarstva obrazovanja prebaciti u jedno Ministarstvo a da će drugo biti samo ministar. I onda će to naravno insistirati i nove troškove i neka iziskuje. Obrazovanje je najbitnija oblast našeg društva. I baš zbog toga predsjedavajući molim vas, nemojte da takve odluke, koje su de fakto historijske u Kantonu Sarajevo donosimo preko koljena. Apsolutno nije bitno ko je većina. Ako provedemo kvalitetnu proceduru kroz javnu raspravu, dobijemo široku argumentaciju, onda ću možda i ja lično glasati za razdvajanje tog Ministarstva. Ova druga dva Ministarstva nikada neću podržati. Dalje, kada su spajanja druga dva Ministarstva, Ministarstvo komunalne privrede, vi ste u programu, u najavi mandatar koji poziva, trebali ste njega ovdje na hitnost sjednici imenovati da što prije preuzme odgovornost i da počne raditi. On je govorio i stavili ste u program da će se dešavati to, da ćete napraviti holding rekonstrukciju, reformu komunalnog sektora. Ja vas također u tome podržavam. A onda spajate to Ministarstvo s drugim Ministarstvom koje izdvojeno kao takvo koje treba da se bavi gorućim temama. Pa između ostalog zaštite okoliša. Ja ne mogu a da ne pitam svog uvaženog i dragog kolegu Nišića čiji sam, by the way, nekada bio fan i plaćao ulaznice da gledam njega kada je nastupao na stand up-ima i slušao njegove stavove po FCB o zagađenju, gledao njegova videa, mnoga od njih lajko, podržavao, slao drugim ljudima i govorio čovjek ovo što govori o zagađenju je u pravu. Šta on misli i šta njegova stranka Ekološka misli o tome da se gasi ministarstvo koje je dakle već podijeljeno. Trebalo nam sam Ministarstvo zagađenja u kakvom stanju se nalazimo i zaštite okoliša. No međutim sada nakon što je podijeljeno,.

Predsjedavajući:

Oprostite uvaženi zastupniče Zahiragić, imamo ispravku krivog navoda dopredsjedavajuća Danijela Kristić.

Dopredsjedavajuća Danijela Kristić.

Zahvaljujem predsjedavajući. Pozdravljam sve prisutne kao i gledaoce kraj malih ekrana. Ja bih ispravila samo krivi navod kolege Zahiragića, mandatar se ne imenuje na Skupštini. Znači prema članu 203. Poslovnika jasno je definisano da kandidata za premijera Kantona Sarajevo imenuje predsjedavajući uz konsultacije sa zamjenicima predsjedavajućeg. Toliko. Hvala.

Predsjedavajući:

Zahvaljujem se dopredsjedavajućoj Kristić. Možete nastaviti uvaženi zastupniče Zahiragić.



Poslanik/zastupnik Haris Zahiragić:

Gospođa ili gospođica, nisam siguran, Kristić je u pravu. Svjestan sam toga da se na taj način imenuje mandatar, međutim da je Kolegij umjesto ovoga prijedloga Zakona i umjesto ove hitne sjednice utvrdio, vam predložio zajedno sa vama mandataru mi smo mogli za neki sedam dana od dana kada ste se vi sastali i li već smo do sada mogli imati Vladu Kantona Sarajevo. Ja znam da je vrlo teško podijeliti resore jer nemate puno kadrova i onda pokušavate praviti Vladu prema kadrovima koje imate. A ni oni nisu dovoljno.

Predsjedavajući:

Uvaženi zastupnike Zahiragić ispravka krivog navoda zastupnik Konaković.

Poslanik/zastupnik Elmedin Konaković:

Kolega Zahiragić je rekao krivi navod. Nije Kolegij taj koji utvrđuje i predlaže ovo predsjedavajućem Okeriću, drugi put se pogriješili kolega Zahiragić. Mandataru dostavlja skupštinska većina. Tako da Kolegij s tim procesom, evo drugi put, u jednoj diskusiji, vi koji ste pravnik kolega Zahiragić pokazujete elementarno neznanje. Dakle mandataru dostavlja skupštinska većina predsjedavajućem. Kolegij s tim zaista nema nikakve veze. Samo eto da vas malo upozorimo na to.

Predsjedavajući.

Uvaženi zastupnik Nikšić.

Poslanik/zastupnik Damir Nikšić:

Ja bih samo ispravku krivog navoda koji se već nekoliko puta ponavlja, a to je da se Ministarstvo okoliša i prostornog uređenja gasi. To nije tačno. Ne gasi se. Ujedinjuje se i ako se sjećate 2105, 2014 ja mislim da je to Zakon, da stoji da Ministarstvo prostornog uređenja zvalo samo Ministarstvo prostornog uređenja i zaštite okoliša. Da je u opisu bilo da je komunalno pod ingerencijama tog Ministarstva . A bilo je izdvojeno stambena politika bila izdvojena. Znači u suštini ne radi se o gašenju Ministarstva. A o tome šta ja mislim o tome, ja se nadam da kada usvojimo hitnost postupka da ću u raspravi imati priliku da kažem šta ja sve mislim o tome. Hvala.

Predsjedavajući:

Zahvaljujem zastupnice Nikšić. Ispravka krivog navoda dopredsjedavajuća Kristić. Izvolite.

Dopredsjedavajuća Danijela Kristić:

Zahvaljujem predsjedavajući. Pa ja bih ispravila krivi navod ponovo kolege Zahiragića, gdje je naveo da smo imenovali mandataru da smo u roku od sedam dana mogli već imati Vladu. Ja ću podsjetiti kolegu na član 204 gdje je jasno definisano da kandidat za mjesto premijera dostavlja predsjedavajućem Skupštine prijedlog kandidata za ministre i to najmanje 12 dana prije početka sjednice Skupštine na kojoj će se vršiti izbor. Tako da ispravka navoda i da smo imenovali mandataru nismo mogli u roku od sedam dana imati Vladu jer mora proći najmanje 12 dana prije početka sjednice. Hvala.

Predsjedavajući:

Zahvaljujem se dopredsjedavajućoj Kristić. Ispravka krivog navoda Vildana Bešlija. Izvolite, imate riječ.

Poslanik/zastupnik Vildana Bešlija:

Hvala predsjedavajući. Ja bih naravno, ispravka krivog navoda i od mene za kolegu Zahiragića. Zaista mi je, da ne kažem čudno, da kolegi Zahiragiću koji je u suštini, evo čuli

smo i pravnik, trebamo držati ovolike lekcije. I evo ja mislim da sam ja peta po redu u nekih 10 minuta. I da trebamo trošiti vrijeme na ispravku kolege koji konstantno iznosi nešto što nije tačno. Znači ovdje se radi o prijedlogu Zakona, tako da nikakva javna rasprava koju ste spominjali kolega Zahiragiću nema veze sa ovim. Ja bih zamolila predsjedavajući da nastavimo sa sjednicom, jer zaista ne želim da trošimo ni naše vrijeme i građani od nas očekuju zaista da budemo efikasni, pogotovo da ova sjednica ustvari služi za edukaciju novih zastupnika. Postoji Poslovnik. Ja bih zamolila svi da se pripremimo. Ako kolegi Zahiragiću treba vremena da se na neki način uštima sa radom sjednice, možemo razumjeti, ali hajmo sada zaista krenuti da radimo onako kako treba. Hvala vam.

Predsjedavajući.

Zahvaljujem uvažena zastupnice Bešlija. Krivi navod zastupnik Jakupović.

Poslanik/zastupnik Vedran Jakupović:

Kolega Zahiragić je rekao da on zna kako se raspoređuje plijen. Riječ plijen je ne znam u kojem kontekstu upotrebljavati riječ plijen u bilo kakvom kontekstu kada je riječ o ministarstvima o zakonima, ne znam, nije mi jasno. Čisto da ispravim tu riječ koja nije primjerena ovom vremenu ili trenutku. Hvala.

Predsjedavajući:

Zahvaljujem se zastupniku Jakupoviću. Ispravka krivog navoda zastupnik.

Poslanik/zastupnik Haris Zahiragić:

Imam diskusiju pa ću ja ove krive navode poispravljati u diskusiji. Prije svega ne mogu ni upratiti. Vjerovatno su vam šefovi rekli da pokušate svaki moj navod ispraviti. Pa je u tome gospodin Jakubović, pošto ima tremu kada govori vrlo sporo govori, ne mogu da ga razumijem, ali čuo sam dovoljno da je on meni ispravio navod koji je kolega Dević rekao. I to dovoljno govori da su dobili direktivu iz svoje centrale. Evo gospodin predsjedavajući se, ovaj zapravo gospodin Konaković, Izvinjavam se gospodinu Okeriću, gospodin Konaković, kolega zastupnik se evo vidim smije zato što je to istina. Dakle gospodin Dević je to kazao a ne ja. I sa njim trebate ispraviti krivi navod pa će on znati sam sebe braniti, ja nisam advokat kolege Devića. Druga stvar kada je gospođa Vildana, nije mi uopšte nikakav krivi navod kazala. Gđo Vildana pročitajte Poslovnik zarađujete ovdje veliku platu, dugo ste ovdje.

Predsjedavajući:

Zastupniče Zahiragiću imamo ispravku krivog navoda.

Poslanik/zastupnik Haris Zahiragić.

Gospodine Okeriću ja imam ispravku krivog navoda. Oprostite.

Predsjedavajući:

Kazali ste maloprije da nastavljate diskusiju zato sam ovako reagovao.

(predsjedavajući i zastupnik govore istovremeno pa je nerazumljivo)

Poslanik/zastupnik Haris Zahiragić:

Ne, nego da ću kroz svoju diskusiju ispraviti krive navode.

Predsjedavajući.

Ispravka krivog navoda Jakupović.

Poslanik/zastupnik Vedran Jakupović.

Gospodinu Zahiragiću ja znam da on je naučio da radi po direktivama, ja govorim sporo, smisleno, suvislo, znam šta govorim, ne verglam i ne radim ni po čijim direktivama. Hvala.

Predsjedavajući:

Zahvaljujemo se zastupniku Jakupoviću. Nastavak diskusije ili krivi navod.

Poslanik/zastupnik Haris Zahiragić.

Evo čekao sam, čuo sam da mu je Konaković rekao nemoj više Zahiragića prekidati. Zahvaljujem se gospodine Konakoviću jer će javnost vidjeti kako ste se pripremili da mene prekidate. Na žalost mikrofon vam je bio upaljen pa je to čula javnost. Gospodine Okeriće vi nemojte me prekidati. Dobro vam je Konaković kazao jer ćete postići kontra efekat. Gospodine Jakuboviću rekli ste da ja verglam, i gospodine Okeriću molim vas kada ste maloprije kolegi Mahira za riječ koja uopšte nije uvredljiva nego je riječ bosanskog jezika, iskoristio, ispravili ste ge i upozorili. Upozorite i gospodina Jakubovića. Prva stvar kada je gospođa Vildana Bešlija i njen krivi navod u pitanju. Gospodine Konakoviću mašete rukama. Ja imam krivi navod pa me ne možete prekinuti. Vidio je Okerić krivi navod, ali ja sada imam krivi navod. A krivi navod je moj raniji od vašeg krivog navoda. Pročitajte Poslovnik. Dakle gospodine Okerić da nastavim. Gđa Vildana je kazala da sam ja rekao da je javna rasprava na prijedlog. Nisam ja rekao na prijedlog, ja sam rekao vratite Zakon u redovnu proceduru, u fazu nacрта da se može amandmanski djelovati. Tako da sljedeći put bolje pratite moje riječi, možda ipak uhvatite neki krivi navod gđo Bešlija. Peđa Kojović će biti ponosan na vas kako ste se i vi javili, a morate se javiti da platu zaradite, sjedite tu stalno, bavite se nekim macama, cukama, dok građani Kantona Sarajevo ovdje u pandemiji se guše i u smogu i privreda propade. Itd. Dalje krivi navod gospodine Okeriću je gospodinu, i ne mogu više ni upratiti ko mi je rekao da zadnjih sedam dana je bio rok. Ja sam kazao da ste vi na vrijeme gospodine Okeriću, ako (nerazumljivo) konsultujete u svom radu sa svojim zamjenicima. Da ste se vi na vrijeme konsultovali sa zamjenicima, i prihvatili, a da je Skupštinska većina koja je vas izabrala vama predložila mandataru, prije pet dana da bi imali još sedam dana. Znam ja naravno da je 12 dana rok. Tako da je trebao da bude uz izmjene Zakona o Vladi rok 12 dana a ne da nam date 10 minuta. Ja ga nisam stigao pročitati. Dakle, vi uopšte ne govorimo ne govorimo o suštini Zakona. Evo kako ste vi nas doveli. Mi ćemo morati imati pauzu ako vi na mišiće izglasate ovo, da uopšte pročitamo šta vi namjeravate usvojiti. Ja sam stigao dva člana da pročitam i to mi je već dovoljno bilo da me šokira. Ima još puno krivih navoda ali evo da ne uzimam svu pažnju, dozvolit ću njima da zarade svoju platu i povjerenje svojih predsjednika. Pa predlažem zastupnicima iz NiP i Naše stranke, da se još po koji put jave.

Predsjedavajući:

Zahvaljujem se. Ispravka krivog navoda uvaženi zastupnik Konaković.

Poslanik/zastupnik Elmedin Konaković:

Kolega Zahiragić je 15 puta rekao morate raditi po nalogima šefova, morate to raditi po nalogima šefova. Vi to radite po nalogima šefova. Potpuno nam je jasno zašto njegov mozak tako funkcioniše. Ja kolega Zahiragiću sjedim u centrali NiP, ulica Hakije Kulenovića broj 12. predsjedavajući Okerić sjedi i to možete provjeriti u skupštinskoj sali u svojoj kancelariji. Ni golubom pismošom mu ne bih mogao poslati takvu poruku da ne prekida kolegu Zahiragića niti mislim da onakav dobar kako vodi sjednicu treba bilo kakve upute. Ako vas zanima kome sam rekao nemoj više, možete doći kod mene u kancelariju na šta se zapravo odnosi moj upaljeni mikrofon i kafu koju sam dobio uživajući dok vas gledam tako kako bih rekao, vidljivog, da vas ljudi vide koliko ste samo puta svakog od kolega uvrijedili u svom obraćanju. Onaj ne zna da zaradi platu, ovo je naravno krivo ste naveli. Da sam ja odavde

mogao dobaciti Okeriću Edo ne prekida ga. Ja bih volio da vas ne prekida, ni vas ni kolegu Deviću. A to što ste rekli notorna je neistina koju (smetnje).

Predsjedavajući:

Zahvaljujemo se Konakoviću. Ispravka krivog navoda uvaženi zastupnik Aljoša Čampara. Izvolite.

Poslanik/zastupnik Aljoša Čampara:

Zahvaljujem predsjedavajući da li se čujemo? Ja ću vrlo kratko. Dakle ovo više stvarno prelazi u jedan cirkus od strane pojedinih zastupnika. Ja želim samo da kažem, javio sam se za ispravku krivog navoda da se referiram samo na Poslovnik ponovo. Dakle kolega Zahiragić čini mi se da je rekao da se vrati u redovnu proceduru pa da se amandmanski može djelovati. Dakle, slobodno pročitajte Poslovnik svi. Amandmanski se može djelovati i prijedlog Zakona u hitnoj proceduri. Nije nikakav problem niti je to apsolutno zabranjeno. Dakle ja vas molim da svi fino čitamo Poslovnik, on je jako razumljiv i nema nikakvih problema da amandmanski djelujemo na ovaj Zakon ukoliko neko želi da podnese amandmane. I nemojte da dezavuišimo javnost da je ovo Zakon uzmi ili ostavi. Ukoliko neko ima želju da predloži određene amandmane, da popravi, dopuni, promijeni Zakon, to je sasvim legitimno, dozvoljeno Poslovnikom i parlamentarna većina će se izjasniti o tome dali će proći neki Zakon, da li će biti 18, odnosno neki amandman, da li će biti 18 ruku za njega. 20 ili 25. možda hoće. Ali dajte molim vas predsjedavajući da idemo dalje. Nemamo mi baš puno vremena niti građani imaju vremena da slušaju ovakve stvari, evo da ne koristim neke grublje riječi. Hvala vam.

Predsjedavajući:

Zzahvaljujem zastupniku Čampari. Ispravka krivog navoda zastupnik Zahiragić.

Poslanik/zastupnik Haris Zahiragić:

Pa ne znam više koja po redu ispravka. Ovaj put gospodinu Čampari. Pa mislio sam da kada se javio da će nešto konstruktivnije kazati a on se javio jer vjerovatno i od njega Konaković očekuje da se javi jer mu je on sada predsjednik, tako ga oslovljava, i drago mi je da i on sluša gospodina Konakovića. Nekada nisu bili dobri i vi to Okeriću, smijete se, znate i vi koliko nisu dobri. Drago mi je da su dobri. I vjerujem da ćemo u perspektivi svi mi ovdje biti dobri da radimo u interesu građana a ne da koristi se institut Poslovnika replika da bi se kolega Zahiragić pokušao na prvoj sjednici diskreditirati. Vidim nije vam drago što sam došao, a li ja sam preuzeo mandat i morat ćete naredne dvije godine slušati moje diskusije. Kada je u pitanju Aljoša Čampara i njegova ispravka krivog navoda ono što ja moram reći jeste da sam ja kazao ne amandmanski djelovati samo od strane zastupnika, što bi se moglo na hitnom postupku u hitnoj proceduri. Nego amandmanski djelovati od strane svih relevantnih udruženja, građana, da mi obavimo javnu raspravu. Da pitamo javne ustanove, javna preduzeća, da pitamo UNSA kada je obrazovanje u pitanju. Sindikate, učenike, eksperte iz oblasti obrazovanja. Na takve amandmane sam ja mislio gospodine Čampara a ne na amandmane koje bi smo za 10 minuta koliko smo vremena imali da pročitamo ovakvo bitan Zakon, suštinski koji organizuje Vladu, koja Vlada životom građana Kantona Sarajevo. Kako ćemo mi amandman kada ga nismo stigli ni pročitati. I gospodine Okeriću ako su završili krivi navodi da mi date riječ za moju diskusiju. I gospodin Čampara neka pročita član 65 Poslovnika neću ga ja ovdje učiti. Previše je dugo..

Predsjedavajući:

Oprostite kolega Zahiragiću. Poslovnička intervencija zastupnik Vreto.

Poslanik/zastupnik Elvis Vreto:

Hvala predsjedavajući. Pozivam se na član 91. mislim da smo se udaljili od rasprave o hitnosti karaktera donošenja Zakona. Raspravljamo previše o meritumu, mislim da trebamo krenuti dalje. Svako onaj ko smatra da nije Zakon potrebno donijeti po hitnom postupku ima pravo da se izjasni prilikom glasanja. A kada bude usvojen i ako bude usvojen dnevni red, zastupnici naravno imaju mogućnost da raspravljaju o meritumu Zakona i konkretnim stvarima. Ja vas molim da se vratimo na tačku dnevnog reda, odnosno da odlučimo o karakteru hitnosti donošenja navedenog Zakona.

Predsjedavajući:

Zahvaljujem se. Kolega Zahiragiću jeste li vi završili diskusiju s obzirom da ste nekoliko puta prekidali i nastavljali?

Poslanik/zastupnik Haris Zahiragić.

Pokušavao sam, nisam naravno i svaki put sam morao ispraviti krive navode. Ne znam ima li još zastupnika da se jave, nek zarade svoju platu, nek zarade povjerenje svojih šefova i onda da nastavim diskusiju vezano za Zakon, ako mi dozvoljavate.

Predsjedavajući:

Nastavite svoju diskusiju. Molim vas nemojte se udaljavati od teme.

Poslanik/zastupnik Haris Zahiragić.

Neću. Sada ću isključivo govoriti o hitnoj proceduri. Dakle izuzetno po hitnom postupku može da se donese samo Zakon kojim se uređuju ona pitanja za čije uređivanje postoji neodložna potreba. I ako bi donošenje Zakona u redovnom postupku moglo da izazove štetne posljedice za Kanton. Ja sada pitam i vas gospodine Okeriću i sve zastupnike koji su potpisali se na toj inicijativi koju smo mi tek prije 10 minuta pred Skupštinu vidjeli koji je problem i koja je katastrofa za Kanton ukoliko se ovaj Zakon sada ne usvoji. Šta sprečava novu skupštinsku većinu da imenuje Vladu i da onda nakon što imenuje Vladu i da preuzme odgovornost, tri mjeseca ste govorili kako nema ministra zdravstva, dugo, više pola godine. I sada to niko više ne spominje. Molim vas imenujte Vladu i onda ćete čak ako treba dobit ako vam bude trebalo ruku dobit ćete i našu podršku za program koji vi ocijenite. Redajte Ministarstva, gasite ih, sve će to imati svoje posljedice. Koje su opet posebna tema. Kada bude se raspravljamo o meritumu Zakona, ukoliko budete insistirali i dalje na ovom hitnom postupku, što je mislim presedan u demokratskoj praksi, za to će sigurno nadležni relevantni sudovi dati svoj sud kao što su davali i ranije već nekoliko puta kada je ovaj Klub drugačije tvrdio a vi drugačije. Molim vas, da li ste svjesni da budžet Kantona Sarajevo nije usvojen? Ako ovako u hitnom postupku ovo radite pitanje je kako ćete vi isplatiti plate tim budžetskim korisnicima. Nemojte reći lako ćemo. Neće lako. Eto ta tri nova Ministarstva, ta nova Ministarstva neće biti u budžetu. Nisu bili u budžetu moraju dobiti novi ID broj, da vam pravnik kaže. I slušajte me sada, moraju dobiti novi poreski broj, i oni kao takvi neće biti u budžetu i privremeno finansiranje ukoliko bude a sve je izvjesniji, neće se oni moći finansirati. I onda vi planirate jel budžet isto tako u nekom brzom postupku, munjevitom bez neke kvalitetne rasprave donijeti. Iako je privreda Kantona Sarajevo na koljenima, iako je zdravstvo u problemima. To su sve teme koje možemo spriječiti ako budete išli u redovnim redom koraka. A ja najdobronamjernije govorim. Što se mene tiče ja bih volio da ste već odavno imenovali Vladu. Jedva čekam da imenujete Vladu. Vjerujte mi. Ne mogu vam ni objasniti koliko ja to ne mogu da dočekam. Hvala gospodine Okeriću.

Predsjedavajući:

Zahvaljujem se zastupniče Zahiragić. Diskusija uvažena zastupnica Bišćević-Tokić. Izvolite, imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo na tragu svojih kolega dijelim isto mišljenje. Prijedlog Zakona o izmjenama i dopunama Zakona o organizaciji i djelokrugu organa uprave i urpavnih organizacija Kantona Sarajevo naravno može se razmatrati po hitnom postupku, ali ne na hitnoj sjednici. I to je ono što mislim da i ostale kolege brkaju, a vi predsjedavajući. A vidim evo i kolega Konaković išareti i smije se. Ne može kolega Konakoviću. Morate pročitati član 66. koji tretira uopće i nacрте i prijedloge Zakona. Znači možete raditi po hitnom postupku, to se slažem, ali na hitnoj sjednici ne možete. S druge strane vaš kolega Okerić se u pozivu za dnevni red ove sjednice pozvao na član i 65 i 71 i kada otvorite i pročitate vidite u suštini koji su to uslovi i razlozi da mi danas pričamo o ovome na hitnoj sjednici. Nije samo Zakon. Evo iako kažete da je trenutno ta tačka na dnevnom redu, nego i Zakonodavno-pravna komisija, Odluka o izmjeni Zakonodavno-pravna komisija jer ta komisija, odnosno radno tijelo Skupštine nije htjelo da se očituje u roku od 24 sata bez odgovarajućih potrebnih mišljenja, a smatram da vi to znate o čemu se radi i koji u suštini članovi Poslovnika tretiraju. Pa ste o tome i na Kolegiju pričali da pretpostavljate da predsjednica Zakonodavno-pravna komisija misleći na mene, neće takve stvari raditi i neće sazvati Zakonodavno-pravna komisija. Istina je, bili ste u pravu kolega Konakoviću, na takve stvari ja nisam htjela da sazovem Zakonodavno-pravna komisija a evo pozvat ću vas na član 61, stav 3 koji kaže: “ako prijedlog nije podnijela Vlada, Skupština će prije odlučivanja od nje zatražiti mišljenje o ovom prijedlogu”. Zakonodavno-pravna komisija kada dođu sva potrebna mišljenja, mišljenje Vlade, a ja nisam dobila ni jedno mišljenje Vlade, u prapratnom aktu, razmatra će ovu tačku dnevnog reda. Po meni je bilo normalno da imamo neko mišljenje ispred Vlade, da li je to mišljenje finansija, da li je to mišljenje pravde i uprave, koji tretira ovaj Zakon ili je neko drugo. Evo Vlada odlučuje, u principu oni se dogovore ko su resorna Ministarstva koja bi davala mišljenje jer u Poslovniku decidno ne kaže ko daje mišljenje na ovakav Zakon. Naravno kada ukupno sagledamo, rekli ste već da SDA je bila za podjelu Zakona o visokom obrazovanju u odnosu na srednje i osnovno. Jeste. Mi jesmo za to. Ali ne na ovakav način. Smatram da ne može jedna osoba tretirati tri vrste obrazovanja: osnovno, srednje i visoko. I jesmo za to da se takva Ministarstva odvoje ali da ide u formi nacрта, da ide na redovnoj sjednici i da iam neka javna rasprava. Nebitno za koliko je to dana. Da li je to pet, sedam, 30 ali da i drugi ljudi kažu šta misle u suštini o spajanju, pogotovu Ministarstva komunalne privrede i Ministarstva prostornog uređenja koji smatram da je stvarno da je potrebno da kažem u Kantonu Sarajevo. Mislim da ovakva procedura da kažem na mišiće guranja Zakona koji je stvarno bitan. I onda sam vidjela da se pozivate u obrazloženju evo, da iskreno kažem diskutovat ću pretpostavljam da će proći dnevni red sa tačkom da govorimo o ovom Zakonu. Kažete da je to od društvenog interesa za građane Kantona Sarajevo jer bi time zaustavili imenovanje nove Vlade. To je stvarno suludo. Vlada se može imenovati, pa da se nakon imenovanja Vlade u nekoj redovnoj sjednici ova Ministarstva odvoje ili se fuzionišu ova dva Ministarstva. Ali smatram da ste svi ozbiljni i da niko od nas nije da kažem početnik da radimo ovakve stvari gdje guramo nešto što nije u interesu ni građana, pogotovo što nemamo budžeta Kantona Sarajevo. U sljedećoj godini će vjerovatno ići privremeno finansiranje koje će nam svima otežavati. I evo još jednom, ja molim vas kao sada trenutno poziciju da razmislite da vratite stvarno Zakon u nacrt, i mi ćemo podržati da ide u javnu raspravu. Ali ovakvo kršenje Poslovnika, a i vi znate kao dugogodišnji zastupnik, da ove procedure stvarno nisu ispoštovane. Evo ja još jednom kažem diskutovat ću kada bude Zakon na dnevnom redu. Ali još jednom zbog ozbiljnosti same Skupštine Kantona Sarajevo pozivam vas da ne radite ovakve stvari. Pogotovo predsjedavajućeg. Mi imamo pravo na poslovničku intervenciju i nije zloupotreba SDA, ja sam se do sada očitovala na svaki član Poslovnika koji je povrijeđen. I naravno, demokratsko pravo je da mi to dozvolite. Evo zahvaljujem predsjedavajući.

Predsjedavajući:

Zahvaljujem se zastupnici Bišćević-Tokić. Druga diskusija uvaženi zastupnik Dević. Izvolite.

Poslanik/zastupnik Mahir Dević:

Zahvaljujem predsjedavajući. Da li se čujemo? Hvala vam. Mi smo već nekoliko puta u ove protekle dvije godine bili u ovakvim situacijama i vi se sjećate tih mojih diskusija i tih naših apelacija prema Ustavnom sudu. I znate iz prakse kako se to dešavalo. Ja vas predsjedavajući u tom pravcu ponovo upozoravam da kao neko ko je najodgovorniji u skladu s članom 12 Poslovnika imate tamo stav 7, 8, 9 i 10 koji jasno propisuje da ste vi dužni da zaštitite Poslovnik i sv eventualne štete koje bi mogle nastati ovakvim načinom rada. Razumijem i ovu drugu varijantu da se vama daje neka vrsta instrukcija da vas se gura u nešto i da vas se stavlja u nezgodnu poziciju. Ali vas ja upozoravam rječnikom sportskim kazano nemojte da pravimo kolut naprijed nazad dva. Nema potrebe da to radimo jer smo to do sada nekoliko puta uradili. Iako ti neki nalagodavci možda misle da to tako treba uraditi. Znači član 129. Poslovnika o radu Skupštine Kantona Sarajevo jasno kaže "Inicijativu za donošenje Zakona može pokrenuti svaki Poslanik/zastupnik Skupštine, radno tijelo Skupštine, Vlada, ministarstva i ostale kantonalni organi, KJP i druga pravna lica, općinska vijeća, kao i građani i njihova udruženja. Inicijativa za donošenje Zakona se dostavlja predsjedavajućem Skupštine." ona je vama kao predsjedavajućem Skupštine dostavljena i to je OK. Član 130 da ga ne čitam čitavog, kristalno jasno kaže da se za taj Zakon pribavlja mišljenje Zakonodavno-pravne komisije, a gledajte čuda kod vas, znači vi tek treba da imenujete Zakonodavno-pravnu komisiju koja bi vam u pazi od 15 minuta dala mišljenje. Pazite, gledaj šta vi radite. A da ne kažem da u tom istom stavu 2 se kaže da morate imati mišljenje Vlade kojeg vi ovdje nemate. Kada vi sve to pribavite predsjedavajući, tek tada Skupština, u tom istom članu 130 kaže da se određuje način pripreme i nosioce aktivnosti izrade, pazite sada, nacrtu Zakona. Ne kaže prijedloga, već nacrtu Zakona. Kristalno jasno u članu 130. a onda imate član 148 u kome se kristalno jasno također kaže, da prijedlog Zakona prethodno razmatraju, naravno prethodno, misli se prije sjednice Skupštine Kantona Sarajevo, da ga razmatraju ovlaštena radna tijela Skupštine. Što u ovom konkretnom primjeru nije slučaj jer radna tijela Skupštine se zakazuju sedam dana prije Skupštine u redovnoj proceduri. Nije to slučajno zakonodavac propisao u proceduri, vi to znate. Kada kaže da to rade klubovi naroda i klubovi zastupnika. E sada ako vi smatrate da je po vama u ovoj proceduri dovoljno 10 minuta Klubu SDA da nam jutros jedan takav dokument dostavite, i da mi to kao razmatramo i učestvujemo u amandmanskoj fazi, bez da ste nam prethodno na isti taj akt dostavili mišljenje i Vlade i ZPK, ne, vi radite naopako. Dostavljate dokument, pa ćete tek onda imenovati ZPK koja će kao reći da je to kao u redu, i opet bez mišljenja Vlade Kantona Sarajevo. Bez obzir da li je ono u tehničkom mandatu ili nije u tehničkom mandatu. I onda kaže da se taj Zakon može pretresati u skladu sa svojim nadležnostima. A u članu 147 se kaže predsjedavajući Skupštine po prijemu dostavlja prijedlog Zakona poslanicima i zastupnicima i on se može pretresati na sjednici Skupštini po isteku od 12 dana, predsjedavajući. Član 147. znači vama nalaže da imperativno se ti Zakoni pretresaju po redovnoj proceduri. A da ne pričam o tome koje se sve procedure ovdje krše. Naravno, vi ako mislite da je broj ruku važniji od Zakona, da je važniji od procedura, da je važniji od Poslovnika, pa želite da napravite ovu proceduru kolut naprijed nazad dva. Onda naravno vi to možete uraditi, pazite. Ali ja vas opet upozoravam. Nemate potrebe da to radite, čak možete imati sagovornike barem u jednom dijelu ove vaše namjere. Nemojte nas dovoditi u situaciju da mi uložimo apelaciju Ustavnom sudu pa da opet.

Predsjedavajući:

Zastupnice Dević istekle su vam tri minute.

Poslanik/zastupnik Mahir Dević.

Zahvaljujem predsjedavajući. Znači samo još jedna rečenica, to je vama eksplicitna obaveza člana 147 Poslovnika a u vezi sa članom 12 Poslovnika u kome su propisane vaše obaveze i dužnosti. Izvinjavam se.

Predsjedavajući:

Zahvaljujem kolega Deviću. Ukoliko se više niko ne javlja za riječ zaključujem raspravu. Molim sekretara da pripremi anketu za glasanje.

Molim zastupnike da pristupe izjašnjavanju da se Prijedlog zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo donese po hitnom postupku.

ZA JE GLASALO 22, PROTIV 6, SUZDRŽANO 1.

S obzirom da imamo poslovničku intervenciju za pojedinačno izjašnjavanje od uvaženog zastupnika Mahira Devića molim sekretara Skupštine da.

Sekretar Skupštine Aida Zeković:

Dobar dan. Pozdravljam sve prisutne. Molim da se izjasnite.

1. Aljović Hamed PROTIV
2. Bešlija Vildana ZA
3. Bišćević-Tokić Jasmina PROTIV
4. Čampara Aljoša ZA
5. Čelik Mirza OPRAVDANO ODSUTAN
6. Delalić Sabahudin PROTIV
7. Dević Mahir PROTIV NEZAKONITOG PRIJEDLOGA
8. Dizdarević Neira ZA
9. Duraković Jasna ZA
10. Handžić Vibor ZA
11. Hasagić Amra PROTIV
12. Hasanović Senad ZA
13. Hodžić Admela ZA
14. Jakupović Vedran ZA
15. Junuzović-Kaljić Amra ZA
16. Kerla Bibija ODSUTNA
17. Konaković Elmedin ZA
18. Krstić Danijela ZA
19. Marić Zvonko ZA
20. Marjanović Damir ZA
21. Mekić Amel ZA
22. Memić Arijana ZA
23. Milavica Sead ODSUTAN
24. Nikšić Damir ZA
25. Okerić Elvedin ZA
26. Pecikoza Fahrudin ZA
27. Pleho Haris ODSUTAN
28. Poturak Dževad ZA
29. Srna- Bajramović Segmedina ZA



30. Stojanović Igor ZA
31. Suljević Samir Z
32. Šahman Bilsena ZA
33. Viteškić Smiljana PROTIV
34. Vreto Elvis ZA
35. Zahiragić Haris PROTIV

Predsjedavajući:

Nakon pojedinačnog izjašnjavanja 24 ZA i 7 protiv.

Konstatujem da je Skupština usvojila Prijedlog da se Zakon o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo donese po hitnom postupku.

Prelazimo na utvrđivanje Dnevnog reda.

S obzirom da se uvažena zastupnica Bibija Kerla javila ima prijedlog za dnevni red. Evo dajem joj riječ. Izvolite Bibija. Zastupnice Bibija upalite mikrofona.

Poslanik/zastupnik Bibija Kerla:

Halo, da li se čujemo? Dobar dan svima, pozdravljam prisutne na ONLINE sjednici, pozdravljam sve one koji prate današnju sjednicu. S obzirom da smo mi počeli sa ukidanjem nekih ministarstava u Skupštini Kantona Sarajevo da bi smo oslobodili ove naše jadne građane Kantona Sarajevo ja imam prijedlog da mi ukinemo Kanton Sarajevo i da time krenemo sa napretkom u ovoj BIH. Hvala lijepo. Molim da se ova tačka uvrsti u dnevni red.

Predsjedavajući:

Uvažene zastupnice i zastupnici mislim da je ovo neozbiljan prijedlog za tačku dnevnog reda. Slažete li se da je ne tretiramo, da pređemo na utvrđivanje dnevnog reda. OK hvala. Prelazimo na utvrđivanje dnevnog reda.

Prijedlog Dnevnog reda 13. Hitne sjednice Skupštine Kantona Sarajevo glasi:

1. Prijedlog Odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
2. Prijedlog Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo – hitni postupak.

Molim zastupnike da se izjasne o predloženom dnevnom redu.

**ZA JE GLASALO 25 , PROTIV 7 I SUZDRŽANIH NEMA.**

**KONSTATUJEM DA JE SKUPŠTINA ZA 13. HITNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.**

Evo imamo molbu za pauzu uvaženi zastupnik Konaković. Izvolite.

Poslanik/zastupnik Elmedin Konaković.

Hvala predsjedavajući. Molim da glasamo pošto bi zahtjev za pauzu bio malo duži, taman i da ekipa iz SDA pročita papire za koje su tražili malo vremena. U međuvremenu možemo i ručati. Dakle još jednom prođemo kroz sve dokumente, ja kao (smetnja) mogu tražiti 30, od vas molim predsjedavajući da glasamo o standardnoj pauzi od 75 minuta.

Predsjedavajući.

Izvinjavam se zastupniče Konaković ali vas ništa nismo čuli. Možete li ponoviti iz početka?

Poslanik/zastupnik Elmedin Konaković:

Mogu, jel sad bolje jel me čujete. Tražim pauzu od 75 minuta da možemo ručati i da može SDA pogledati malo dokumente, papire kako bi smo ravnopravno raspravljali u ostatku sjednice. Molim da se to stavi na glasanje.

Predsjedavajući:

hvala. Sekretar je napravila anketu u grupi. Molim da se izjasnite.

Na osnovu glasanja konstatujem da pauza u trajanju od sat i 15 minuta. Hvala vidimo se.

**NASTAVAK NAKON PAUZE**

Predsjedavajući:

Tu smo, možemo krenuti. Uvažene zastupnice i zastupnici nastavljamo sa radom.

Prelazimo na realizaciju tačke 1.

**AD – 1.**

**PRIJEDLOG ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO**

Molim predstavnika Predlagača da podnese uvodne napomene.

Dopredsjedavajuća Danijela Kristić:

Zahvaljujem predsjedavajući. Kao predlagač poslala sam zahtjev za izmjenu Odluke o imenovanju Zakonodavno-pravna komisija Skupštine Kantona Sarajevo prema Komisiji za izbor i imenovanja i administrativna pitanja kojima predlažem da se u Zakonodavno-pravna komisija Skupština Kantona Sarajevo imenuju sljedeći članovi:

Aljoša Čamapra kao predsjedavajući Komisije

Samir Suljević zamjenik predsjedavajućeg

Vildana Bešlija član

Elvis Vreto član

Mirsad Dupovac vanjski član

Sakib Kasapović vanjski član

Elmir Baljić vanjski član.

Toliko.

Predsjedavajući:

Hvala dopredsjedavajuća Kristić. Da li predstavnici radnih tijela žele riječ? U ovom slučaju predsjednica Komisije za izbor i imenovanja i administrativna pitanja.

Dopredsjedavajuća Danijela Kristić:

Zahvaljujem predsjedavajući. Obzirom da je Komisija za izbor i imenovanje i administrativna pitanja na današnjoj sjednici usvojila prijedlog odluke predlažem da Skupština Kantona Sarajevo u skladu sa Poslovníkom Skupštine Kantona Sarajevo donese sljedeću odluku:

Odluku o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo. U odluci o izboru predsjedavajućih,

zamjenika predsjedavajućih i članova stalnih radnih tijela Skupštine Kantona Sarajevo (Službene novine Kantona Sarajevo broj 10/20 i 34/20 ) tačka 2. mijenja se i glasi:

Zakonodavno-pravna komisija

1. Aljoša Čampara kao predsjedavajući
2. Samir Suljević zamjenik predsjedavajućeg
3. Elvis Vreto član
4. Vildana Bešlija član
5. Mirsad Dupovac vanjski član
6. Sakib Kasapović vanjski član
7. Elmir Baljić vanjski član.

Predsjedavajući:

Zahvaljujem se predsjednici Komisiji za izbor i imenovanje i administrativna pitanja. Ima li pitanja? Imamo prijavljenih nekoliko zastupnika. Da li su pitanja ili rasprava? Ukoliko nema pitanja otvaram raspravu. Uvaženi zastupnik Zahiragić, izvolite.

Poslanik/zastupnik Haris Zahiragić:

Ja bih imao raspravu, diskusiju a kroz koju ću postaviti par pitanja. Želio bih da vas pitam da li smatrate da je u skladu sa demokratskom praksom da niti jedan predstavnik opozicije ne bude zastupljen u tako važnoj komisiji? Zakonodavno-pravna komisija je prema mom skromnom mišljenju jedna od najvažnijih komisija u Skupštini Kantona Sarajevo koja kao što vidite mora davati mišljenja na sve zakone, sve propise. Tako da smatram da bi bilo adekvatno da se u njoj nalazi neko od predstavnika opozicije. Mislim da uopšte ne postoji u demokratskoj praksi niti u jednom društvu, niti u jednoj Skupštini parlamentu ili nekom sličnom predstavničkom tijelu da tako značajna komisija bude sačinjena sve od samih predstavnika vladajuće većine. Također poslovnik o radu propisuje da se treba voditi računa o evo uslovno rečeno o zastupljenosti svih u komisija koliko je to moguće. Ja smatram da je u ovom slučaju moguće. Ne kažem ja da u toj komisiji treba da bude neko iz SDA apriori nego bilo ko ko nije pripadnik vladajuće većine. A ako uzmemo obzir glasanje o ranijim tačkama vidjet ćemo da je velika većina zastupnika tvori tu novu skupštinsku većinu, iako to nije formalizovano. Hvala.

Predsjedavajući:

Zahvaljujem zastupniku Zahiragiću. Sljedeći ko se prijavio za raspravu je dopredsjedavajući. Evo imam inpute da je odustala zastupnica Danijela Kristić. Rasprava uvaženi zastupnik Elmedin Konaković.

Poslanik/zastupnik Elmedin Konaković:

Jel se čujemo predsjedavajući, pošto imam ja te moje tradicionalne probleme s tonom. Jel sada OK? Javio sam se da se moram reći složim sa kolegom Zahiragićem i da kažem da ćemo se zaista potruditi da kod rekonstruisanja svih ovih komisija i u Zakonodavno-pravna komisija budu ljudi iz SDA, možda i neki vijećnici, možda i neki zastupnici, možda i neki vanjski član. Ovo smo zaista mi iz vladajuće većine morali raditi vrlo brzo i ad hock zato što Zakonodavno-pravna komisija nije zasjedala. Zato što je to mišljenje naravno važno i zato što se ne slažem s kolegicom Bišćević-Tokić da ustvari zapravo možda u tome ime istine ali kada poredate stvari na ovaj način: premijer Nenadić nas je izvijestio da je Vlada imala sjednicu na kojoj je trebala reći svoj stav o ovom Zakonu. Da su kolege iz SDA ministri iz SDA odbili da glasaju. Zapravo su glasali protiv mišljenja Vlade, ostavili su premijera i ministre iz SBB i DF same. Nije bilo potrebne većine. A mišljenje nismo dobili zato što Halebić i Kustura nisu

željeli da daju mišljenja. A onda Zakonodavno-pravna komisija kaže nećemo zasjedati jer nema tih mišljenja. To je zapravo jedan skovan plan, ne mogu reći dobro skovan jer je vrlo providan i očekujem da sada vi shvatite nas. Kolega Zahiragić govori ispravno. Ova Komisija za izbor i imenovanje će imati zadatak da reorganizuje sastav svih radnih tijela. I sigurno će doći do promjena i u ovoj samoj komisiji. I ja sam stava da tamo naravno treba da bude predstavnik opozicije i naravno SDA kao možda to nekome čudno zvuči, najjaču stranku u opoziciji. Dakle, slažemo se pokušavamo obrazložiti bi to danas vi trebali malo shvatiti i razumjeti ovaj cijeli proces i ja ću barem biti zagovornik da se naravno u novoj formi ove Zakonodavno-pravna komisije nađe neko iz SDA, opozicije ili neki vanjski član. I bit će toga i o tome se uvijek vodilo računa. Mi se nećemo ponašati onako kao prošla vlast. Vidjet ćete kolega Zahiragiću u koje ste Komisije vi mene stavili pa će vam možda malo biti jasnija ta politička vrelina u Kantonu Sarajevo.

Predsjedavajući.

Zahvaljujem uvaženi zastupniče Konaković. Ispravka krivog navoda zastupnica Bišćević-Tokić. Izvolite imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Pa pošto je zastupnik Konaković rekao da je kolegica Bišćević rekla. Nije kolegica Bišćević-Tokić rekla ništa, rekao je Poslovnik članom 71. a to je da poziv za radne sjednice Skupštine Zakonodavno-pravna komisija upućuje se poslanicima predsjednicima radnih tijela, Vladi i ostalim učesnicima skupa sa prijedlogom dnevnog reda materijala po pojedinim tačkama dnevnog reda, najmanje 12 dana prije održavanja sjednice. Sjednice radnih tijela Skupštine sazivaju se sedam dana prije održavanja sjednice Skupštine. Znači Poslovnik gospodine Konakoviću uopšte nije tretirao da se zakoni rade na hitnoj sjednici. Tako da ja nisam ništa rekla što nije utemeljeno Poslovnikom niti Ustavom Kantona Sarajevo. Nećete krivicu prebaciti na Zakonodavno-pravna komisija koja je do sada radila u skladu sa svim zakonskim aktima u Kantonu Sarajevo. Meni je jasno da Zakonodavno-pravna komisija na čijem sam ja čelu ne bi nikada to uradila i stavila potpis na ovakve nelegalne radnje koje vi radite i zato vam je prva tačka dnevnog reda smjena Zakonodavno-pravna komisija. Ne moraju to biti članovi SDA koji bi bili u ovoj komisiji, ja vas još jednom molim, ima kolega i iz DF i SBB, doduše ja mislim da ima jedan član SBB što sam vidjela. Ali predložite nekoga iz opozicije. Nije demokratski da budu u komisiji vladajuće strukture. Morate imati jednog člana iz opozicionog dijela. Zahvaljujem.

Predsjedavajući:

Replika zastupnici Bišćević-Tokić od strane zastupnika Konakovića izvolite.

Poslanik/zastupnik Elmedin Konaković:

Dakle ja sam se s ovim dijelom kolegice Bišćević -Tokić već složio, slažemo se bit će to sigurno poredano u skladu kako kaže tamo Poslovnik u najvećoj mogućoj mjeri sa rezultatima izbora, ai ovaj prvi dio niste u pravu. Dakle vi ste eksplicite rekli Zakonodavno-pravna komisija nije razmatrala jer nije bilo mišljenja Vlade. Imamo i stenogram i snimak. Dakle jedan od argumenata. Ovo su bili drugi, ostali argumenti. Ja sam samo o tome govorio. Dakle da nije bilo mišljenja Vlade jer Vlada nije željela, nisam htio to u samom uvodu jer vidio sam da stvarno ste zainteresovani da ovo odugovlačite, da vam to serviram. I činjenica je tu gleda nas premijer, premijer je bio na Kolegiju, na kojem vi niste bili, niste čuli premijera koji je rekao: "sazvao sam Vladu, tražio sam da Vlada zauzme stav, Vlada nije željela jer predstavnici SDA nisu htjeli glasati. I bili su protiv prijedloga da se da bilo kakvo mišljenje. A vi ste njih dali kao alibi zašto nije zasjedala Zakonodavno-pravna komisija. Mi malo drugačije radimo. Na čelu ove Zakonodavno-pravna komisija zamislite bit će pravnik.

Zamislite. Zakonodavno-pravna komisija pravnik. A vi ste predsjednice Tokić bili na čelu ove dosadašnje. Tako da ja ću predložiti vas lično sa svojim iskustvom znanjem svojim kapacitetima, doprinos radu ove komisije, nadam se da će moj stav biti uvažen u parlamentarnoj većini. Hvala vam.

Predsjedavajući:

Zahvaljujem. Replika uvažena zastupnica Bišćević-Tokić. Izvolite.

Poslanik/zastupnik Jasmina Bišćević-Tokić. Zahvaljujem predsjedavajući. Pa Evo ovaj odgovorila bih kolegi Konakoviću. Istina je da sam citirala i drugi član Zakona koji tretira da moraju biti mišljenja Vlade, upravo u diskusiji reći da vi nemate nikakve potrebe propratne dokumente. Šta u suštini je Vlada rekla o ovom prijedlogu Zakona. I svjesni ste ako Skupština odluči da ide u ovaj proces da mora imati takvo mišljenje. Ja se zahvaljujem kolegi Konaković što će uzeti u obzir pa staviti nekoga da kažem iz opozicione strukture. Mislim da je to fer i demokratski. I mi smo vodili računa kada smo pravili Zakonodavno-pravna komisija. Bio je kolega iz SDP i po meni je to neka fer utrka koju trebamo svi ispoštovati. Zahvaljujem.

Predsjedavajući:

Zahvaljujem. Replika uvaženi zastupnik Marić izvolite.

Poslanik/zastupnik Zvonko Marić:

Zahvaljujem. Imao sam malih tehničkih problema. Dame i gospodo, drugarice i drugovi, budući da se prvi put javlja, poštovani gledatelji, naime da ne zaboravim da čestitam svim imenovanim licima, kako predsjedništvu Skupštine tako uključujući sekretarku Zeković. Želim uspješan rad. Nisam razmišljao da se radi za razgovor i diskusiju vezano za ovo pitanje ali želim da obrazložim mi iz SBB ne znamo to me ponukalo, a gospođa Bišćević je rekla ja ne znam da je niko iz SBB imenovan u komisiju niti smo mi obaviješteni, barem ja kao neko je šef tog kluba, trebao je da bude obaviješten o imenovanju neke osobe barem iz kurtoazije. Međutim, takvo što nemamo, i bez obzira na sve to, i bez namjere da provjeravamo da li je imenovan neko ili nije, morat ću da kažem s obzirom na to da mi iz SBB jasno znamo smjer kojim idemo, želim da kažemo da ćemo biti suzdržani oko ovog glasanja jer iz prostog razloga ne možemo podržati nešto gdje nema članova ni predstavnika naše stranke niti iz redova zastupnika a također ni vanjskih članova. Bez namjere da polemiziram, SBB će biti suzdržan na ovoj tački dnevnog reda iz principijelnih razloga. Hvala vam.

Predsjedavajući:

Zahvaljujem se kolegi Mariću. Rasprava zastupnik Dević.

Poslanik/zastupnik Mahir Dević:

Zahvaljujem predsjedavajući. Pa evo drago mi je na neki način da ipak u diskusiji došlo se do neke vrste kompromisa da se to kao pitanje riješi, ali nekako mi to kao dođe hajmo danas prekršiti Poslovnik pa ćemo vidjeti šta ćemo drugi put. Žuri nam se, nema veze što kršimo zakone i procedure. Znači danas promijenite jednog člana i stavite u tu komisiju jednog člana iz opozicije. Nije nikakav problem evo da i mi podržimo tu komisiju. Ali nekako ono gospodin Konaković prihvata, kao znate to je greška, ali hajmo mi ipak glasati, pa ćemo mi izglasati bez toga. Nekako mi to izgleda licemjerno. Ako je već uvidio grešku i ako prihvata ovo što je i Poslovnik kazao, onda dajte promijenite jedno ime iz te komisije i postavite jedno ime iz opozicije u Zakonodavno-pravna komisiju jer je potpuno nevjerovatna stvar, evo 10 ili 12 zastupnika koji su u opoziciji ne mogu adekvatno učestvovati u radu te komisije koja je

suštinski važna komisija za donošenje bilo kojeg akta. Ispravite tu grešku odmah. Nemojte govoriti mi ćemo to uraditi inšala i ako bog da. Uradite to danas što kažu odmah.

Predsjedavajući.

Zastupniče Dević imamo ispravku krivog navoda, zastupnik Konaković. Izvolite.

Poslanik/zastupnik Elmedin Konaković.

Nevješto na njemu svojstven način kolega Dević stalno pokušava: priznao je grešku, evo rekao je on. Ništa ja to nisam tako rekao kako Dević insinuirao. Rekao sam i naravno nije nigdje prekršen Poslovnik ni u jednom članu. Sve procedure su zakonite legalne i ovo je danas pod silom prilika zato što vi nećete da radite svoj posao. Zato što se ova, nije nam bilo na kraj pameti da se mora formirati Zakonodavno-pravna komisija da nećete htjeti. Prvo u Vladi ćete blokirati jer tamo imate većinu, oprstuirati premijera Nenadića koji je evo pokazao sam vam u grupi ima dokument u kojem on kaže sazva sam sjednicu nisu željeli dati podršku ministri. Što naravno formalno pravno znači da Vlada ima stav. I potpuno zadovoljava. Potpisali se, protokol je premijera Nenadića na tom dokumentu. I nikakvo ovo nije kršenje kako pokušava izvrtati to kolega Dević. I čak sam ja to ko biva priznao. Dakle, ovako kako mi danas radimo zato što ste vi takva opozicija kakva ste cijeli dan, javno dostupna cijeloj BiH. A popraviti ćemo zato što smo mi drugačiji od vas.

Predsjedavajući:

Zahvaljujem se zastupniku Konakoviću. Nastavak rasprave zastupnik Dević. Izvolite.

Poslanik/zastupnik Mahir Dević:

Naravno govorit ću u raspravi kada dođemo do ovog Zakona. To što je gospodin Konaković zamislio da je premijer Vlada, a nešto kao dogovorio s premijerom, on treba da shvati da je premijer samo jedan među jednakima. Znači nije premijer Vlada gospodine Konakoviću i ne može on dati mišljenje. Mišljenje daje Vlada. Ne možemo raditi vaš posao. Vi ako ste zamislili da idete u proceduru fuzije određenih ministarstava razdvajanje određenih ministarstava vama to niko ne brani, ali ne možete to tražiti od nas koji smo dali ostavku da mi taj vaš dio posla radimo. Ništa mi ovdje ne opstruiramo. To je ponovo laž da mi bilo šta opstruiramo mi vas samo pozivamo kao opozicija da radite u skladu sa Poslovnikom u skladu sa važećim zakonima. I kažemo vam da mi nećemo raditi vaš posao. Vama niko ne brani da imenujete Vladu, da bilo šta uradite u skladu sa Zakonom. Ne možete vi optuživati nas da mi vama nešto kao opstruiramo zato što mi nećemo da radimo ono što vi nama govorite. To kažete vašoj Vladi nek vam uradi, a ne ovoj našoj Vladi. A to šta ste vi dogovorili direktno sa premijerom, lično i personalno, to su odnosi između vas dvojice, a ne odnosi između zastupnika i Vlade Kantona Sarajevo. Nije premijer Vlada. Vlada je Vlada, valjda pravite razliku između toga. Ja vas pozivam da ovu grešku ispravite odmah i sada, danas. Ne možemo ići s principom nema veze što nije u skladu sa Zakonom, žuri nam se. Nemojte tako raditi. Mi vas upozoravamo zato da ne radite. Ali evo što kažu ako vi želite i to da radite to je na neki način vaše pravo jel.

Predsjedavajući:

Zahvaljujem se kolegi Deviću. Ne vidim ovdje više da ima prijava za raspravu. Ukoliko se više niko ne javlja za riječ, zaključujem raspravu. Molim sekretara da pripremi anketu za glasanje u Viber grupi.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IZBORU PREDSJEDAVALAČIH, ZAMJENIKA PREDSJEDAVALAČIH I ČLANOVA STALNIH RADNIH TIJELA SKUPŠTINE KANTONA SARAJEVO.**

Možete glasati.

ZA JE GLASALO 19 , PROTIV 4 I SUZDRŽANIH 6.

KONSTATUJEM DA JE SKUPŠTINA DONIJELA OVU ODLUKU.

Elmedin Konaković traži riječ izvolite.

Poslanik/zastupnik Elmedin Konaković:

Ja sada tražim pauzu u ime Kluba od minimalno pola sata kako bi Zakonodavno-pravna komisija ova legalna, izabrana legalno, zakonito dala mišljenje o predmetnom Zakonu kako bi on bio sastavni dio materijala o kojim ćemo raspravljati. Tako da vas molim da tehnička služba pomogne. Ako je malo pola sata vjerovatno ćete vi još dati predsjedavajući poslije ali da Zakonodavno-pravna komisija uradi svoj dio posla. Pauzu tražim, hvala.

Predsjedavajući.

Zahvaljujem zastupniče Konakoviću pauza 30 minuta.

NASTAVAK NAKON PAUZE

Predsjedavajući:

Čujemo li se? Molim zastupnice i zastupnike da se pripreme krećemo za nekoliko sekundi. Nastavljamo dalje sjednicu. Zamolio bih predsjedavajućeg Zakonodavno-pravna komisija gospodina Aljošu Čamparu da podnese Skupštini Izvještaj o Prijedlogu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo – hitni postupak. Imamo li predsjednika Zakonodavno-pravne komisije?

Poslanik/zastupnik Aljoša Čampara:

Halo predsjedavajući jel se čujemo?

Predsjedavajući:

Čujemo se uvaženi zastupniče Čampara.

Poslanik/zastupnik Aljoša Čampara:

Zahvaljujem. Zakonodavno-pravna komisija je jednoglasno usvojile svoje Mišljenje i smatra da je Zakon u potpunosti u skladu sa ustavom i pravnim sistemom, i molim sekretara Skupštine da dostavi u Viber grupu Mišljenje Zakonodavno-pravna komisije. Zahvaljujem.

Predsjedavajući:

Zahvaljujem. Evo sačekat ćemo da sekretar pošalje Mišljenje u Viber grupu.

Nastavljamo sa drugom tačkom.

**AD – 2.**

## **PRIJEDLOG ZAKONA O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO – HITNI POSTUPAK**

Molim predstavnika Predlagača da podnese uvodne napomene.

Poslanik/zastupnik Elmedin Konaković:

Zahvaljujem predsjedavajući Okeriću. Nadam se da je s tonom sve u redu. Hvala predsjedavajući. Dakle u prvom dijelu obrazlaganja potrebe hitnosti Zakona rekao sam nekoliko rečenica o samoj suštini zakona. Dakle već dugo postoji ideja, čak je na jednoj od

tematskih sjednica o obrazovanju bio kolega i od kolega iz SDA da se razdvaja Ministarstvo obrazovanja na dva dijela. Mislim da oko toga nema nikakve dileme. Čuli smo danas i kolege iz SDA. I to je zapravo bio osnovni razlog izmjena i dopuna ovog Zakona. Dilema je naravno bila jednako postavljena kao što su kolege danas govorile šta u tom slučaju raditi. Da li se neka Ministarstva spajaju ili se prave nova Ministarstva u Vladi i na taj način gomila administracija. Slušali smo mi danas lijepe priče kako treba razdvojiti obrazovanje, a zapravo nisu niko od kolega rekao šta bi se to drugo trebalo spojiti. Ono što je nas vodilo u donošenju takve nimalo lake odluke, jeste činjenica, kao što sam u uvodu već rekao da je ovo Ministarstvo već izgubilo neke nadležnosti i da nas presude Ustavnog suda obavezuju zapravo da još neke nadležnosti iz ove oblasti prenesemo na niži nivo, na lokalne zajednice jer im to po Zakonu o lokalnoj samoupravi pripada. Samim tim doći će sigurno do značajnog smanjenja obima posla ovog ministarstva i za nas je to bilo nekako prirodnije nego spajati možda Ministarstvo za boračka pitanja i socijalu ili neka druga koja ipak imaju teže konotacije i bilo bi teško na takav način spojiti opet stvari koje po meni nisu čak ni možda bliske jedna drugoj. U ovom slučaju mi ne mislimo da je to nedostatak, mislimo da je prednost da će u jednom Ministarstvu dobar ministar sa dva ili tri vrhunska pomoćnika zapravo zblížiti ove oblasti u kojima komunalna privreda i te kako ima dodirnih tačaka sa zaštitom okoliša, sa građenjem. Dakle to je ovaj problem dosada rascjepkanog sistema u kojem kada nešto gradite i kada neku dozvolu dobijete onda čekate mjesecima, čak i godinama, na neke dokumente iz oblasti komunalne privrede, saglasnosti i tehničke prijeme. Dakle po nama potpuno srodno Ministarstvo. Nikakvih dilema nemamo da je od postojećih ministarstava zapravo bilo najprirodnije spojiti ova dva i na taj način nimalo ne oštetiti zaštitu okoliša, pitanje zagađenja, nego naprotiv iskoračiti u tom smislu jer tako je to funkcionisalo i ranije. I neće se to osjetiti ubijeden sam, nikakav poseban. U međuvremenu ja sam dobio neki akt od kolege Nikšića u kom on amandmanom djeluje na samu strukturu, zapravo na izmjenu da u imenu ovog Ministarstva na prvom mjestu stoji okoliš. Zaista nemam ništa protiv. Naprotiv, podržavam njegovu ideju, samo nek nam pravници kažu da li je dobro amandman suštinski napisan, ako jeste apsolutno se slažem evo napraviti ćemo kratke konsultacije ako bude trebalo, eventualno još eventualno neka pauza, da se taj amandman prihvati da na prvom mjestu bude okoliš. Što zapravo još jednom potvrđuje ova sporna pitanja danas oko statusa zaštite okoliša i zagađenja kao jednog od novijih problema u Kantonu Sarajevo. Ovo pitanje finansiranje je nešto na šta je ovaj sistem već nailazio. Imali smo slične probleme u proteklom periodu kada smo razdvajali i spajali druga Ministarstva. Naravno da to nije jednostavno ni valjan zadatak. On je već jednom urađen. Ukoliko bude problema s aspekta privremenog finansiranja, nova Vlada i ova većina mora možda već u mjesecu januaru donijeti ovaj budžet, novi budžet i na taj način apsolutno otkloniti sve sumnje. Ima nekoliko modela rješenja s aspekta finansija ovog problema, al naravno da time ovaj proces nije završen. Ali ubijeden sam da tu ne može doći ni do kakvih suštinskih problema, zastoja, eventualno ne plaćanja nekih plata. Ponavljam jš jednom jednom, taj smo proces prošli. S obzirom na dinamiku kako mi to radimo i ovih online zasjedanja neće biti nemoguće ukoliko bude nužno donijeti novi budžet Kantona Sarajevo kako bi se eventualno otklonili i ti problemi. A eto o tome ćemo naravno više u nastavku. Ja toliko. Ukoliko ima pitanja u ime Predlagača vrlo sam raspoložen da odgovorim. Insinacije kako ovdje ima već ljudi kako je ovo podjela izbornog plijena, kako je zaista ne stoje, nema tu nikakvih, nema logike da neko dijeli plijen on bi ga podijelio onog dana kada smo mi podnijeli zahtjeve za smjenu. Imali smo ruke, mogli smo tu proceduru završiti. Ovo je jedan ozbiljan proces u kom se stvaraju pretpostavke za bolji rad ove Vlade. Druga ideja da imenujemo Vladu pa da radimo ova razdvajanja također mi se čini nelogična. Nema za to nikakve potrebe i da smo imenovali Vladu i krenuli u ta razdvajanja u januaru mogli bi se opet pojaviti ti problemi o kojima ste vi govorili. Vi možda vidite drugačije ovaj model, mi ga vidimo ovako, slažete se da treba razdvojiti obrazovanje. Volio bih u diskusijama da kažete šta je to drugo onda trebalo pripojiti ili eventualno zagovarate da



vlast ima 14, ili 13 ili 15 ministarstava. Volio bih da čujem neke odgovore kolega koji su prigovarali samoj suštini teksta ovog Zakona. Hvala. Ja toliko. Ako ima pitanja, naravno tu sam.

Predsjedavajući:

zahvaljujem se zastupniku Konakoviću. Da li predstavnici radnih tijela žele riječ? Ima li pitanja? Evo imamo pitanje uvažene zastupnice Bišćević-Tokić. Izvolite.

Poslanik/zastupnik Jasmina Bišćević-Tokić:

Zahvaljujem predsjedavajući. Imam tri pitanja. Prije svega u obrazloženju prijedloga Zakona o izmjenama i dopunama Zakona o organizaciji i djelokrugu organa uprave napisali ste da bi nedonošenje ovakvog Zakona prije imenovanja novih ministara izazvalo štetne posljedice za društvene interese Kantona. Molim bih vas da nam precizno kažete koji su to društveni interes na koji se pozivate? Tačnije, za finansijska sredstva ste napisali da za provođenje ovog Zakona nisu potrebna dodatna finansijska sredstva. Ko to potvrđuje i čime možete to argumentovati? I u skladu sa članom 161 stav 3. molim vas predsjedavajući da mi kažete zašto nema mišljenja Vlade koja je prema Poslovniku obavezujuća prema ovom članu. I tražim da uputite, ako već do sada nemate mišljenje Vlade, hitno na mišljenje jer ako nema mišljenja Vlade prema članu 161 kršite Poslovnik. Znači ova odredba je jasna i ne možete je izbjegavati na ovaj način. Ja bih vas molila na sva tri pitanja da mi odgovorite. Zahvaljujem.

Predsjedavajući:

Prva dva pitanja će odgovoriti predlagач a po pitanju mišljenja ja ću odgovoriti nakon što završi zastupnik Konaković. Izvolite imate riječ zastupniče Konakoviću.

Poslanik/zastupnik Elmedin Konaković:

Jel ima još pitanja izvinite, vidio sam jel se neko drugi javio? Nije. Ako nema više pitanja.

Predsjedavajući:

Ima još pitanja hoćete da čujete sva pitanja?

Poslanik/zastupnik Elmedin Konaković:

Praksa je da se čuju sva pitanja pa se odgovara. Odgovaram nakon postavljenih pitanja. Može.

Predsjedavajući:

Sljedeći za postavljanje pitanja uvaženi zastupnik Zahiragić, izvolite.

Poslanik/zastupnik Mahir Dević:

Nije Zahiragić, Dević je. Sada ne znam da ne koristimo isti kompjuter ovo.

Predsjedavajući:

Ja imam ovdje gdje piše pitanje gospodin Zahiragić, a evo imam i vas. Pa evo ne znam ko će, vi ili gospodin Zahiragić.

Poslanik/zastupnik Mahir Dević:

Pa evo mogu ja dok kolega Zahiragić se vrati. Pitanje za vas predsjedavajući samo mi pročitajte naslov akta kojeg vam je poslao u potpisu premijer, kojeg vi nazivate mišljenjem. Pročitajte mi naslov tog akta. To je pitanje za vas.

Predsjedavajući:

Obavijest, dostavlja se. Ne znam na šta mislite konkretno.

Poslanik/zastupnik Mahir Dević.

Zahvaljujem predsjedavajući jer ste rekli da je to obavijest premijera a ne mišljenje. Za taj odgovor mi je trebalo, potvrdili ste ono šta ja upravo i govorim. Hvala vam.

Predsjedavajući:

Uvaženi zastupniče Zahiragić jel imate pitanje?

Poslanik/zastupnik Haris Zahiragić:

Imam nekoliko pitanja predsjedavajući. Samo sekundu molim vas.

Predsjedavajući:

Zastupniče Zahiragiću napisali ste greška da nemate. A sada potvrđujete da imate.

Poslanik/zastupnik Haris Zahiragić.

Greška, upitnik. Pošto je gospodin Konaković problematizirao upitnik koji sam stavio pored pitanja, pa kažem da je upitnik bio greška. Shvatate li me?

Predsjedavajući.

U buduće budite jasniji. Izvolite, postavite pitanja.

Poslanik/zastupnik Haris Zahiragić:

Ništa, imam nekoliko pitanja prevashodno, zanima me naveli ste u obrazloženju i mišljenju da nisu potrebna dodatna finansijska sredstva. Međutim, mene zaista zanima kako će bez i jedne marke utroška, to bi značilo da nema dodatnih sredstava, sve izvršiti proces promjene tih ministarstava, vađenja eto on najbanalnijih stvari, formalnih uslova da se ta Ministarstva razdvoje, da se kao takva registruju. I ono što je možda najeklatantniji dokaz toga da vi kada ste napisali da ne iziskuje nove troškove niste napisali istinito ili eventualno niste bili svjesni toga. Sada ću vam to pročitati: “ član 10. samo sekund da provjerim Zakon molim vas. Član 9. to je komunalna, e izvinjavam se. Član 10. “Danom početka rada Ministarstva za odgoj i obrazovanje preuzima državne službenike i namještenike, poslove i arhivu i dokumentaciju sredstava rada Ministarstva za obrazovanje, nauku i mlade kao i rukovodioce državne službenike i namještenike Prosvjetno pedagoškog Zavoda”. Šta hoće reći da će drugo ministarstvo koje kada ga rastavite na dva će ostati bez i jednog uposlenika. Kasnije vi govorite da će se donositi pravilnik itd. Što znači da će se prijem novih radnika, a koliko planirate primi radnika u Ministarstvo ja smatram da je potreban veliki broj za visoko obrazovanje, mlade i nauku. To je vrlo bitna tema tako da će to iziskivati zaista puno troškova. I druga star koja me zanima kako radnike koje rade preko 10 godina u Ministarstvu obrazovanja na poslovima visokog obrazovanja nauke i mladih vi planirate sada prebaciti na poslove srednjoškolskog i osnovnog obrazovanja? Također gospodin Konaković je kazao da je Ustavni sud, dobro je rekao, Ustavni sud je donio presudu kojom je rekao da osnovno obrazovanje spada u nadležnost lokalne zajednice i da u perspektivi ovaj organ treba tu nadležnost staviti na lokalnu zajednicu. Upravo zbog toga me i zanima sada ukoliko imate tu namjeru, šta će onda ostati Ministarstvo za srednjoškolsko obrazovanje, jel? Tim prije onda se nije trebalo razdvajati ako je to namjera ove Vlade daljnja da treba sve na lokalnu zajednicu. Dakle jedno ministarstvo se ukрупnjava i kažete možda je dobro da se što više nadležnosti skupi u jednom Ministarstvu a drugo Ministarstvo se dijeli i najavljujete već da ćete radi presude osnovno obrazovanje prebaciti u nadležnost lokalnih zajednica. Ima puno tema o samom meritumu i samom tekstu Zakona o kojem ćemo kroz diskusije razgovarati. Želio bih samo na ovaj par jednostavnih pitanja da mi gospodin Konaković u ime predlagača odgovori. Zahvaljujem.

Predsjedavajući:

Ukoliko smo završili s pitanjima molim zastupnika Konakovića da da svoj dio odgovora.

Poslanik/zastupnik Elmedin Konaković:

Hvala predsjedavajući. Nadam se da se čujemo. Meni je nešto prekidalo kada je govorio kolega Zahiragić ali mislim da sam čuo sva njegova pitanja. Ako ne budem zamolit ću ga da ponovim eventualno. Mislim da jesam. Šta su štetne posljedice po društvo? Pa ovo bi društvo platilo ceh svakim satom kojim ova Vlada ostane i predugo je ostala. Činjenica da ovakva vlast koja je spremna čak opstruirati premijera Nenadića od davanja mišljenja i glasanja mišljenja o aktu što je njihova redovna obaveza da ne otvaram sada široke polemike, s čim se slažem apsolutno s kolegom Zahiragićem kako nam je slikovito opisao katastrofalno stanje u zdravstvu, zatvorene radnje i firme po Čaršiji. To je svakodnevnica koju mi živimo. I donošenje ovih izmjena i dopuna ovog Zakona zapravo je uvod u smjenu najlošije Vlade u historiji Kantona Sarajevo. Njen ostanak jedan dan značio bi zaista štetu, i šteta je već nemjerljiva. Ovo su štete po društvo i zahtijevaju se tu hitni rezovi, hitne procedure, hitni postupci, s tim da mi nismo (smetnje) način pozabavili mnogo brže na smjenu odlučili se na smjenu ovakve katastrofalne vlasti. To su štetne posljedice po društvo. Da vas podsjetim ova Vlada nema ministra zdravstva.

Predsjedavajući:

Izvinjavam se zastupniče Konakoviću, imamo ispravku krivog navoda. Zastupnik Zahiragić.

Poslanik/zastupnik Haris Zahiragić.

Pitanje da li sam mogao iskoristiti ovu ispravku krivog navoda, poslovnički niste mi morali dati riječ. Mogao sam to kroz drugo pitanje ali hvala vam što ste mi dali. Gospođica ili gospođa Bišćević-Tokić, gospođa zapravo izvinjavam se, je pitala koji su razlozi. Ne koji su subjektivni vaši doživljaji. Ako je vama obrazloženje da je ostanak rada dan ove Vlade koja je u tehničkom mandatu, koja je podnijela ostavku, štetna posljedica, i da vi ne možete drugu imenovati dok ne promijenite ovaj Zakon, to nije adekvatan odgovor. Dakle ovdje trebamo govoriti o pravnom osnovu i poslovničkim uslovima, nemojte molim vas da na ovo svedemo. Možemo mi o subjektivne doživljaje svega. Ali ne može vaš subjektivni doživljaj biti razlogom opravdanje hitnosti i kršenja Poslovnika o radu. Eto to je sve. Hvala vam.

Predsjedavajući.

Hvala možete nastaviti zastupniče Konaković.

Poslanik/zastupnik Elmedin Konaković:

Dakle Zahiragić ovog puta bolje zna šta je mislila Bišćević-Tokić od Bišćević-Tokić. Nju sam dobro čuo. Njen ton mi je bio OK, zapisao sam od riječi do riječi. Šta su to štetne posljedice po društvo u obrazloženju o hitnoj potrebi donošenja ovog Zakona. Ja odgovaram na takvo pitanje. I tu nije bilo krivog navoda. Kolega Zahiragić je imao pravo ali zloupotrijebio je. Nije bilo krivog navoda. Još ću jednom ponoviti. Dakle naša vizija kako Vlada treba da funkcioniše jeste razdvajanje Ministarstva obrazovanja, na odgoj i obrazovanje i ovo drugo koje se bavi pitanje akademske zajednice dakle visoko obrazovanje, nauka i mladi. To je naša vizija. Naša želja je da se što prije hitno imenuje takva Vlada sa takvim ministarstvima. Pretpostavka da se to desi, jeste naravno legalno donošenje Zakona na isti onakav način kako smo dok sa ja bio zajedno s kolegama u SDA procijenili druge prioritete realizovali u sličnim procedurama formiranje novih ministarstava. Dakle to su politike. Ovo je politika nove većine sa kojom čuo sam, slažu se kolege. Ja obrazlažem i odgovaram kolegici šta je to da su to štetne posljedice po društvo. Štetne su zato što je ova Vlada nakon ostavke Nenadića dodatno

ne funkcioniše, ne radi, ne usvajaju se odluke i akti. Vrlo teško mu je voditi ovakav raštimani voz. Nemamo ministra zdravstva dugo, put pacijenta nepoznat, ljudi se žale pandemija hara. To su odgovori na ono što je rekla kolegica Bišćević-Tokić pitajući me šta su to štetne posljedice po društvo. Ima ih toliko, evo ponovo privreda. Vrlo katastrofalan odnos prema privredi izdvajanja sredstava nedovoljno, nedostatno. Mogao bih ja to sve zaoštriti i iskrenije govoriti radi ovih tenzija. To mi je odgovor. Nisu potrebna sredstva finansijska. Odgovaram i kolegi Zahiragiću i kolegici Bišćević-Tokić na njihovo viđenje. Dakle, ova sredstva o kojima govori Zahiragić uglavnom su svakim budžetom planirana. To da neko upiše nekoga u sudski registar i plati takse za to i provede procedure nalazi se na mnogo pozicija na budžetu Vlade, resornih ministarstava.

Predsjedavajući.

Oprostite zastupniče Konaković imamo poslovničku intervenciju zastupnik Mahir Dević.

Poslanik/zastupnik Mahir Dević:

Zahvaljujem predsjedavajući. Vratite predsjedavajući kolegu Konakovića na član 91. Poslovnika. Znači on uopće ne odgovara na postavljeno pitanje. Potpuno je otišao s teme. Ona nama drži ovdje političko predavanje šta su vizije Vlade, šta on želi, kako oni žele itd. Koje su štetne posljedice, kolegica je vrlo jasno pitala. Nije ona pitala šta on misli, šta misli parlamentarna većina šta su njegovi opći doživljaji i tako dalje. Vratite ga na temu član 91. Poslovnika krši. Hvala.

Predsjedavajući:

Imamo još jednu ispravku krivog navoda. Zastupnica Bišćević-Tokić..

Poslanik/zastupnik Jasmina Bišćević-Tokić:

Zahvaljujem predsjedavajući. Evo samo s obzirom da je pretpostavljam kolega Konaković, da li je pogrešno shvatio ili ne, želim samo da mi kaže, u obrazloženju piše:”Ostavilo bi štetne posljedice za društvene interese Kantona jer bi odgodilo imenovanje izvršne vlasti”. Kakve veze ovaj Prijedlog Zakona ima uopšte sa da kažem imenovanjem izvršne vlasti, pogotovo kada govori o Ministarstvu zdravstva i o epidemiji COVID-19? Zahvaljujem. Interesuje me tačno da mi kaže decidno vezano za ovaj Zakon, kakve su štetne posljedice. A Vladu i ostalo, to može kasnije oko imenovanja. U diskusiji ću pričati. Neka mi kaže samo vezano za ovaj Zakon. Za Prijedlog Zakona o kojem raspravljamo. Zahvaljujem.

Predsjedavajući:

Možete nastaviti zastupniče Konaković.

Poslanik/zastupnik Elmedin Konaković:

Hoću kolega Okeriću. Hvala vam kolegice Bišćević-Tokić što ste vi zapravo pojasnili svojim kolegama Zahiragiću i Deviću šta ja zapravo govorim. Hvala vam još jednom. I hvala vam na ponovo postavljenom pitanju. Šta su štetne posljedice. To je bilo vaše pitanje koje sam ja dobro čuo, ne imenovanjem nove izvršne vlasti. Tako je. Ja o tome govorim. Štetne su posljedice, ubiste ekonomiju i ojadiste zdravstvo. I hitno vas je potrebno skloniti s ove političke scene. Štetne su posljedice.

Predsjedavajući:

Oprostite zastupniče Konaković, poslovnička intervencija.

Poslanik/zastupnik Elmedin Konaković:

Vrlo rado. Samo mi se sviđaju njihova pitanja i odgovaram. Ljudi ako me budete pitali ja ću morati odgovarati. Mislim pomirite se s tim.

Poslanik/zastupnik Mahir Dević:

Predsjedavajući, član 91. Poslovnika ukoliko opominjete kolegu, a nisam čuo ni da ste ga opomenuli, znači on uopšte ne odgovara na pitanje koje mu je postavljeno. Kakve veze ima imenovanje Vlade sa usvajanjem ovog Zakon? Znači Vlada se mogla imenovati prije 20 dana da nikakve veze s ovim Zakonom nema. A onda vi provodite vaše političke ciljeve i mijenjajte (nerazumljivo). To je klasično dezavuiranje. Neka se vrati na član 91. Poslovnika. Ja vas molim predsjedavajući da vodite sjednicu u skladu s Poslovníkom.

Predsjedavajući:

Zastupniče Dević, ja ne mogu nikome kazati kako da odgovara. Molim vas zastupniče Konaković imate riječ, nastavite.

Poslanik/zastupnik Elmedin Konaković:

Ja samo ne znam sjedite li u istoj prostoriji kolegice Bišćević-Tokić i Dević. Pitali ste me šta je štetno. Ne znam jel vas čuje kolega Dević šta vi mene pitate. A kolegi Deviću sam objasnio zašto ovaj Zakon ovakav. Zato što je naše opredjeljenje da se ne igramo s novom vladom, da ne pravimo cirkus. Da je imenujemo, pa da je raspakujemo i da pravimo nova Ministarstva. Opredijelili smo se za logičan hodogram: da se napravi forma politike izvršne vlasti kako nova većina vidi, podrazumijeva to imenovanje dva Ministarstva koja se bave tematikom pitanja obrazovanja. I to podrazumijeva spajanje dva Ministarstva u kojima su značajan dio nadležnosti već prenese na nivo lokalne zajednice. A onda me vi upitate šta je to štetno. Evo znate vi sami šta je to štetno. Neću vam ja više to govoriti, to vas nervira, to znate i sami. Suštinski, ovo je naše opredjeljenje. Na to imamo puno pravo. Kolegij je zakazao hitnu sjednicu, odredio se karakter hitnosti, Skupština utvrdila potrebu donošenja hitnosti ovog Zakona, Zakonodavno-pravna komisija dala svoje mišljenje. Sada idemo dalje. Sljedeća pitanja su: zašto nema mišljenja Vlade. Proizvoljno ovdje vi pitate ovdje predlagrača. Ja u ime predlagrača obrazlažem: mišljenja Vlade nema zato što ste vi takva parlamentarna većina u kojoj ste ignorisali zahtjev premijera da se odredite po ovom pitanju i da nam dostavite svoje mišljenje. Vlada se zapravo odredila prema ovom pitanju na način da ministri iz SDA ne žele da učestvuju u donošenju mišljenja. I što pravno formalno ispunjava naravno sve potrebe i pokazuje vas u pravom svjetlu. Zato nema mišljenja Vlade. To nisu bile nikakve moje personalne dogovori s premijerom. Samo je premijer časno i pošteno radio svoj dio posla ne opstruirajući ono što mu je obaveza. A vi iz SDA ste to pokušali kočiti. I mi smo dobili i akt, jer ste vi kolegice Bišćević-Tokić rekli da nema akta. Ima akt od Vlade, potpisan od premijera da nije bilo moguće zauzeti stav, što je stav ove Vlade, jer ministri iz SDA nisu htjeli raditi svoj posao. To je pitanje predlagraču, ja u ime predlagrača odgovaram. A predsjedavajući ako hoće, ako neće to je njegova stvar. Nisu potrebna sredstva, o tome sam govorio već. Nisu potrebna sredstva ako ne možete shvatiti stručno, evo pokušajte logikom jedno se Ministarstvo formira, jedno se gasi. Ljudi se preuzimaju samo je pitanje tehničke, administrativne procedure razdvajanja pozicija stavki na budžetu. Zahtjevan je to posao. Nije bezazlen, nije mali. Mi smo na to spremni. Ministarstvo finansija je najkapacitiranije Ministarstvo u ovoj Vladi. Ima mnoštvo dobrih službenika koji će sigurno svoj posao uraditi do kraja bez da se ugrozi bilo kakav sistem, nečija plata, poslovanje. Da ima posla, ima. Mi smo naravno za to spremni. I vidjet ćete kako to nova Vlada radi. Kako radnike prebaciti na poslove u srednje škole. Dakle to se neće desiti jer je ovdje pitanje usklađivanja nešto što će tom procesnom formiranja dva nova Ministarstva biti riješeno jer će sektori ostati u oba resora u kojima su i do sada bili sektori. U kojima je nemoguće očekivati da čovjeka prebacite, iako se sada. Znaete li vi da vama sad u ovoj Vladi sjedi žena iz saobraćaja kao pomoćnik ministra

aktuelnog za osnovno obrazovanje. Dakle, to se dešava, mi to nećemo raditi. Ovi će ljudi pratit ćete te procedure, ako imate neki dobar prijedlog, predložite, pomozite. Mi znamo šta radimo. I to će biti riješeno na način da nema novih finansijskih sredstava. Prekinuli ste me na tom odgovoru. Ona koja će biti upotrebljena da se iz te dvanaestine privremenog finansiranja ili iz novog budžeta potroše, već su planirana za različite vrste tamo na rashodu gdje su materijalni troškovi. Dakle ništa se novo, ne treba nam kredit, zaduženje. Nema novih ljudi. U okviru postojećeg kadra će se ta dva Ministarstva organizovati i kada se značajno smanji, tek onda pričati o zapošljavanju novih. To će biti politike. Da vam ne idem sada u viziji ove nove Vlade. Tu bi ste me s pravom mogli možda malo i naružiti. Osnovno na nivo lokalne zajednice, nije naš zadatak kolega Zahiragiću. Možda ste me tu pogrešno shvatili. Ja sam govorio o nadležnostima iz oblasti komunalne privrede. A kada smo otvarali temu prenosa nadležnosti na nivou osnovnog obrazovanja, ogroman je otpor. Ja za sada mislim, barem ja evo lično, vidjet ćemo šta kaže šira društvena zajednica, da će tu suglasno, jer to Ustav dozvoljava, nivo lokalne zajednice ipak ostaviti na Kantonu, jer bi bilo nemoguće plaćati učitelje i nastavnike recimo sa osnovicom 415, kakva je na Ilidži i sa osnovicom 330 ne znam, kakva je u Kantonu. Došlo bi do mnogo disproporcija. Taj nivo još uvijek nije potrebno i nije moguće prenositi na lokalnu zajednicu. Zagovarati ćemo tezu da ti ljudi ipak ostanu na Kantonu uz ono što ste rekli a istina je, uz saglasnost lokalnih zajednica, jer to po Ustavu jeste njihovo pravo. Oni mogu prenijeti svoju nadležnost na viši nivo. Zagovarati ćemo takav koncept da to ipak ostane jedinstveno na nivou Kantona Sarajevo. Eto, to su bili odgovori na pitanja. Sada ćemo vrlo rado s vama malo prodiskutovati o ovoj materiji. Hvala.

Predsjedavajući:

Zahvaljujem zastupnice Konaković. Dužan sam da dam kratak odgovor čini mi se zastupnici Bišćević-Tokić kada su u pitanju mišljenja Vlade. Predsjedavajući Skupštine u skladu s Poslovníkom i procedurama dostavio Vladi zahtjev, dopis, ono što je Vlada dostavila ne obavezuje nas da danas ne razmatramo izmjene i dopune ovog Zakona.

Vidim da nema više pitanja. Otvaram raspravu i koliko vidim uvaženi zastupnik Dević se prvi prijavio. Izvolite zastupnice Dević, imate riječ.

Poslanik/zastupnik Mahir Dević:

Zahvaljujem predsjedavajući. Čujemo li se? Hvala lijepo. Znači u svojoj diskusiji ću probati na neki način da sublimiram i ponovim ono što sam kazao kada smo razgovarali o karakteru hitnosti sjednice i donošenja samog ovog Zakona. Znači ponavljam da je prekršeno niz članova Poslovníka o radu Skupštine Kantona Sarajevo. Ovo je čini mi se četvrta procedura pravna u kojoj mi upozoravamo prethodnog govornika, koji se pojavljuje kao glasnogovornik, odnosno predlagrač u ime većine i on nama obrazlaže da je to sve u skladu sa Zakonom. To nam je uradio u mandatu prije dvije godine s funkcije predsjedavajućeg Skupštine. Sada nam to radi u funkciji zastupnika u Skupštini Kantona Sarajevo. I naravno ne odgovara uopće na pitanja koja smo mi njemu postavili već nam drži ovdje političke govorancije koje su njenu naravno svojstvene. I dalje krši Poslovník a vi ga ne vraćate naravno na temu i na pitanja koja smo mu mi postavili. Naravno da on nije odgovorio ni na jedno naše pitanje jer naša pitanja su bila kristalno jasna. On su rekla koje su to štetne posljedice koje će nastati. On nama kaže ako se ova nova Vlada ne imenuje nastat će strašne štetne posljedice. Pa ko brani ovoj Vladi da se imenuje u mejsec dana? Niko. Može li se ova Vlada imenovati po postojećim zakonima i pravilima? Naravno da se može imenovati. Znači jedna potpuna zamjena teza. I naravno da mi upozoravamo i kažemo da ćemo ići s apelacijom prema Ustavnom sudu i šta ćemo dobiti ako ta apelacija bude ponovo u našu korist? A vjerujte da će vrlo vjerovatno biti. Kao i one prethodne. Znači samo zbog neke sile, samovolje ovog lidera iza koga ostali stoje mi ćemo ući u jedan pravni kaos u kojem se nalazimo evo cijeli mandat ovaj na neki ova Skupština Kantona Sarajevo. Vi ste potpuno ispravno postupili predsjedavajući, uputili ste akt prema

Vladi da vam ona da mišljenje. Vama Vlada Kantona Sarajevo nije dala mišljenje. Vama je premijer poslao Obavijest. U toj Obavijesti vam je napisao, odnosno bolje rečeno, obavijestio vas kao predsjedavajućeg Skupštine Kantona Sarajevo da Vlada nije dala svoje mišljenje. I vi sada jedan takav Zakon po kome Vlada Kantona Sarajevo uopće nije zauzela stav, niti je zadužila one koji su trebali da pripreme taj Zakon, da se očituju o njemu, vi takav Zakon stavljate danas na dnevni red, vrlo ultimativno, gdje kažete Komisiji Zakonodavno-pravna komisija ukoliko nećete zasjedati u roku od 24 sata, ali pazite ko to kaže, Kolegij. A u Poslovniku o radu Skupštine eksplicitno imate član gdje se kaže da se komisija zakazuje sedam dana prije. I vi sebi dajete za pravo kao Kolegij da naredite, u konkretnoj situaciji komisiji 24, ako vi nećete, mi ćemo vas smijeniti, pa ćemo onda iskoristiti ovaj član da Zakonodavno-pravna komisija da svoje mišljenje vezano za ovaj Zakon. Znači ulazite u jednu potpunu pravnu anarhiju, u konkretnoj situaciji. A onda kada mi vama kažemo da vi to pravite zbog kadrovske šeme da bi ste rasporedili da date visoko obrazovanje kolegi Marjanoviću, da on ministra, a ovo osnovno da ostavite NiP, kada mi to malo nazovemo nekim grubljim terminom kao raspodjela politika na bazi imena, a ne na bazi suštini, vi se onda kao nešto bunite. Znači ovdje s jedne strane pravimo situaciju u kojoj jedno Ministarstvo kao rasterećujemo, jer ono je opravdano veliko, ogromno, ima ogroman budžet, ima ogromne nadležnosti itd. A onda ovo što je nekada bilo razdvojeno, sada imamo potrebu, onda moramo jedno spojiti, jedno fuzionisati, da ne bi smo ostali na neki način kao racionalni, da možemo to biračima obrazložiti da ne trošimo budžetske pare, onda pravimo jedno Ministarstvo koje je samo po sebi teško. Odnosno ova dva koja su razdvojena. A ovo sada što ste vi uradili, znači pravite potpuno suprotnu stvar u odnosu na princip kojeg vi primjenjuje u oblasti obrazovanja. I to ponovo sve radite upravo iz kadrovske šeme. A onda prethodni govornik to naziva revolucijom u obrazloženju donošenja tog Zakona i kaže ako se ova vizija kojom mi nismo kao ta nova parlamentarna većina realizirali, znači nastat će štetne posljedice po Kanton Sarajevo. Nevjerovatno. Znači takve vrste priča i takva obrazloženja, ona možda jesu za političkih skupova, međutim Skupština Kantona Sarajevo je zakonodavno tijelo koje treba da radi u skladu sa Ustavom, u skladu sa Zakonom, u skladu sa Poslovnikom o radu Skupštine Kantona Sarajevo. A vi ste predsjedavajući dužni da poštujete sve te procedure. Ukoliko vam premijer dostavi akt, a vi ste mi potvrdili da se taj akt zove Obavijest, a ne mišljenje, vi ne možete predsjedavajući ići u proceduru sa takvim aktima. Premijer Kantona Sarajevo nije Vlada. Zna se šta je Vlada, Vlada je kolektivni organ. A nju predstavlja premijer. I nije remijer neko ko može bilo šta raditi u ime Vlade a da Vlada o tome ne odluči. U konkretnoj situaciji Vlada nije dala mišljenje vezano za ovaj zakonski akt kojeg ste vi predložili. I vi ne možete govoriti da je ovo obavještenje u kome vas premijer obavijestio da vas izvijesti na neki način šta se s tim desilo, da vi to nazivate sada mišljenjem i da idete u dalju proceduru. Znači kršite niz poslovnčkih odredbi ali naravno vraćamo se u onu neku fazu od prije godinu, dvije dana da je potpuno nevažno šta se vama kaže. Potpuno je nevažno koji se zakoni vama citiraju, potpuno je nevažno koje članove Poslovnika vi kršite, vi ćete naravno nastaviti u tom pravcu i to izglasati. A onda kada dobijete apelaciju, a do sada smo svaki put bili u pravu kada smo vas na to upozoravali, naravno vi to ne slušate jer je važnija kadrovska šema kako da uklopite raspodjelu sredstava iz fonda nauke u visokom obrazovanju prema dotični licima i osobama, a čiji radovi nemaju nikakve veze sa rješenjem gorućih problema u Kantonu Sarajevo, kao što je važna ova pozicija ne znam ministra osnovnog i srednjeg obrazovanja da ode NIP-u i vi to nazivate štetnim posljedicama za Kanton Sarajevo. Nevjerovatno vaše obrazloženje zaista. Tako da predsjedavajući ja vas u ime Kluba SDA ponovo pozivam kao najodgovornijeg čovjeka ovdje da postupite u skladu s Poslovnikom, da ne kršite.

Predsjedavajući:

Oprostite zastupniče Deviću, imamo ispravku krivog navoda, uvaženi zastupnik Konaković.

Poslanik/zastupnik Elmedin Konaković:

Ne postoji diskusija u kojoj Dević nije pokušao nešto izvrnuti i nije rekao netačnu stvar. Kada govori o apelacijama Ustavnom sudu, u kojima je kako on krivo navodi, svaki put pobijedio, podsjećam vas na apelaciju Ustavnom sudu premijera Novalića vođen zahtjevima Devića i njemu sličnih, da se u Kantonu Sarajevo zaustavi život, na način da su apelirali na donošenje Budžeta u Kantonu Sarajevo. O takvim se ljudima radi, ugrozili plate, socijalna davanja, boračka davanja i sve druge potrebe da bi on ko biva mogao reći da je u pravu. Nebrojeno puta su nas izmaltretirali svojim neljudskim zahtjevima i apeliranjima i on nam sada ovdje drži moralno slovo. Dević (smetnja) i sada pokušava ovdje držati nekome moralne pridike. Sa nama to kolega Deviću na taj način neće moći.

Predsjedavajući:

Zahvaljujem se zastupniče Konaković. Možete nastaviti zastupniče Dević.

Poslanik/zastupnik Mahir Dević:

Predsjedavajući ja vas molim da mi obrazložite šta je bio ovdje krivi navod, pošto ja ovo uporno govorim, vodite Skupštinu u skladu s Poslovníkom. Šta je ovdje bio moj krivi navod kojeg je ispravio kolega Konaković. Prvo mi to odgovorite pa ću nastaviti diskusiju.

Predsjedavajući:

Očigledno krivi navod je bio da ste sve dobili na Ustavnog sudu a evo zastupnik Konaković vam je kazao da niste.

Poslanik/zastupnik Mahir Dević:

Jeste li vi slušali kolegu Konakovića šta je on govorio predsjedavajući? Možda niste sada stigli. Da ne oduzima dalje sjednicu, ja vas pozivam da saslušate sve šta je on govorio. Znači čovjek vam konstantno krši poslovničke odredbe pokušavajući da dođe do riječi, da ima što više vremena da nam ovdje drži predavanja. Ako se koristi krivi navod onda da ispravi krivi navod. Ja vas molim da vodite računa tome. Deseti put evo do sada vam to govorim. Znači vodite računa o tome. Znači način donošenja, nastavljam diskusiju dalje, način donošenja ovog akta nije gimnastika, ja sam to do sada govorio više puta. On podrazumijeva određenu vrstu procedura. Ja mogu razumjeti da nova parlamentarna većina ima određenu viziju, ima određenu želju, ima određeni plan, želi nešto da realizira, neke politike. I to je OK. Međutim ljudi morate to raditi u skladu sa Zakonom. U konkretnoj proceduri vi to uopće ne radite u skladu sa Poslovníkom. Grubo kršite sve to. I vi predsjedavajući u tome učestvujete. Ne možete obavijest mišljenje Vlade ljudi. Obavijest je potpisao premijer da ta stvar nije uopšte riješena na Vladi niti imate to mišljenje. Vi ponovo idete bez toga da to usvajate i radite. A da ne kažem način kako ste došli do ove tačke dnevnog reda, do sjednice i onda vi to počnete upakivati u neku političku priču u kojoj je potrebno to izglasati. Naravno, evo izglasajte, pa eto vidjet ćemo dokle ćemo doći. Mislim da smo vrlo ružno počeli, mimo Zakona i procedura. Ali evo, što kažu, vrijeme je pred nama pa će pokazati. Pokazat će vrijeme ko je bio u pravu ali ja mislim da gospodin Konakoviću uopće nije bitno ko je u pravu, ko nije u pravu, njemu je to potpuno svejedno. On danas jedno kaže, sutra drugo. Tako da je to njegovo načelo, dobro pogriješili smo i to je sve OK. Mi smo apelirali na Nacrt budžeta koji ste na isti način donosili. I Ustavni sud se u konkretnoj situaciji samo proglasio nenadležnim zato što je već usvojen prijedlog budžeta. Da se o tome raspravilo kolega Konakoviću, pošto ste vi majstor kršenja poslovničkih odredbi, a što je dokazao Ustavni sud, a paralelno s tim držite predavanje toj parlamentarnoj većini novoj da ste vi vrsni poznavalac Poslovníka, ja ću vas podsjetiti na sve one presude Ustavnog suda koje ste vi izgubili. Politički ste ih jako dobro zamotavali ovdje kršeći poslovničke odredbe od poslovničkih intervencija, krivih navoda, diskusije jedan, diskusije dva, gašenja mikrofona i sve toga, ali na kraju pravna država ipak



uradi taj dio svog posla. Ovo kako sada radite je potpuno neispravno. Naravno, u drugoj diskusiji ću vjerovatno o meritumu Zakona. Hvala predsjedavajući. I molim vas da Skupštinu vodite u skladu s Poslovnikom.

Predsjedavajući:

Zahvaljujem se zastupniče Dević. Poslovnička intervencija zastupnik Konaković. Izvolite.

Poslanik/zastupnik Elmedin Konaković:

Hvala predsjedavajući. Niste možda na vrijeme vidjeli da je kolega Dević u svom desetominutom obraćanju, pogotovo zadnjih pet minuta, nije rekao riječi o temi. Bavio se mojim imenom i prezimenom više puta, nazivajući me ponovo polu-pogrđnim imenima. Ništa o Zakonu nije govorio. Držao govor o Ustavnom sudu, kao neki ekspert iz te oblasti. Ni jednu jedinu riječ o suštini ovog Zakona. Udaljio se, zato sam htio intervenisati na Poslovnik. Samo da ga vratite u okvire i da raspravljamo zaista o važnoj stvari. Poruke koje ja dobijam, poruke od kolega, gospodina Devića za kog ću očekivali da zagovara, da brani prava prosvjetnih radnika, da proslavimo činjenicu da će se njihovim interesom baviti jedno Ministarstvo, posebno, specijalno. Da to bude plod zajedničkih politika. On se ipak opredijelio za ovaj malo drugačiji koncept. A samo da vas podsjetim, gledaju vas vaše kolege, kolega Dević.

Predsjedavajući:

Zahvaljujem. Prva diskusija uvažena zastupnica Bišćević-Tokić. Izvolite.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo prije svega osvrnula bih se na neke odgovore vezano za pitanja koja sam postavila. Već sam pročitala radi javnosti o čemu se radi i pitala sam u suštini gospodina Konakovića koje su štetne posljedice za društvene interese Kantona. Naveo je da su posljedice neimenovanje Ministarstva zdravstva. Hajde, prihvatila bih njegovu argumentaciju kada bi danas na dnevnom redu bilo imenovanje Vlade. I kada bi mandatar već bio određen, kada bi se vama predsjedavajući uputilo sve što ide po Poslovniku, i da mi danas na hitnoj sjednici zbog takvih okolnosti i štetnih posljedica za interese Kantona Sarajevo imenujemo novu Vladu koja će predvoditi ovaj Kanton da kažem u narednom periodu. Obrazloženje da su štetne posljedice za društvene interese Kantona, neimenovanje i nedostatak ministra zdravstva za ovaj prijedlog Zakona za fuziju ili za razdvajanje ovih ministarstava za mene su, stvarno ne mogu da prihvatim takvu argumentaciju. Pogotovo ako u ovom obrazloženju vidim odluku na kojoj se vi predsjedavajući pozivate. Obrazloženje vezano za OHR koje je bilo prije 15 godina i koje je davalo neke smjernice vezano za proširivanje ministarstava, a vi radite fuziju, takvu argumentaciju, iskreno ja ne bih mogla da predstavim ni malom djetetu a ne nekom visoko obrazovanom zastupniku, koji sjedi u Skupštini Kantona Sarajevo. Za mene je to stvarno razočaravajuće. Rekli ste mi, i vjerujem vam kolege Konakoviću, nemam razloga da vam ne vjerujem, da neće biti finansijskih utrošaka. Međutim, meni treba papir koji je došlo od resornog Ministarstva. A to je Ministarstvo finansija sa potpisom ministra Halebića ili bilo kojeg drugog ministra koji obnaša funkciju u Ministarstvu da neće iziskivati nikakva finansijska sredstva. Ja kolegi Konakoviću vjerujem. Ali to nigdje na svijetu se ne dokazuje sa riječju. Nego sa pisanim argumentom gdje ćemo mi vidjeti stvarno da neće uzrokovati nikakve finansijske štetnosti po ovaj Kanton. Ne bih se složila sa njima da neće doći do izdvajanja finansijskih sredstava. Pogledajte kolega Konaković u članu 10 šta vi pišete.

Predsjedavajući:

Oprostite zastupnice Bišćević-Tokić imamo ispravku krivog navoda zastupnik Konaković.

Poslanik/zastupnik Elmedin Konaković:

Hvala predsjedavajući. Kolegice Bišćević-Tokić to što vi govorite nije tačno . Dakle krivo govorite. Vlada i Ministarstvo finansija daje fiskalnu procjenu onda kada je predlagač materijala. Predlagač materijala je dužan napraviti fiskalnu procjenu i nije bilo teško logikom, strukom, znanjem konstatovati da spajanje dva i razdvajanje dva Ministarstva, zadržavanje istog broja ljudi ne iziskuje posebne materijalne troškove. I nije nam za to bilo nužno mišljenje Ministarstva finansija. A da jeste sigurno nam ga ne bi dali. Kao što nisu dali ni ono koje su bili obavezni. A neće ljudi, hoće valja još jednu godinu, heftu da dočekaju 21 na vlasti. Šta ja znam šta su motivi, to vidite vi s njima. Ali oni neće. Ne žele ljudi. Mi smo uradili sve što je zakonski moguće. Ovu fiskalnu procjenu potpisuje predlagač. Predlagač nije Vlada, tako da Halebića možete pitati SMS ako vam je sada interesantno.

Predsjedavajući:

Zahvaljujem. Možete nastaviti zastupnice Bišćević-Tokić.

Poslanik/zastupnik Jasmina Bišćević-Tokić:

Kolega Konakoviću, ne bih se s vama složila. Pogotovo zato što vi da kažem kao dugogodišnji premijer i zastupnik odlično poznajete Poslovnik. Znači u Poslovniku ne piše da neko bojkotuje i da neko opstruira i da premijer može poslati obavijest i da neko neće da dadne mišljenje. U Poslovniku jasno i decidno stoji to vam je obavezujuća norma kolega Konakoviću šta morate imati. I kaže, evo uzmite Poslovnik, član 161 stav 3) “Ako Vlada nije predlagač, nego je neko drugi, mora Skupština zatražiti mišljenje od Vlade Kantona Sarajevo”. Kolega Okerić mi je odgovorio da to nije obavezujuća norma ali me nije ubijedio jer mi nije rekao koji član Poslovnika kaže da to nije obavezujuća norma. I te kako je to kolega Okeriću obavezujuća norma. Nema mišljenja Vlade, vi kršite Poslovnik. To je nešto što je sastavni dio Poslovnika koji je utemeljen na Ustavu Kantona Sarajevo i to je i te kako obavezujuće. Odredba je vrlo decidna i jasna. Ne možete mi reći da to nije obavezujuće.

Predsjedavajući:

Oprostite zastupnice Bišćević-Tokić ispravka krivog navoda uvažei zastupnik Konaković.

Poslanik/zastupnik Elmedin Konaković:

Hvala predsjedavajući. Ja bih vama dao svoje vrijeme da vi govorite stalno, jer vi govorite istinu. Samo je drugačije interpretirate. Tačno tamo piše Skupština mora zatražiti mišljenje Vlade. Skupština je zatražila mišljenje Vlade. Ispoštovala je Poslovnik. A vi nama zapravo kažete sljedeće: Vlada koja ne želi da vam da mišljenje ne mora vam nikada dati mišljenje i nikada se o tome Zakonu neće raspravljati na Skupštini. To jeste da je Vlada Skupština a da je Skupština Vlada. Moglo bi. Ovako kako vi govorite kolegice Bišćević-Tokić nema veze sa životom. Mi smo zatražili, vi naredili tamo ljudima ne smijete dati da ostanete još jednu heftu, iu nekog razloga ne znam zašto. I to tako ne može. Ne može Vlada ne davanjem mišljenja zaustaviti svoju smjenu. Zato što je Skupština onako kako vi čitate uradila. Skupština mora zatražiti mišljenje i zatražila je mišljenje, ispoštovala procedure. A premijer objasnio zašto ne da Vlada. Imate dodatak, šlag na tortu.

Predsjedavajući:

Zahvaljujem. Možete nastaviti.

Poslanik/zastupnik Jasmina Bišćević-Tokić:

Kolega Konakoviću premijer je dao Obavijest, on nije dao mišljenje. Vi morate imati mišljenje bez obzira što ste zatražili. To je procedura koju morate ispoštovati. Znači do sada ste uvijek imali na neki nacrt ili prijedlog Zakona mišljenje Vlade. Vi imenujte kolega

Konakoviću svoju Vladu, nemamo ništa protiv pa nek vam daju ta mišljenja. Kaže vi ste im dali instrukcije. Ne znam ja, ja im nisam instrukcije nikakve davala i ne dajem nikome instrukcije, svaki ministar u Vladi radi na svoju ruku i ima punu odgovornost jer predstavlja to Ministarstvo. To je po Zakonu. Mi ne možemo samo uputiti i tražiti mišljenje, kao što ste tražili i od Zakonodavno-pravna komisije i onda ste smijenili tu Zakonodavno-pravna komisiju i imenovali drugu. E ja vas sada pozivam, evo imali ste da kažem izglasavanje nepovjerenja Vladi od 30.11. vi do sada niste imenovali Vladu. Vi da ste imenovali Vladu i rekli evo imenovali smo je, e sada ćemo da mijenjamo prijedlog Zakona, to bi meni bilo sasvim opravdano. Takve stvari nama ne može fakturirati. Kada sam već govorila o prijašnjim stvarima na šta sam vas upozoravala, a upozoravala sam vas na član 10 prijedloga ovog Zakona vi i dalje govorite o Prosvjetno -pedagoškom Zavodu. Koliko se ja sjećam, a sjećaju se svi zastupnici koji ovdje sjede da je ova Skupština ukinula PPZ i formirala Institut. I tada smo vas upozoravali, kolega Dević, Čampara i ja da po ovom istom Zakonu po članu 15 ne možete to raditi, ne možete ukinuti nešto što je Zakonom već ugrađeno i molili smo vas da promijenite prvo Zakon, da izmijenite da PPZ neće biti u sklopu Ministarstva obrazovanja, i da tek onda formirate Institut. Vi ste sve to prekršili. Formirali ste taj institut, barem ste pokušali. Ali Zakonom nije bilo izvodljivo. I evo poslije godinu dana, a vrlo se dobro sjećam šta smo pričali nas troje i dalje spominjete PPZ, naravno jer je on zakonit, on legalan i nije se mogli bez izmjene Zakona uopšte gasiti ili formirati neki institut gdje ako se sjećate, čak su bile i imenovane upravljačke strukture takvog instituta koji je bio, po meni nezakonit. I sada se svaki put vraćamo na nešto što smo upozoravali. A možete izvući stvarno stenogram da smo nas troje pričali da članovi 15 ga ne možete ukinuti. Vi ste isto na mišiće, evo kao što i danas radite, isto izglasali da se ukida PPZ. I danas ga u članu 10 da kažem spominjete. Znači mene zanima ko će odgovarati za to? Imate i spominjete kroz medije PISA test i mnoge druge da nam je slabo obrazovanje i onda dođemo u situaciju da neke stvari na koje smo upozoravali prvu godinu naših mandata kao zastupnici gdje smo upozoravali ministricu Brčić koja je bila tada ministrica pravde na ovakve propuste, ona nije htjela da sluša i evo opet imamo uposlenike PPZ da će se razmjestiti po članu 10. Ne mislim ja da bez mišljenja Vlade možemo uopšte usvojiti ovakav Zakon. Naravno ja kažem da bi to uzrokovalo kršenje Poslovnika, i ne vidim uopšte razlog zašto danas na hitnoj sjednici nismo imenovali novu Vladu Kantona Sarajevo. Ja bih vjerujte bila najzadovoljnija da nekako poboljšamo još zdravlje koliko možemo. Međutim izvlačiti se na priču da zbog zdravlja, odnosno imenovanje ministra zdravlja imamo sada situaciju da mijenjamo Zakon. Istina je jedna koliko god bila bolna za nas da radimo to zato što neko će dobiti lično Ministarstvo i ne mogu da vjerujem da jedna ruka u Skupštini Kantona Sarajevo kao nezavisni zastupnik može dobiti jedno lično Ministarstvo. I program koji je radila četvorka a vezano je za Ministarstvo obrazovanja tačno se vidi ko je pisao taj program. Upravo onaj koji je dobio Ministarstvo za visoko obrazovanje. Prema tome, meni nije.

Predsjedavajući:

Oprostite zastupnice Bišćević-Tokić, ispravka krivog navoda zastupnik Konaković.

Poslanik/zastupnik Elmedin Konaković:

deputantno je zaista to što kolegica Tokić krivo govori, vrijeđajući vjerovatno najpozvanijeg među nama s akademskom titulom, svojim znanjem, strukom, titulom bivšeg ministra obrazovanja, fakturišući mu da je trgovac uticajem i da je zapravo dobio ruku za podršku ovom Ministarstvu, ovoj Vladi zapravo dobio Ministarstvo. Tom logikom možemo mi svakog od zastupnika odabrati i reći evo zašto drugi kolega nije dobio neko Ministarstvo tamo gdje je bio blizak nekoj obalsti. To kolegica Tokić radi u vremenu kada ova Vlada o kojoj ona govori ima presudu suda da se vrati Enver Hadžiahmetović u VIK, ima presudu suda Butmir, ima presudu suda Veterinarska stanica. Ne poštuju presude sudova, fakturišu nama trgovinu

uticajem i traže od nas da Vladu ne mijenjamo sve dok se ona s time ne složi i ne da nam neko mišljenje. To kolegice Bišćević-Tokić na kantonalnom gore kada gore dođete pa pokušajte implementirati tu politiku. Prestanite vrijeđati ove časne, fine ljude koji su vam na izborima pokazali kakav status u društvu uživaju.

Predsjedavajući:

Zahvaljujem zastupnice Konaković. Možete nastaviti zastupnice Bišćević-Tokić.

Poslanik/zastupnik Jasmina Bišćević-Tokić:

Ne znam predsjedavajući šta je uopšte bio krivi navod da iskreno kažem kolege Konakovića. Nema razloga da se pali na ovakve stvari. Ovo su sve diskusije koje po meni u demokratskom društvu moramo slušati. I ja se nekada ne slažem sa njim pa slušam sve iz poštovanja prema njemu što to kaže. Presude za VIK za to što on govori, uopšte nije tema današnje tačke dnevnog reda koju uopšte razmatramo ali jeste tačka dnevnog reda PPZ. I ja nisam otiša od te tačke dnevnog reda. Pričam ono što imam u materijalu. Kolega Konakoviću, sve presude Zakon koje je donio sud i koje su u skladu sa zakonom ja podržavam. Je li to vraćanje u VIK direktora, ako je to sud proglasio da je to tako ja to potpisujem. Ja nemam sa tim problema, odmah da znate. Ali imam problem kada sam vas upozoravala prije godinu dana na ovakve stvari a radi se o Ministarstvu obrazovanja da vi niste htjeli da čujete, nego ste prekidali, oduzimali mi riječ. I kolega i Dević i Čampara su vas na isto upozoravali. Tu imam problem. Nemam problem svoje mišljenje nikome da kažem.

Predsjedavajući:

Zastupnice Bišćević-Tokić samo da vas upozorim vrijeme vam ističe.

Poslanik/zastupnik Jasmina Bišćević-Tokić,

Nema veze. Evo ja ću još samo par riječi i završit ću svoju diskusiju pa javit ću se kasnije ako bude trebalo. Žao mi je što iskreno kolega Konaković ja ovaj način sve govori da nije u pravu, da neko to sve nešto bojkotuje. Mora naučiti da su ovo demokratski procesi i da svako ima pravo na svoje mišljenje. Javit ću se, zahvaljujem predsjedavajući u drugoj diskusiji.

Predsjedavajući:

Zahvaljujem. Imamo repliku od uvaženog dopredsjedavajućeg Vibora Handžića.

Dopredsjedavajući Vibor Handžić:

Čujete li me predsjedavajući? Zahvaljujem. S obzirom da se javljam prvi put danas, dobar dan svima i srdačno pozdravljam sve prisutne. Nisam se mislio javljati zaista ali evo nazvao me šef maloprije na telefon kaže ne javljaš se, nisi platio zaradio, pa se moram javiti. Dakle kratka replika kolegici Bišćević-Tokić. Prvo u svom obraćanju apsolutno dezavuiše javnost u smislu da je tako da kaže pobrkala lončiče jer govori da je u fazi traženja mišljenja Vlade kod predlaganja ovog Zakona prekršen Poslovnik. I ona jasno citira da je predlagač Zakona, odnosno Skupština dužna da traži mišljenje od Vlade na ovaj Zakon. I Skupština je, kao što je moj kolega Konaković rekao tražila mišljenje od Vlade. A Vlada je odbila da uopšte razmatra davanje mišljenje na ove akte. Pa ja se pitam ko je kome ovdje poslodavac i ko je zakonodavna i ko je izvršna vlast? Ako Skupština naloži Vladi da se u roku dana dostavi mišljenje po određenoj temi ona je dužna da ga dostavi u roku dana. A to Vlada u ovom slučaju nije uradila odbila je da to uradi. I zaista sam morao reagovati. Zbog toga sam se javio na ovu neku vrstu prizemnih diskusija i ličnih uvreda. Vidim da kolegici Bišćević-Tokić diskutabilno da čovjek koji je univerzitetski profesor i apsolutno kompetentan da se bavi visokim obrazovanjem da se time i bavi, a recimo nije problematično da stranka i čovjek koji ima jedan glas u Skupštini i u putu se nije srela sa resorom zdravstva imenuje.

Predsjedavajući;

Oprostite dopredsjedavajući. Ispravka krivog navoda uvaženi zastupnik Dević.

Poslanik/zastupnik Mahir Dević:

Čestitke vama dopredsjedavajući, neka ste se vi javili, vjerovatno su vas upozorili da ste neaktivni danas. To je dobro. Samo ispravka krivog navoda se odnosi na vrlo jasnu stvar. Nije Skupština tražila mišljenje Vlade. Mišljenje Vlade su tražile četiri stranke. Skupština je događaj, to je organ. A stranke su nešto drugo, političke stranke. Znači nemojte to dvoje miješati. To se zove ovo kako ste maloprije kazali, lončice. To je to sada. A ono što ste vi kazali, nije tražila Skupština, Skupština danas može da zatraži mišljenje Vlade. I da smo mi ozbiljna Skupština mi bi usvojili takav zaključak da tražimo mišljenje Vlade po ovom pitanju. I onda je Vlada dužna da se oglasi o ovom pitanju. A to što imaju želju neke parlamentarne stranke to je nešto potpuno drugo. Eto to je to, dopredsjedavajući. Neka ste aktivni, neka ste se javili.

Predsjedavajući:

Zahvaljujem. Možete nastaviti uvaženi zastupniče Handžić.

Dopredsjedavajući Vibor Handžić:

Majko, da vam kažem iskreno ne znam kakav je krivi navod ni ispravljao gospodin Dević ovdje. Počeo je da mi tumači Poslovnik apsolutno se neću ni referisati na ovo što je rekao. Da završim svoju repliku. Nije kolegici Bišćević-Tokić sporno, pardon, sporno joj je da se univerzitetski profesor bavi resorom obrazovanja a nije joj sporno da jedna ruka u Skupštini imenuje, koja se sa zdravstvom i resorom zdravstva u putu nije srela, poklopi i imenuje kompletnu primarnu, rukovodioce u primarnoj zdravstvenoj zaštiti i to u vrijeme pandemije i najveće zdravstvene krize u posljednjih nekoliko desetina godina. Zahvaljujem.

Predsjedavajući:

Zahvaljujem. Replika zastupniku Handžiću od zastupnice Bišćević-Tokić. Izvolite zastupnice.

Poslanik/zastupnik Jasmina Bišćević-Tokić:

Hvala predsjedavajući. Kolega Vibore ja sam odlično pročitala, Skupština treba da traži prije odlučivanja. I to je nešto što je tako i propisano članom 161. a vjerovatno kada spominjete jednu ruku vezano pretpostavljam za nezavisnog zastupnika iz BOSS-a tada ćete mi vjerovatno moći opravdati kada ste Hadžibajriću sa jednom rukom NBL dali DZ gdje je direktor bio dr. Kulić i niste se oglašavali kada smo u COVID imali dva slučaja na Ilidži sa dvije žene iz Hrasnice i Osijeka. Tada vam primarna zdravstvena zaštita na čelu sa Fortom je odgovarala. Tada ste se kolega Vibore trebali očitovati o primarnoj zdravstvenoj zaštiti i jednoj ruci koju ste dali Hadžibajriću, odnosno tada je bio direktor Kulić. A sada je problem što je direktor Ahmić tu i spominjete evo već svaki put na gostovanju ove četvorke, šestorke, sedmorke, kako je jedna ruka data. Jedna ruka je jednaka jednoj ruci. I nema tu puno priče. A odgovornost ste trebali tada snositi i premijer Forto za smrt dvije žene na Ilidži koje su se desile. A za ostalo ne bih uopšte komentarisala. Zahvaljujem.

Predsjedavajući:

Zahvaljujem. Upozoravam zastupnice i zastupnike da se vrate na temu. Ukoliko to ne urade. Čujemo li se? Uvaženi dopredsjedavajući ne znam da li se čujemo? Ne čujemo vas. Replika zastupnici Tokić.

Dopredsjedavajući Vibor Handžić:

Evo sada biste trebali čuti. Opet je kolegica Tokić počela da mi tumači Poslovnik, naravno da tamo piše Skupštine i naravno da je zatražio mišljenje predsjedavajući Skupštine ispred Skupštine a ne predstavnici klubova, jer kada kažem Skupština onda to radi predsjedavajući Skupštine. A na ove patologije, povezivanje premijera Forte sa smrću bilo koga, ja zaista to nek sama sa sobom riješi kolegica Tokić, na to se apsolutno ne želim referisati. Zahvaljujem.

Predsjedavajući:

Zahvaljujem zastupniče Handžić. Ispravka krivog navoda zastupnik Dević.

Poslanik/zastupnik Mahir Dević:

Dopredsjedavajući Handžić ispravka krivog navoda se odnosi na sljedeće. Nije predsjedavajući Skupštine, on predstavlja Skupštinu. Skupština Kantona Sarajevo nije tražila mišljenje za ovaj Zakon. Mišljenje za ovaj Zakon su tražili predlagači četvorke, osmorke, devetorke, šesnaestorke, kako se već zove, ne znam ni sam kako da vas zovem, trebat ćete nam se predstaviti u narednom periodu. Oni su to tražili i bili uvodničari, evo. Znači Skupština nije donijela nikada odluku da traži mišljenje ovog Zakona. Prema tome dajte naučite da nije premijer Vlada i da nije predsjedavajući Skupštine Skupština, već je Skupština događaj. Dnevni red, tačka dnevnog reda, i onda Skupština kaže tražimo mišljenje Vlade Kantona Sarajevo. Tražimo mišljenje Zakonodavno-pravna komisije. Znači to su osnovne elementarne stvari koje vi kao dopredsjedavajući ne znate. To je ispravka krivog navoda.

Predsjedavajući:

Zahvaljujem. Replika Handžić Deviću. Izvolite.

Dopredsjedavajući Vibor Handžić:

Kolega Dević se nije javio za repliku, nego ispravlja moj krivi navod. I opet mi nije ispravio nikakav krivi navod. Nego se bavi tumačenjem Poslovnika. Ja mislim nemam pravo na repliku i nemam se namjeru ovdje raspravljati s njim jer on očito ne razumije kada piše Skupština da nešto radi predsjedavajući u ime Skupštine i to je radio njegov kolega Čelik prilikom ovakvih akata dok je vodio Skupštinu. Pa neka se samo malo prečešlja dokumente od ranije nek se upozna s tim. Zahvaljujem.

Predsjedavajući:

S obzirom da smo imali dosta javljanja, mislim da je na redu uvaženi zastupnik Zahiragić diskusija.

Poslanik/zastupnik Haris Zahiragić:

Da li se čujemo predsjedavajući. Prije svega, prije diskusije imao bih potrebu samo da kada smo govorili o trgovinama o davanju Ministarstva ili DZ jednoj stranci ja želim da kažem kolegi, čini mi se da je to Handžić kazao da je vaš današnji šef vladajuće većine mogao doslovno patentirati davanje toga BOSS-u. On je to izumio, ne samo DZ, nego nekada i Zavod, kao šef kluba, pa onda kao i premijer. Itd. Ali da se ne vraćamo u neka ranija vremena. Moramo sada govoriti o današnjoj situaciji. A u današnjoj situaciji imamo situaciju da vi jedni drugima uzimate i otimate zastupnike. Evo kolega Vreto iz Naše stranke u NiP, uvažena doktorica iz NBL ne znam ni ja gdje je, Nezavisni klub, samostalni, NiP. Jedni drugi treći.. tako da ovdje se zaista ne zna ko pije ko plaća, i mislim da ste vi posljednji koji imate pravo govoriti o trgovinama političkim, promjenama strana i ucjenjivanja od strane pojedinih zastupnika.

Predsjedavajući:

Zastupnice Zahiragiću, imamo poslovničku intervenciju zastupnika Jakupovića.

Poslanik/zastupnik Vedran Jakupović:

Mislim da je svima jasno da bi se ova poslovnička intervencija treba odnositi da malo usporimo. Da gospodin Zahiragić ne da nije na temi, nego je otišao jako, jako daleko, čak i vremenski a da ne govorim smisljenošću onoga što govori. Hvala.

Predsjedavajući:

Još jednom molim zastupnice i zastupnike da se drže teme kako bi što prije ovu sjednicu priveli kraju. Hvala.

Poslanik/zastupnik Haris Zahiragić:

Zaista nije mi bila namjera uvaženi predsjedavajući da govorim o ovoj temi, međutim kada je već pokrenuta ta tema ja sam moramo da kažem ko je napravio pijacu od Skupštine Kantona i da prežemo na stvar. Kada je u pitanju ovaj Prijedlog Zakona od procedure do samog sadržaja ja ću ukratko pokušati referisati se. Dakle mišljenja Vlade istina nema. Ima Obavijest koju je premijer potpisao a mišljenje ste mogli dobiti ukoliko vam ova Vlada već nije htjela da da mišljenje s obzirom da je Vlada u ostavci, i nakon što ste imenovali novu Vladu, to je već ispričana tema. Karakter hitnosti nije niti jednom jedinom riječju koja je adekvatna za to obrazložen, niti same sjednice, a naravno niti karaktera hitnosti donošenja ovog Zakona, što opet ponavljam, što su ranije kolege kazale, će biti zasigurno predmetom razmatranja Ustavnog suda. I bojim se sada upozoravam, dok još imate vremena da promijenite tu odluku, da kada Ustavni sud donese pozitivnu odluku po apelaciji koju ćemo mi uputiti, da ne krivite tada nas. Sada vas upozoravamo kada nastane katastrofa, kada počne školska godina, kada krenete u fizije, fuzije, šta ste već planirali, tada će biti kasno da mijenjate te stvari. Posljedice će biti vjerovatno velike za Kanton. Ali opet ponavljam, vi imate svoj izbor kao i svako. Hajdemo sada da malo govorimo o samom sadržaju Zakona. Gospodin Konaković kada je govorio kao predlagač nije odgovorio na neka pitanja pa vjerovatno će kroz diskusiju sada iskoristiti priliku. Čak je rekao da i mi predložimo šta mi mislimo pa da možda će oni prihvatiti neke ideje. Dakle, u pitanjima sam kazao da je propisano da Ministarstvo osnovnog i srednjeg odgoja i obrazovanja treba da preuzme sve uposlenike. A ja mislim da su trebali staviti zarez, osim onih uposlenika koji su se bavili visokim obrazovanjem, naukom i mladim. S obzirom da ljudi rade taj posao već dugo vremena, da oni nemaju šta raditi u osnovnom i srednjem obrazovanju, a da će visoko obrazovanje i nauka izgubiti ljude koji su sa iskustvom. Oni su institucionalna memorija sa vrlo oskudnim resursima, sa malo ljudi vodili su te procese, po mom mišljenju uglavnom korektno kada je visoko obrazovanje u pitanju. Opet, to je vaš izbor i predlažem vam da to uradite. U suprotnom, momentom imenovanja ministra visokog obrazovanja on će biti jedini zaposlenik Ministarstva. Ma koliko vi brzo pokušali prebacivati određene zaposlenike da vrše dužnosti praviti cirkus od Kantona Sarajevo. Uništavati administraciju Kantona Sarajevo, nećete stići na vrijeme donijeti pravilnik i provesti konkurse koji traju p nekoliko mjeseci, jer je to državna služba. Posebno ako uzmemo u obzir žalbe. Preporučio bih vam da zadržite radnike koji se bave visokim obrazovanjem, inače to će biti vaš stav o visokom obrazovanju, nauci, o mladima i onome koliko se vi namjeravate tim temama baviti a mislim da je to jedna od najbitnijih tema u Kantonu Sarajevo, i jučer i danas i sutra. Dalje, naveli ste u obrazloženju Ministarstva, u nadležnosti, u nazivu Ministarstva ima odgoj. A u nadležnostima niste niti jednom riječju spomenuli odgoj. Tako da apelujem da ovaj mali zakončić koji ste nama dali sat vremena da pročitate, evo mi ga pročitali, da dodate i odgoj u nadležnosti jer je odgoj kao pedagoška kategorija jedna od najvažnijih stvari u osnovnom a i u srednjem obrazovanju. Tako da imate vremena još to da ispravite. Ja nemam namjeru amandmanski djelovati. Čisto iz razloga što ne

prihvatamo legalnost ovakve procedure ali evo vama savjetujem da ispravite kao predlagaču. Ukoliko imate namjeru do kraja ići i stvoriti dugoročne probleme usvajanjem ovakvog Zakona u hitnom postupku. Ovo je vrlo značajan Zakon, vrlo ozbiljan Zakon. Ovo su teme koje su od suštinskog značaja za Kanton i mislim da na ovaj način se on ne bi smio usvajati. Dakle mnogo je tema, ovih par članova, pet, šest članova koji se tiču obrazovanja, svaki bi mogao secirati. Pun je nelogičnosti, posebno kada su radnici u pitanju ili nadležnosti u pitanju. Ali evo pozivam vas, dok još imate vremena pročitajte, ispravite te stvari. Također ono što bih vas zamolio, da ministar Krivić da svoj stav ovdje na Skupštini, kao i premijer Nenadić, barem ukoliko ne možemo u drugoj fazi uključiti njih a naravno i ministar Halebić. Imamo priliku da ih pozovemo da se oni obrate, volio bih da vidimo šta oni misle. Ne znam da li se vi slažete predsjedavajući. Kada je u pitanju drugo ministarstvo i spajanje dva ministarstva tu od vas zahtjeva da čujem šta gospodin Kapidžić radi i šta on misli o tome s obzirom da kada ste pravili pauzu na izlazu Skupštine Kantona Sarajevo dočekao me Dojče vele, jedna od najgledanijih TV kuća u Eorpi koja se emituje na desetine jezika, gdje je gospodin Kapidžić kazao da ga je strah da je rezultat ukidanja njegovog Ministarstva zapravo realizacija aktivnosti ne mogu da ga citiram, parafrazirat ću ga sada, građevinskih lobija, a ja ću se usuditi reći građevinske mafije, čije je račune gospodin Kapidžić pomrsio. Ta će slika otići apelovao je na EU u tom razgovoru. Znam da su predstavnici EU ostvarili sa gospodinom Kapidžićem i tražili da se te stvari ne rade. A evo i danas, evo vidim da na pres mediji našeg uvaženog kolege Čampare, i na još nekim drugim medijima se smiju jer sam rekao “pandemija smoga”. Bilo bi hrabrije da kažu ovdje. Ali evo to je njihov stil da rade svoje radnici u radno vrijeme u Ministarstvu unutrašnjih poslova FBIH pišu pamflete i tabloide. Pozivam ga da sam kaže ovdje ako je već tako veliki ministar. I na kraju ono što moram reći da je strašno, jedan šlagvort mi je dalo. Cijeli dan po hodnicima Kantona, čak i na pauzi po kafićima zastupnici vladajuće većine govore u pravu ste, slažemo se da ne trebamo raditi ovo preko koljena ali eto ništa se ne pitamo. Raspitajte se malo među vašom većinom kakve ljudi stavove imamo. Dolaze ovdje u Klub, vratite kamere, pogledajte koliko ih je ušlo u naš Klub, pogledajte koliko su na hodnicima govorili sa nama, izvinjavali se zbog toga. Ono što moram također kazati da je sektor saobraćaja u Ministarstvu obrazovanja. Njega ste skroz zanemarili kada su u pitanju polaganja vozačkih ispita itd. Njih ni na koji način niste prepoznali. I dok vi to sve uradite neće djeca moći polagati vozački ispit. Ali to vas nije ni briga zato što vi donosite odluke preko koljena na jedan diletantski način. Šlagvort za ovu priču o zastupnicima koji mi prilaze na hodnicima i govore da se oni ne slažu s ovakvim načinom rada dao mi je plakt USAID. Vjerujete mi kao naručen je došao. Ja ću ga pokazati ovdje javnosti. USAID ministarstvo sigurnosti su kazali, kaže “Ako vas neko tjera da prosite itd. Između ostalog “Ako vas neko tjera na prinudni rad vjerovatno ste žrtva trgovine ljudima”. Preporučujem zastupnicima vladajuće većine da prijave i potraže pomoć na brojeve koji ovdje stoje. Imate pravo na svoj stav, imate pravo na svoje mišljenje, to vam kaže Ministarstvo sigurnosti i USAID i mnoge druge relevantne institucije. Nemojte sebi dozvoliti da bude žrtve trgovine ljudima i žrtve političkih pritisaka. Ostatak ću reći u narednoj diskusiji. Hvala vam.

Predsjedavajući:

Zahvaljujemo se zastupniku Zahiragiću. Poslovnička intervencija zastupnik Konaković.

Poslanik/zastupnik Elmedin Konaković.

Hvala predsjedavajući. Ako ima zdravog razuma apelujem na kolegu Zahiragića da zaista ozbiljno shvati posao zastupnika. U jednoj je diskusiji izvrijeđao toliko svoje kolege na kraju nazvavši ih čak i robljem, pokazivao neke čudne slike. Potpuno se udaljivši od teme predsjedavajući. Dakle po tom članu Poslovnika reagujem. Ne znam da li je svjestan kakve, jer ako su mu želja reakcije, ne znam da li je uopšte svjestan reakcija koje izaziva u javnosti.



35 ljudi ovdje sjedi. Dok on nije došao niko na ovakav način o kolegama nije govorio, on u jednom danu više puta. Zahiragić kom je četvoro ljudi moralo otvoriti put da uđe u Skupštinu, po naredbi. Govori zastupnicima ne slušajte naredbe stranačkog vrha. Nemojte Zahiragiću tako prema našim kolegama, nemojte izazivati ovu vrstu reakcija. Pravite cirkus od ove Skupštine, igrate se kao da ste na nekoj zabavi. Ovaj organ donosi važne odluke, potpuno udaljeni od teme izvrijeđali ste sve kolege, pa i uposlenike Ministarstva unutrašnjih poslova, pa i nekakve novinare. Dotaknete se svga u tim temama. Morate se uozbiljiti ako ćete ovaj posao ozbiljno raditi.

Predsjedavajući:

Replika Stojanovića pretpostavljam Zahiragiću.

Poslanik/zastupnik Igor Stojanović:

Tako je predsjedavajući. Replika je zastupniku Zahiragiću. Prije svega ja danas svima je jasno zbog čega su četiri zastupnika iz SDA natjerana da odustanu od mandata da bi ušao gospodin Zahiragić u Skupštinu. Ovakav cirkus nije još viđen od početka mandata ali u svakom slučaju ja to razumijem. Jasno mi da kada neko prelazi u opoziciju da je to sasvim u redu da pokušava pronaći neke snage. E sada kakve su to snage i na koji način se bore za povratak svoje pozicije možda je gospodin Zahiragić pravo oličenje te vrste politike i njegov nastup. Nekoliko puta je već uvrijedio sve zastupnike, nisam mislio da reaguje ali evo kada već poziva zastupnike iz nove većine da se obrate USAID, evo da i ja njemu posavjetujem da ovo četvoro koje su odustali da bi on ušao u Skupštinu također ih on pošalje USAID pa da njih pitaju, također da zašтите i prava ovih zastupnika koji su prije njega trebali ući u Skupštinu, a ne ovako da se natjeraju od stranačkih vrhova da moraju izaći da bi on pravio cirkus u Skupštini. Kada je u pitanju sam Zakon, moram se osvrnuti, ja razumijem kritike kolega iz SDA mi neke stoje čak. Meni je to sasvim jasno. Međutim neumjesno je i licemjerno je da neko ko je preuzeo odgovornost za rušenje Vlade šestorke pokazao način rada svog i pokazao kako mu se Vlada raspala nakon dva mjeseca, bez najvažnijih ljudi u vrijeme pandemije sada ne želi da otvori put novoj većini koja je izvjesna i koja želi da preuzme odgovornost na ovakav način, kako se odlučila. Mi smo potrošili do sada pet sati i 40 minuta pričajući o tome kako neko tumači Poslovnik i šta je procedura. A ja ne znam koja je to korist za građane. Dakle ovdje sada nema Vlade. Vlada je u ostavci i ovo je put za koji se nova većina odlučila. Možda će ovo napraviti neke kikseve ja to razumije, kritike opozicije. Ali pustite nas da preuzmемо odgovornost jer građani više ne mogu čekati. Ako pogriješimo, ja sam ubijeden, da kao što su građani kasnili ovu Vladu Petak 13, na zadnjim izborima, da će i nas vjerovatno kazniti ako pogriješimo. Međutim u ovome što nas blokirate sprečavate da preuzmемо na način na koji smo se odlučili, ja mislim da pravite štetu svima, i sebi i nama ali najviše pravite građanima. Molim vas da ovu diskusiju predsjedavajući i vi usmjerite na način da ako već imamo samo jednu tačku danas, koja je evo apsolutno je, vi znate kako su sjednice znale trajati po dva sata, mi sada pričamo o jednoj ili dvije tačke već šest sati. Molim vas da ne dozvoljavate više zloupotrebu, da glasamo što je prije moguće a onda sve ove apelacije o kojima priča Klub SDA neka podnesu, mi imamo institucije koje treba da odlučuju o tome da li je neko pogriješio ili nije. Hvala..

Predsjedavajući:

Već sam dva tri puta upozoravao kolektivno sve zastupnike da vode računa da raspravljaju o tome sljedeći put ću primijeniti pravo po Poslovniku i oduzimati riječ. Kolega Zahiragić replika gospodinu Konakoviću.

Poslanik/zastupnik Haris Zahiragić.

Gospodine Okeriću da li ja mogu iskoristiti mogućnost da repliciram i gospodinu Konakoviću i Stojanoviću ukratko da bi mogli nastaviti diskusiju i normalan rad sjednice.

Predsjedavajući.

Može naravno.

Poslanik/zastupnik Haris Zahiragić.

Jer sam od oba zastupnika lično prozvan. Prvo gospodin Konaković je osoba koja je meni rekla neko se pomicao po naredbama da bih ja ušao. Kolegica Samra Čosović – Hajdarević je po njenom svjedočanstvu izašla zato što ste vršili, aktuelna većina je vršila neprimjerne pritiske na nju i ona nije mogla da trpi te pritiske i zbog toga se povukla a ostale kolege nisu htjele željele preuzeti mandat zato što je pola mandata i što okolnosti rada u ovakvom cirkusu kakav prave nisu vjerovatno za njihove zrele godine. Druga tema, kada je gospodin Stojanović u pitanju, i on je to pokušao imputirati. Ja imam zaista potrebu da njemu kažem da je on imao 2290 glasova dok sam ja imao skoro 6500. glasova. Tako da je on zadnji u ovoj sali koji može preispitivati kako sam ja ušao, jesam li ja imao legitimitet ili nisam. Između ostalog ja znam da je gospodin Stojanović nakon 20 godina javnih pozicija, izmišljenih, pretplaćenih, postao šef Službe biroa za zapšljavanje u vremenu kada je gospodin Konaković vjenčani kum bio premijer. I on zbog toga mora to da brani. Međutim gospodine Stojanoviću ja sam imao više glasova nego vaš nositelj liste. Stoga molim.

Predsjedavajući:

Zastupniče Zahiragiću vratite se na temu.

Poslanik/zastupnik Haris Zahiragić.

Ne, tema je replike gospodine Okeriću na ono što sam ja na vrlo ružan način prozvan. I na kraju da kažem, vidite molim vas, kažu da sam ja nekoga uvrijedio. Ja sam samo digao plakat koji je u Skupštini Kantona Sarajevo zaljepljen i to baš na spratu gdje zastupnici sjede, gdje su klubovi. Dakle nisam uvrijedio. Ovo je stavljeno radi zastupnika da oni vide da imaju mogućnost da prijave da su žrtve trgovine ljudima. Dali kontakt telefone itd. Nisam ja stavio ovaj plakat. Ako mislite da je ovaj plakat neprimjeren pozivam da ih sklonite iz Skupštine. A s obzirom da su meni određene kolege zastupnici, mnoge od vas ja vrlo cijenim i znamo se cijeli život, privatno prilazili i govorili Harise nije ovo u redu što ovo ovako rade, ovo su ozbiljne teme. Onda ih ja pozivam da to javno kažu. Ako mi je to grijeh neka je. I ja vas pozivam sada kao što su oni tajno govorili, ja vas pozivam da ne radite ovakve stvari preko koljena. Država je ozbiljna stvar, država nije hikanje teleta, nije cirkus, nije gašenje mikrofona i ono šsve što se naviklo ovdje raditi jednom silom. Sila je prošla, došla je istina i nemojte misliti da ćete me gospodine Stojanoviću, vidim da se kezite tu, pokušati zbuniti ovakvim stvarima. Vi ste koštali građane Kantona Sarajevo jedno.

Predsjedavajući.

Molim vas zastupniče Zahiragiću vodite računa o onome što govorite. Molim vas vodite računa.

Poslanik/zastupnik Haris Zahiragić.

Zahvaljujem. Izvinjavam se predsjedavajući, vi ste u nezgodnoj situaciji, međutim molim vas, poštovat ću molim vas i kada se mene vrijeđa i kada se insinucije odnose na moj račun isto tako reagujete. Ja znam da ste vi čovjek koji je čestit i moralan i pozivam vas da budete pravedni. Pravda je neki univerzalni pojam oko kojeg se ja i vi možda možemo složiti. Hvala vam.

Predsjedavajući:

Zahvaljujem zastupniče Zahiragiću. Replika Stojanovića Zahiragiću.

Poslanik/zastupnik Igor Stojanović:

Kao prvo gospodine Zahiragiću ja se ne kezim. Možda vi radite i možda ste navikli tako u ovim vašim aktivnostima u kojima ste zbadali šarafcigerom po školi, pa mislite da je to možda način komunikacije i ponašanja. Ali to ovdje ne prolazi. Ovdje molim vas držite dignitet ovog tijela i Skupštine koji ga je imao do vašeg dolaska. Kada je u pitanju moj rad za koji ste rekli da sam bio šef Biroa, ja sam gospodine Zahiragiću za razliku od vas imam najmanje nekih 15 godina radnog iskustva, koje je li vi ne da nemate, ni u privatnom niti u bilo čemu da ste radili što bi ste uradili da je doprinijelo ovom društvu po bilo kojem osnovu, osim što ste stranački zaposleni i osim što je predsjednik stranke natjerao da ovdje uđete sada i da pametujete šta ste radili. Da neko kao vi govori nekome ko je gdje radio i nekome kao što sam ja. Neko kome je izmišljena pozicija koja se zove stručni saradnik za pripremu dokumenata UO, ili referent, nešto otprilike tako. Pa to je smiješno. To danas radi svaki sekretar i dobro zna da ima mimo svog posla ode isprinta, iskopira te svoje dokumente i pripremi ih za članove UO. Vi za to dobijate 1800 KM jer vas je stranka nagradila. Pa kada vas je nagradila onda vas je danas napuckala ovdje da dođete da ujedete bilo koga od zastupnika jer će oni profitirati zato što će, a vas će potrošiti. Jer takvi kao vi unutar SDA ja sam se nagledao tokom ovih 25 godina koliko hoćete. Koji su naučili tri rečenice da povežu pa nam ovdje pametuju, a u životu otprilike nisu uradili ništa, nego se mogu uslikati i kažu ja sam gazio branio sam državu. Niste vi ništa.

Predsjedavajući:

Oprostite zastupniče Stojanoviću ispravka krivog navoda Konaković.

Poslanik/zastupnik Elmedin Konaković:

Kolega Stojanoviću, vi niste pažljivo slušali kolegu Zahiragića. Rekli ste da j četvoro ljudi sklonjeno da on uđe u Skupštinu, a on je fino objasnio, da je učinio uslugu tim ljudima da ne ulaze u ovakav cirkus, da zapravo treba da mu budu zahvalni i vi nastavljate isto da je neko sklonjen. Molim vas poslušajte našeg kolegu, on je fino do detalja objasnio kakvog je to pritiska spasio svoje kolege. Mislim da mu to više ne bi trebali zamjerati, nego da bi smo ga u budućnosti trebali tako tretirati. Kolega Stojanoviću imao sam potrebu da vam to kažem. Hvala.

Predsjedavajući:

Kolega Stojanoviću nastavite. Kolega Stojanoviću imate još 1 minut i 15 sekundi otprilike.

Poslanik/zastupnik Igor Stojanović:

E hvala. Potrudit ću se da završim. Pa hvala kolega Konakoviću na ovakvoj ispravku navoda. Međutim, ne moram se ja baš sa svim složiti i na kraju krajeva mislim da se sa vrlo malo stvari slažem sa kolegom Zahiragićem. Ali eto, nije to, to je manje bitno. Za ovih minut osvrnut ću se i na ovaj broj glasova gospodina Zahiragića kojim se on ovako hvali, ovako srčano i strastveno. Pa ću mu reći upravo ovako šta radi njegova stranka dok nam ovdje daje instrukcije šta je pravedno, šta je ispravno, šta je fer. On je dobio 6500 glasova i dobio je, u Novom Gradu na tim izborima SDA dobila najviše glasova. Tamo gdje je predsjednica Opštinske izborne komisije bila upravo aktualna ministrica pravde. I ona je sada nagrađena, znate kako, tamo je podnešeno oko 120 prijava za ponovo brojanje glasova. Ni na jednom mjestu nije utvrđeno 2018 da je isti broj glasova. I onda je gospođa nagrađena ovdje na mjesto ministrice.

Predsjedavajući:

Oprostite zastupniče Stojanoviću. Poslovnička intervencija uvaženi zastupnik Dević.

Poslanik/zastupnik Mahir Dević:

Predstavljajući poslovnička intervencija se odnosi na neprimjereno korištenje izraza i termina izgovorenih od strane kolege Stojanovića. Njemu to nije strano i u prethodne dvije godine je znao to raditi. Međutim koristiti termine napucka, ujeda, šarafcigere itd. A onda prebacivati da neko drugi ruši dignitet Skupštine i pravi cirkus. Ja vas molim predsjedavajući da takve stvari sankcionirate. Ne možete biti tako nepravedni da pustite kolegu da takve termine koristi i da takve stvari govori mom kolegi u Klubu i vašem kolegi. To je i vaš kolega. To su potpuno neprimjereni termini, termini s ulice za Skupštinu Kantona Sarajevo. Vodite računa o tome, vi ste krivi ako te stvari ne sankcionira. Znači to su potpuno neprimjerene riječi predsjedavajući. Ja vas pozivam na odredbe Poslovnika koje ovo kristalno jasno definišu. Nemojte to dozvoliti molim vas.

Predsjedavajući:

Zahvaljujem se zastupniku Deviću. Zastupnik Stojanović imate vrlo malo vremena nastavite.

Poslanik/zastupnik Igor Stojanović:

Završavam. Dakle na kraju, pored ovih glasova o kojima sam govorio i načinu do kojih je SDA došla 2018 godine, želim još jednom da kažem da se svi zastupnici u odnosu na broj glasova i na ovo pljuvanje kojim već šest sati pokušavaju da plijene pažnju građana, ad se okrenemo konkretno prema Zakonu i da vrlo jasno predsjedavajući glasamo i da znamo šta je podrška većine kako bi smo nastavili jer nas čeka posao. Predsjedavajući.

Predsjedavajući:

Replika zastupnik Nikšić zastupniku Zahiragiću.

Poslanik/zastupnik Damir Nikšić:

Ja moram priznati da je ovaj performans sa USAID plakatom bio veoma dobar i veoma kreativan. Ali moram priznati da sam ja mislio da je to postavljeno više zbog ovog Petka 13 i ovih trgovine s ovim poslanicima odnosno zastupnicima DF i SBB sa vrha koja se dešavaju po tzv veritkali vlasti. Eto neću više dalje biti zajedljiv, samo sam vam eto htio reći da je dobra opaska ali da se može protumačiti drugačije da je trgovina bila prethodno Petak 13 radi vertikale vlasti.

Predsjedavajući:

Zahvaljujem. Sljedeća diskusija uvaženi zastupnik Hasanović.

Poslanik/zastupnik Senad Hasanović:

Zahvaljujem predsjedavajući. Pozdravljam sve prisutne kao i sve one koji prate naš rad. Pa evo ja ću pokušati da se držim teme i dnevnog reda. Dakle osim kritike na samu dostavu samog materijala ja nemam nekih posebnih suštinskih zamjerki na prijedlog Zakona. Ovo je nešto što je trebalo napraviti prije dvije godine, razdvajanje Ministarstva obrazovanja na dva Ministarstva. Odnosno Ministarstvo za nauku, visoko obrazovanje, i mlade i Ministarstvo za odgoj i obrazovanje. Sasvim logičan potez uslovljen potrebama institucija za čiji rad ste stara Ministarstvo obrazovanja. Ranije sam i sam iznio slične stavove na nekim od prethodnih sjednica. Stoga mi je drago da se krenulo u ovom pravcu. Kada je u pitanju spajanje ministarstva komunalne privrede i prostornog uređenja, to je nešto što je procjena nove

parlamentarne većine. I to treba omogućiti naravno uz praćenje efekata koje će proizvesti spajanjem ministarstava. S obzirom na sve navedeno, a posebno imajući u vidu činjenicu da nećemo povećavati broj ministarstava i tako opteretiti dodatno budžet Kantona Sarajevo, ja ću podržati predložene izmjene i dopune Zakona. Hvala .

Predsjedavajući:

Replika uvaženog Zahiragića ne znam kome.

Poslanik/zastupnik Haris Zahiragić:

kolegi Stojanoviću. Zaista jedan veoma, veoma ružan način gospodina kolege Stojanović pokušao mene da diskreditira. Da me izbaci iz takta, da me dovede na svoj prizemni nivo koji je naučio igrajući basketu i košarke po ulicama Sarajeva. Ja na taj nivo se neću spustiti. Nego ću mu odgovoriti argumentovano i molim vas gospodine Okeriću i ranije sam vas put pozvao da budete pravedni, njega niste prekinuli dok me vrijeđao. To me zaista od vas iznenadilo. Ali evo nemojte ni mene sada prekidati kada ga njega ne budem vrijeđao. Spominjao je nekakav šarafciger što je naravno neistina što može provjeriti, vrlo zlonamjerno, ali to je opet njegova kultura i njegov odgoj. Spominjao je neko izmišljeno radno mjesto, međutim to radno mjesto na kojem sam ja radio, na kojem sam zaposlen, dok je gospodin Konaković bio premijer, eto ne radim. Tako da nema više ni taj argument za mene. Sada sam se profesionalizirao kao zastupnik, i svaki dan ćete me ovdje morati gledati u Skupštini 24 sata ma koliko se to vama sviđalo ili se ne sviđalo. Građani Kantona, ovih 6500 Stojanoviću, što je veoma ogroman broj, nećete nikada to dobiti, zapamtite što sam rekao, toliki broj glasova. Oni to od mene očekuju. Kada smo kod rada, molim vas gospodine Okeriću dopustite mi, jer je i on meni nabrajao moje reference, ja sam moj CV je poznat i javno dostupan diplomirao Pravo u roku za razliku od njega koji je neke tamo privatne, šta je on tamo već diplome kupovao, to je opet druga stvar. Radio je molim vas kao socijalni radnik u Željeznicama. Čuj socijalni radnik u Željeznicama. A savjetnik u ZOI i svaki mjesec je dobivao stimulaciju od SDP direktora dok su ZOI (nerazumljivo). Uništio je košarkaške reprezentacije, radio je ko šef Službe u Zavodu za zapošljavanje gdje nisu imali niti jedini program. EYOF mu je bio povezan sa smještajem. Jedina afera na EYOF koja je bila je povezana za smještaj i on je to radio. On je košta građane Kantona milione, opštinski, gradski vijećnik, zastupnik, domovi naroda. To je jedan budžetski parazit koji nema moralnog prava da meni bilo šta prigovori. I molim vas gospodine Okeriću ubuduće ovakve diskusije personalne prirode, ev pozivam gospodina Stojanovića ukoliko je hrabra večeras na TVSA sutra, prekosutra ili bilo koju drugu televiziju, a ako želi možemo i basketu, jer ni tu nije bio neki igrač, može i sklekove, možemo preskakati štrik, šta god on želi da se sučeljimo. A vas molim da ovaj Zakon vratite u fokus i da počnemo govoriti o ozbiljnim temama. I na kraju, gospodine Nikšiću, spomenuli ste da je ovo radi neke kolacije Petak 13. to je bila legalna koalicija. Sada vašu skupštinskoj većini ima barem 10 zastupnika koji su izmijenjali po pet stranaka. Sve je to sumnjivo. ..

(predsjedavajući i zastupnik govore istovremeno)

...ako vas neko tjera na prinudni rad, ja sam samo dao šlagovrt kao odredbu koju pozivam zastupnika kojeg neko tjera da govore a oni to ne žele. Ali se poslije izvinjavaju, da prijave to. Dakle ja se ne ljutim. Ali ako im je teško što me vrijeđaju, što me moraju vrijeđati što im je neko naredio, neka prijave ima Ministarstvo sigurnosti, USAID oni će se boriti protiv toga. Hvala vam.

Predsjedavajući:

Zahvaljujem. Poslovnička intervencija dopredsjedavajuća Kristić.

Poslanik/zastupnik Danijela Kristić:

Zahvaljujem predsjedavajući. Pa ja bih vas zamolila da stvarno iskoristite svoja prava po Poslovniku Skupštine Kantona Sarajevo da ne dozvolite više ovakve diskusije i replike. Mi stvarno nismo željni slušati o CV kolege Zahiragića, ni od kolege Stojanovića. Ako žele igrati basketu, ispričati se, kafa, evo ja bih zamolila da stvarno sjednu na kafu, ali ne moraju nas maltretirati sa ovom diskusijom. Ja mislim da mi imamo jasno definisanu temu dnevnog reda današnje sjednice. I zamolila bih stvarno da se vratimo toj temi. Hvala.

Predsjedavajući:

Zahvaljujem zastupnice Kristić. Dajem riječ odnosno replika Stojanović Zahiragiću.

Poslanik/zastupnik Igor Stojanović:

Ja neću, kratko ću odgovoriti, ne bih naš ovaj nivo. I moj je CV dostupan. I uvijek gospodine Zahiragiću na bilo koju TV, OK ja ću samo da se ispravim, i to ću skratiti jer znam da ste i vi pokušali trenirati džudo, mislim da niste neko ko može mjeriti ko je kakav bio u košarci. Čuo sam da ste pokušali trenirati džudo. Meni je u to redu. Izvinit ću se na ovom šarafcigeru. Dakle ispravili su me ljudi, nije bio u pitanju šarafciger, nego čakija. Hvala. Toliko.

Predsjedavajući:

Zahvaljujem. Uvaženi zastupnik Marić se prijavio davno ali ne znam za šta, da li je bila diskusija, replika. Pa evo ako može da se javi.

Poslanik/zastupnik Zvonko Marić.

Nadam se da se čujemo predsjedavajući. Upravo ste dobro primijetili odavno sam se javio za riječ odnosno za diskusiju. Međutim očigledno da ova sjednica da ne ide u smjeru u kojem smo željeli i uostalom sigurno ćemo se mnogi pitati kući da li smo i zbog čega danas mi ovdje raspravljali zbog onoga što je najavljeno jer ovo što mi slušamo, sasvim sigurno da građani, osuđuju na svaki mogući način. Jer dovoljno je da kažem da je samo do dnevnog reda dok smo došli trebalo sat i 54 minute. Sat i 54 minute. Mislim da je dosta jedna rečenica koju ću kazati da je gospođa je3dna napisala u mesindžeru meni o čemu vi raspravljate. A mi ne smijemo otvoriti prozor od smoga. Mislim da je sav besmisao ovoga danas u toj rečenici kazan. Treba da se stidimo ovoga što smo do sada čuli. Gospodo ovo više nije ni tabloizirana pamet, ovo je dno dna. Nivo ispod svakog nivoa. Ta terminologija, taj vokabular, nedostojan je čak ni ulice. Ja ne znam kako je moguće, nije vam lako predsjedavajući, nisam htio da vam otežavam, teško vam je, mnogo toga sam mogao i da vam zamjerim. Morali ste reagirati na sve ove ispade, incidente koje smo čuli, a bio je jedan na drugi. Ja potpuno razumijem, zato što sam i u novinarstvu bio a i politici evo već šesta godina, ko je pravio zapravo Poslovnik. Upravo ti ljudi su prvih tri, četiri sata samo oni raspravljali. Bez obzira u kojoj se danas političkoj opciji nalaze. Ljudi su potpuno svjesni svih manjkavosti tog Poslovnika, nedostataka, mjesta za manevarski prostor za manipulacije itd. Ali zar smo mi osuđeni kao i građani da slušamo to. Ja sam svojevremeno rekao da me vrlo često podsjeća kada čujem polemike iz te iste političke opcije koja nam je kreirala način ponašanja kroz Poslovnik i druge akte da me podsjeća na otužnu ostavinsku raspravu pa se neko naljutio. Šta je ovo drugo nego to. Druga stvar predsjedavajući, ono što vama zamjeram, uz puno razumijevanje zbog situacije u kojoj ste se našli, ja sam vas jučer upozorio na Kolegiju zašto niste povukli, barem službeno, znam da je na protokolu završila i druga inicijativa, zašto nije povučena, vezana za ovaj Zakon. Sada imam osjećaj da još uvijek imamo. I nemojte sada da se na neki način pravite kao da vam ništa nisam rekao. Trebali ste da povučete i to iz proceduralnih razloga i svakih drugih, jer smo vidjeli tu neku drugu viziju i sasvim drugi Zakon. Vi niste to. Vlada ne zna da li ste vi to povukli jer niste. Na protokol je ušlo, njima je dostavljeno i to nije povučeno. Molim vas, sada se želim vratiti, jer znate šta gospodine Okeriću nekako stječem

dojam niste nam poslali te materijale to je na mjestu primjedba. Ali evo, tek ste počeli i evo razumijevanje za vas. Ali nekako kada ste dobili te prijedloge, te materijale, trebali ste zastupnicima da ih uputite. Ne kao da su vam se te inicijative dopale pa ste ljubomorno htjeli da ih sačuvate samo za sebe. Da ih ne podijelite sa zastupnicima. Trebali ste da bi smo danas mogli da raspravljamo o važnim stvarima. Nije nikakav problem, evo razumijevanje puno. Puno razumijevanje, novi ste, na tom mjestu i u redu. Ali trebali ste nam barem dostaviti te materijale i trebali su vam pomoći stručne službe da to uradite. Jer mi zastupnici treba da dobijemo taj materijal na temelju kojih ćemo da raspravljamo. Evo da se vratim sada o zakonima ili Zakonu, ja više ne znam šta bih rekao. Kritikujem trenutak donošenja ovog Zakona. Mogao je on biti i u redovnoj proceduri još prije dva mjeseca i biti pokrenut od strane nekoliko zastupnika kao što je pokrenut i da doživi redovnu proceduru. Al nije. I neću sada da se vraćam u to. A znam razloge i moga bih da ih navedem koliko hoćete. Ali odgovorno tvrdim i hoću da samo skrenem pažnju, dakle upozoravam, SBB ima takav stav i ja upozoravam da je trenutak baš neprimjeren za ovako radikalne poteze, bez obzira što su oni najavljavani u različitim periodima ranije. Vrijeme je pandemije. Ja ne znam zašto smo se odlučili na takvo nešto. Ali dobro, u redu, to je odluka parlamentarne većine, potpuno legitiman. I mi smo u SBB legalisti i poštujemo to. U redu. Ali ja samo hoću da upozorim na sljedeće, kritiziram jer je potpuna neizvjesnost bojim se i finansijski a i pravni avanturizma ići sada u ovom vremenu u promjenu ministarstava, spajanju, fuziji, šta se već želi postići. Ne znam ima i ovaj prijedlog da se Ministarstvo za boračka pitanja i ne znam spaja sa Ministarstvom za rad i socijalnu politiku. Da se izdvoji zaštita okoliša itd. To je svojevrsna konfuzija,. Čak u jednom trenutku čuo sam da evo pristajete i na neki drugi naziv ovog zakona. Pa to je potpuna nespремnost. Ima li tu koordinacije. Sada i o tome treba da razmišljamo. Tek sad se govori o nazivu Ministarstva, danas. A Zakon je vrlo ozbiljna stvar. I ako idemo u hitnu proceduru, ja ne razumijem. Samo neka mi, nisam htio da postavljam pitanje, izbjegao sam, ali neka ću od njih postaviti ali kroz diskusiju, čak ne tražim odgovor na njih. Ali su sigurno da se o njima razmisli. Ko će praviti budžet za ta ministarstava? Znamo da će biti najvjerovatnije privremeno finansiranje do 31.03 a znate da se tim finansiranjem samo zapravo finansiraju tekuća pitanja, tekuća procedura itd. Dakle nema mogućnosti, a sigurno će trebati, ja ne vjerujem naprosto da će ministar ili dva ministra riješiti probleme u obrazovanju ili bilo gdje. To je potpuno netačno. Moglo bi možda pojačano nekoliko ljudi, jer na kraju krajeva ne znam državu koja ima dva Ministarstva obrazovanja. Ja to ne znam. I bojim se da se visoko obrazovanje ne svede na UNSA sa nekoliko privatnih fakulteta. Ministarstvo za UNSA sa nekoliko privatnih fakulteta. Uostalom ostatak obrazovanja, odnosno segment obrazovanja bojim se da ne pripadne opet nekim nevladinim organizacijama, nekim nepostojećim sindikatima koji su upravljali obrazovnim procesima u okviru Ministarstva. I mi to znamo. Te stvari nisu eliminirane, one još uvijek postoje. I mi to znamo. I bojim se da će to biti svojevrsni promašaj. Ali u redu. Sistematizacije. Govorimo o hitnosti ali sistematizacija u tim ministarstvima se ne može donijeti preko noći. Sistematizacija je vrlo ozbiljan posao, treba posvetiti posebnu pažnju i fokusirati se na to. Zatim, značajno povećanje administracije je apsolutno neizbježno, govorimo o PPZ, ja neću da otvaram ta pitanja. Mogao bih puno toga da kažem i o PPZ itd. Ali sasvim sigurno da je potrebno jer kapacitiranost Ministarstva obrazovanja je na svega 40%. da je to Ministarstvo kapacitirano sa ljudima stručnjacima to bi možda unaprijedilo to Ministarstvo a ne nikako dva ministra. I maloprije je gospodin Konaković rekao da je Ministarstvo finansija jako dobro organizirano i da čak može da obavlja dio posla i sekretar itd. Šta je sa drugim ministarstvima. Onda i ta Ministarstva po toj logici bi ogli da organiziramo. I vjerovatno tim ministarstvima. Ali u redu. Zna se ko preuzima odgovornost za sve to. Ja ne znam, nakon ovoga što smo danas čuli i moram se pitati i to kojem segmentu će recimo pripasti u ovoj podjeli Ministarstva polaganje vozačkih ispita? Kojem? Osnovnom obrazovanju? Pa dajte molim vas. Dajte da čujemo nekoliko stvari o tim segmentima. Ali ja mislim da uz stručni nadzor i struku

može se napraviti pun toga a neće to riješiti opet kažem ministri koji će biti imenovani na osnovu nekih želja i zamisli nekih ljudi. Bojim se samo da se ovo.

Predsjedavajući:

Kolega Mariću da li govorite u ime Kluba?

Poslanik/zastupnik Zvonko Marić:

Da, da. Da se modeliraju ovi Zakoni prema potrebama interesima nekih grupa ili pojedinaca. To je već ona latentna opasnost. I znate šta, imate vi također i ranije primjera, i to upozoravam. Dakle ponovo upozoravam da su ovakva spajanja i razdvajanja činjena i da su se posljedice tih procesa osjećale i nakon deset godina, da vam sada ne nabrajam. Znamo svi koji smo već duže vremena u tim i političkim i novinarskim vodama i kako se to dešavalo. Ja sam upozoravam da se povede računa o svemu tome. Ono što još hoću da kažem da vas molim da ne tražite obraćanje, jer je potpuno bespotrebno, ni ministra Krivića ni premijera Nenadića, jer je potpuno suvišno da oni se sada obraćaju. Oni su ljudi čije su ostavke prihvaćene i ne znam kome bi bilo relevantno da oni sada govore, ili šta bi doprinijelo to da se oni izjašnjavaju ovdje kao pred prijekim sudom i da ih sutra neko osuđuje zbog iznesenog mišljenja, potpuno suvišno i bespotrebno. I mislim da to nije u redu. I na kraju krajeva molim vas što se tiče SBB, stara je istina da svako ima pravo na šansu, tako ima i ova dolazeća Vlada. Na žalost u njoj koliko znamo bit će i onih koji su već imali šansu ranije. Imali su godinu dana itd. Ali sasvim sigurno da ne bili faktor koji opstruira bilo šta mi ćemo glasati za ovaj Zakon kao SBB a odgovornost neka preuzmu oni koji su inicirali ali da ne bi mi sada bili optuženi da opstruiramo na prvom koraku neke poteze dolazeće Vlade i parlamentarne većine mi ćemo to podržati ali zapišite ili zapamtite ovo na šta sam vas upozoravao. Budite i sigurni da obično što kažem, možda je to neskromno, da vrijeme i događaji potvrde ono što sam rekao. I da vam sada ne elaboriram i ne govorim o tome šta je bilo. I molim vas jš jednom gospodine Okeriću vratite dostojanstvo ovoj Skupštini na način što ćete voditi sjednicu, moderirati je i zabraniti sva ta prebrojavanja glasova, svako brojanje ne znam na izborima ovoga ili onoga, ili vraćanje u CV određenih ljudi i taj neprimjereni, nekulturni način ophođenja i ponašanja u najvišem zakonodavnom tijelu kakav je Skupština Kantona Sarajevo. Hvala vam.

Predsjedavajući:

Uvaženi zastupniče Marjanović hvala vam na razumijevanju i podršci. Sljedeći koji se javio za diskusiju je uvaženi zastupnik Marjanović. Izvolite imate riječ.

Poslanik/zastupnik Damir Marjanović.

Dobar dan svima. Ili evo već da kažem dobro večer i zahvaljujem se svim prethodnim ljudima koji su diskutovali, kolegicama i kolegama, pošto se prvi put javljam u cijelom ovom danu, pozdravio bih sve one koji prate i gledaju ovu Skupštinu. Nisam ništa ni planirao da se javljam po pitanju ovog Zakona zato što mislim da su to manje više stari onoga što je napisano tamo jasno. Međutim, iz diskusija konstruktivnih dobrih, bez obzira odakle dolaze iz pravca pozicije ili opozicije čulo se dosta konstruktivnih ideja i sve ostalog, a li se na neki način moglo vidjeti i par pitanja i par upitnika zbog čega su se neke stvari predložile, kako su se nek stvari uradile i zašto su se uradile. S druge strane bih se zahvalio nekim zastupnicima koji mi poprilično dižu rejting u ovoj cijeloj priči. Ja mislim da sam trenutno, jedan, možda čak i jedini zastupnik, koji po nekim insinucijama ispada da imam i svoje privatno Ministarstvo. Ja bih uistinu volio da sam toliko politički jak, politički bitan. Ali mislim da će svi se sjetiti da kada dolazi do neke skupštinske većine, pa makar bila ona minimalna da imate barem 18 ljudi i 18 ruku, 18 ideja, 18 programa, tako da ja čisto sumnjam, jedna osoba imala ona tu želju ili ne, ja je uistinu nemam, ne može ni na koji način da kaže evo ovo je moje, (nerazumljivo), ne važi i niko više nema šta tu da traži. Posebno u jednom konceptu u kojem



koliko sam barem ja do sada imao priliku da ga upoznam a neke kolege koje su ovdje diskutovale imale su priliku isto da o tome diskutujemo ranije. Jeste da sve ideje, sve programe i planove, na neki način diskutujemo, izlažemo kritikama. Zato što ja duboko vjerujem u koncept u kojem ako se svi slaćemo, pošto ovdje svi klimamo glavom, da nemamo dobro rješenje. Tako da sve ove kritike su jako konstruktivne i jako mi se sviđaju. Ali dozvolite mi da budem malo institucionalna memorija. Kolega Dević će se sjetiti kada smo se on i ja davno upoznali, bila je to 2012 godina, kada sam kao nezavisni kandidat, ustvari ne, kao ekspert, tako su me prozvali, koji nikada nije sudjelovao u politici, bio predložen da sudjelujem u jednoj Vladi. I tada sam ja kao ministar upoznao kolegu Devića koji je tada postajao direktor OŠ. I negdje imam u glavi da smo još tada diskutovali na jednom sastanku, a možda nisam u pravu, već i tada kada sam došao na tu poziciju ministra i kada smo diskutovali o toj cijeloj priči spominjano je prije nekih 8 godina o tome kako je ovaj na neki koncept ministarstva jako glomazan, kako ne može izdržati jedno malo Ministarstvo, ne kapacitirano, kolega Marić je u pravu, 40% ljudi. To je jedno od rijetkih Ministarstva koje u svojoj sistematizaciji nikada nije prešlo kapacitet od 50%.- pa smo onda govorili i o tome koliko je raznorodno. Evo i kolega Zvonko Marić je postavio pitanje vezano za sektor saobraćaja. Nije ga niko zaboravio, duboko smo svjesni njega. Postoji federalni propis koji sektor saobraćaja vezuje, osim ako se nije promijenio u zadnjih par godina, mislim da nije, sektor saobraćaja povezuje isključivo sa sektorom obrazovanja. Tako da taj sektor saobraćaja upravo ostaje u onom konceptu uz Ministarstvo obrazovanja koje jeste. Još te 2012 smo se susretali s tim idejama i pravili smo koncepte. Pa i poslije toga ministri koji su dolazili su nerijetko najavljivali da će se takvo što desiti. A onda se desila tematska sjednica Skupštine Kantona Sarajevo na koju sam ja jako ponosan iz jednog prostog razloga zato što tada su svi zastupnici, prva stvar mislim da je to bila prva tematska sjednica Skupštine održana u zadnjih 15 godina. A druga stvar št su svi zastupnici sudjelovali u kreiranju finalnih zaključaka. I usvojili smo ih bez ikakvih problema. A onda se desila još jedna lijepa stvar. Mislim da je tada bilo obrnuto, većina parlamentarna, manjina, tada je još uvijek bila priča o Vladi šestorke. A tada mi je iz opozicije došao jedan prijedlog koji je bio jako logičan, znam da su kolege iz DF ranije o tome pričale, a kolege iz SDA su insistirale da se unese taj prijedlog o razmatranju o podjeli Ministarstva. Mi smo ga prihvatili. I trebalo s ena njemu raditi i tada. Međutim došlo je do smjene vlasti. I sada mi nije bilo jasno zašto kolege koje su tada došle na vlast ponovo iz SDA i SBB pa čak i DF nisu to realizirali u proteklih deset mjeseci jer koncept, cijela Skupština se složila oko toga ali koncept je primarno došao evo barem zadnji taj došao je upravo iz redova SDA. Tako da taj koncept je logičan iz više razloga. Ne zato što su ove stvari toliko ne spojive. One jesu spojive, one će biti i dalje jedna cjelina, al jednostavno zato što se nerijetko dešavalo ad ministar kao glavna politička figura jednog ministarstva koji dođe iz jednoga, mi imamo jako malo profesionalnih političara, mada vidim da sada se nazire jedna nova generacija profesionalnih političara, koji su izuzetno elokventni i jako dobro baratuju ovim mikrofonima, video materijalima, i jako zanimljive diskusije, malo populističke ali zanimljive diskusije vode. Ali mislim da koncept profesionalnog političara kod nas još uvijek nije zaživio, pa često za ministra dlaze ljudi iz struke koji su možda povezani manje više sa politikom ili nekom političkom strankom pa se nerijetko ne mogu snaći barem prve dvije godine. Ako neko dođe iz osnovnog obrazovanja, visoko obrazovanje i nauka posebno su mu tabula raza. S druge strane isti princip kada dolaze ljudi iz akademske zajednice, nerijetko bit ću iskren, zato što i ja spadam u tu, nerijetko na neki način ne shvataju ozbiljno probleme u odgoju, predškolskom, osnovnom i srednjem obrazovanju. Tako da ovaj koncept se kao takav nametnuo još i u pregovorima šestorke bila je ideja da se to uradi. Svi su se manje više slagali, i sada smo tu gdje jesmo. I to se mora uraditi. Ljudi mi smo svjesni, stalno govorimo kako je obrazovanje nefunkcionira, kako nije dobro, kako imamo probleme sa (nerazumljivo) Pizama, sa kvalitetom univerzitetskog obrazovanja, sa kvalitetom realizacije nastave u online sferi itd. Tako da mislim da cijela ta priča i problematiziranje, ja i

ne vidim da se nešto reklo da je neko protiv toga, ali mislim da ovdje ćemo se svi složiti da je to nešto što treba da se desi. E sada postoje druge stvari, na žalost izgleda da je na našim prostorima, mi mnogo svojatamo ono što nije naše. I nerijetko se zastupnicima kantonalnim pa ponekad postoji u učesnicima izvršen vlasti pripisuje da je nešto njihovo. Niti obrazovanje pripada ni gospodinu Deviću ni profesoru Marjanoviću niti bilo kome. Pa da može on da radi ono što hoće i kako hoće unutra. Niti postoji super inteligentna osoba, po mom skromnom mišljenju kolaj može sada da naredi i da odluči šta će u obrazovanju raditi a da se ne konsultuje sa stručnjacima. Cijeli ovaj program koji se tiče obrazovanja koji ste imali priliku proteklih dana vidjeti, prije dvije godine dana kada je šestorka radila to, imali ste priliku da vidite, pisala je baš skupina eksperata. Neki su od njih univerzitetski profesori, neki su direktori osnovnih škola, neki su uvaženi profesori srednjih škola, neki imaju iskustva internacionalno u reformama obrazovanja. I dobro je prilagođen onome što mi trebamo da uradimo. Sada se postavlja se pitanje zašto sada. A kada ćemo ako nećemo sada. Budemo li čekali perfektni momenat, posebni momenat, dobri momenat, da se sve posloži pa onda da se rješava problem u obrazovanju, to se nikada neće desiti. Zato što između ostalog problemi u obrazovanju poprilično uzrokuju sve ove probleme koje imamo sada an tapetu na terenu, zovite to kako god hoćete. Tako da moram priznati da nisam siguran da ovom momentu treba da se brinemo pretjerano o nekim administrativnim stvarima jer bit će vremena a i već se mnogo odradilo u tom konceptu pripreme razdvajanje ovih ministarstava. Isto kao što nisam siguran da trebamo brinuti o tome ko će raditi u jednom ako u drugom segmentu. Ja poznajem te ljude u Ministarstvu obrazovanja i imam izuzetno visoko mišljenje o pomoćnicima kako za osnovno, tako za srednje, predškolski odgoj, pa i za visoko obrazovanje. Izuzetno visoko mišljenje znam koji su to eksperti. I s druge strane kada sam bio ministar nerijetko se dešavalo da jedno od tih pomoćnika bude odsutan zbog zdravstvenih razloga, a vrlo lako njegov kolega iz drugog sektora lako preuzimao te stvari. Lako ih je radio. Tako da i sam uopšte, nemam uopšte upitnika u glavi da svi ti ljudi su izuzetno kapacitirani da rade jao dobar posao, jer su to sve, većina njih vrsni pravnici ko ji jako dobro poznaju Zakon. A to je par Zakona po kojih će dobar pravnik u nekim par tjedana ako treba savladati bez ikakvih problema. I na kraju, vratiti ću se nazad. I nije nikakva tajna, mislim da i kolege iz sadašnje Vlade, neki ministri neki premijeru znat će da čak iako sam bio u opoziciji nerijetko sam kroz javne diskusije ali i kroz kontakte jedan na jedan sa premijerom, sa ministrom, davao sugestije. Jer znate ja sebe ne posmatram kao osobu koja treba da bude lojalna nekom političkom pravcu, konceptu, ili koja mora da bude u jednom dresu i stalno u jednom dresu kako to vole ljudi da kažu. Ja sam osoba koja je lojalna konceptu i principima za ono što pomalo zna, to je obrazovanje. Rijetko ćete me čuti da diskutujem o nečemu što nije obrazovanje i evo na žalost u zadnje vrijeme smo imali priliku da to ovdje genetičkih testiranja i vezano za koronu, na žalosti i to je dio priče pa sam imao priliku ovdje da pričam i tome. Znači mislim da će.

Predsjedavajući:

Oprostite zastupniče Marjanoviću jel govorite u Kluba?

Poslanik/zastupnik Damir Marjanović:

U ime Kluba govorim. Ali evo i završavam. Hvala vama, nisam ni znao da tako brzo prošlo vrijeme. Mislim da će se i sadašnji premijer i sadašnji ministara sjetiti naših diskusija, naših sugestija i svega onoga što sam podržavao kada su dobro radili i svega onoga kada sam kritikovao kada nisu dobro radili. Istu stvar sam imao i sa prethodnim premijerom koji je evo sada naš mandatar i budući premijer. Nije mi bilo teško da puno toga podržim što on uradi ali isto tako da žestoko iskritikujem kada mislim da nešto što se tiče obrazovanje i nauke nije dobro urađeno. I na kraju, nisam samo siguran da sam shvatio nešto što je kolega Dević spomenuo vezano je za neke raspodjele novaca vezano za nauku i naučno istraživačku

djelatnost. U ovom novom programu koliko se sjećam mi smo napisali jedna od stvari da minimalno 1% budžeta treba da bude izdvojeno za nauku. Ja to u potpunosti podržavam. I sjetit ću se samo izjava nekih mnogo većih ljudi nego što smo svi mi ovdje zajedno, koji su bili mnogo izazovnijim vremenima, poput gospodina Čerčila, rekao je kada su ga kritikovali zašto podržava i kulturu i nauku, dok je Britanija bila u najgorim momentima on je rekao a zašto to na neki način odvlači novac i resurse i pažnju od brojnih obaveza odbrambenih obaveza, on je rekao "kada ne bi to uradili zašto se onda ovi momci na prvoj liniji bore za takvo što": mislim daje sada upravo vrijeme da ako već u krizi moramo da resetujemo mnoge stvari, mislim da trebamo krenuti od obrazovanja jer da smo ga resetovali, počeli raditi prije 20 godina onako kako je to trebalo, mnoge poslije reforme i mnoge stvari koje sada imamo, mnogi diplomatski skandali i sve ono što nas na žalost prati, i priče oko toga ko zna kada ćemo dobiti vakcine itd, itd. (nerazumljivo) ne bi bili problemi. Tako da nije se ad hock pristupilo. Nije jedna osoba donosila odluku, ne postoji Ministarstvo jednog lica, ne znam da li bi to bilo i mudro da bilo ko prihvati. Ali definitivno posao je tu pred nama i sada ga treba raditi. Ja se zahvaljujem još jednom stvarno sam čuo jako dobrih i pozitivnih kritika. I onoliko koliko bude u mojoj mogućnosti kao osobe koja će sudjelovati u svemu tome isključivo kao osoba koja nešto zna o obrazovanju, a ne kao skupštinski zastupnik ili jako loši političar, što u biti jesam, rado ću se sjetiti tih (nerazumljivo) koje sam evo ovdje zapisao. Još jedna stvar, zamolit ću stvarno kolege bilo je par stvarno stvari na kojima sam i ja mogao ići sa nekom replikom, ispravkom etičkog navoda, međutim izbori su za dvije godine, ai mislim da sada u ovom momentu zadnje što nam treba su replike, netočni navodi, samopromocije, populizam. Hajte da završimo ovaj posao koji je pred nama. Predsjedavajući, ja se zahvaljujem i izvinjavam se ako sam odužio.

Predsjedavajući:

Zahvaljujem se zastupniku Marjanoviću, replika uvaženi zastupnik Marić. Izvolite.

Poslanik/zastupnik Zvonko Marić:

Zahvaljujem predsjedavajući. Neću dugo ali sam ponukan ovim izlaganjem profesora Marjanovića i moram reagirati jer u jednom trenutku zasmetala mi je njegova formulacija da l sa ranijeg vremena, ali u proteklim periodu, rekao je uvaženi profesor da Ministarstvo obrazovanja je potpuno nefunkcionalno. Ne bih se ja gospodine Marjanoviću složio da je to tako jer od 03.03. vi znate da samo za četiri dana uvedena je online nastava kada je proglašena pandemija, nešto novo s čim smo se mi suočili. I Ministarstvo obrazovanja nije radilo nikada čini mi se kao do sada. Ja barem pratim sve te događaje a bio sam i sudionik pa se sjećam i vremena kada ste vi bili kratko ministar obrazovanja i kada ste podnijeli ostavku, kada ste shvatili vjerovatno da tu ne možete ništa učiniti zbog takvog ambijenta. Ali neću da ulazim u taj dio nego hoću da vam kažem da Ministarstvo obrazovanja je u vrijeme pandemije pokazalo i te kakvu sposobnost, moram kazati na neki način da je to bio svojevrtni podvig. Ipak ide nekim tokom u ovim teškim okolnostima i čini mi se da ste vi u protekloj sjednici hvalili rad ministra Krivića i Ministarstva. Ali u jednom trenutku ste se pri kraju ispravili i rekli ste da su pomoćnici jako dobri u okviru Ministarstva i da tu ima ljudi koji mogu da iznesu sve, i da mogu da mogu da odgovore na sve izazove u obrazovanju. Tako da nekako čini mi se ostaje gorčina da se kaže da je nefunkcionalno. Ja mislim da je ne zato što ministar Krivić dolazi iz reda SBB daje unio neku novu energiju i snagu koju ste prepoznali, pa bojim se ne znam kako će vas on shvatiti, tu formulaciju da je nefunkcionalno. A ja mislim da je poprilično dobro funkcioniralo u ovim teškim vremenima, a evo pred nama je da vidimo kako će funkcionirati u budućnosti. Ja očekujem da će tu biti sigurno napretka. I ja to podržavam. Ali evo ja sam zato, još jednom se obraćam vama gospodine Okeriću da št prije privedemo ovo, da damo na glasanje, i da na neki način vidimo i taj plan za budućnost i te možda neke spasonosne mjere i da vidimo i realizaciju tog u nekim segmentima mi se učini kada neki ljudi

pričaju šta nam sve spremaju, da će to biti svemirski plan. Pa da vidimo tu realizaciju tog svemirskog plana i da podržimo i mi kao SBB ova vaša nastojanja i donošenje ovog Zakona o spajanju i razdvajanju pomenutih ministarstava. Hvala.

Predsjedavajući:

Zahvaljujem se zastupniku Mariću. Replika zastupnik Marjanović, pretpostavljam Mariću.

Poslanik/zastupnik Damir Marjanović:

Ma da. Ne bih rekao da je neka replika, niti idu u ovom žaru kao što su prethodne replike. Nisam siguran da me je gospodin Marić razumio u potpunosti. Ja ni na koji način nisam rekao da je Ministarstvo nefunkcionalno. Ja kažem da nam je obrazovni sistem nefunkcionalan i to se ne odnosi samo na Kanton Sarajevo nego na BIH. A s druge strana ja kada premotam malo u glavi neke svoje diskusije u periodu dok je ministar Krivić ovdje bio, par puta su bile afirmativne, par puta su bile sugestivne a nekada su bile sa kritikom. a ono što ću zamoliti, pa nekada će biti prilike da kolega Marić i ministar Krivić možda i aj malo sjednemo i razmotrimo kako je išla ova naša komunikacija u proteklim periodu. Dakle odmah da kažem nisam od onih što govori sve drugi što rade ništa ne valja, mi smo najbolji. Mi smo najbolji. Daleko od toga. Mislim da je ministar Krivić imao par dobrih, solidnih zahvata. Mislim da je bio u jako izazvanom vremenu, mislim da bi se teško ko i snašao da nešto postavi, da Ministarstvo funkcionira kako bi mi svi željeli kako bi trebalo funkcionirati. Ali s druge strane imali smo i žučnih rasprava posebno oko nekih izmjena Zakona itd. Tako da možda bi se čak i ministar Krivić snašao mnogo bolje pošto je čovjek koji dolazi iz oblasti koju poznaje, visoko obrazovanje. Možda b se mnogo bolje snašao da je upravo regulirao ono gdje je bio ekspert. Eto upravo zbog toga idemo u ove podjele i i ne bih volio da ostane taj gorak okus ja uistinu nisam osoba koja će uletite i govoriti iskoristiti medij i prostor da nekoga panjka ili ne. Ne, daleko od toga. Kao što rekoh, svi mi koji radimo svoje dobre strane, loše strane, ono što znamo jeste ono šta pomalo znam jeste okupiti dobru ekipu, sudjelovati u dobrom timskom radu i pokušati popraviti ono što se može. Postoji mali milion prepreka u svemu ovome. Ali imate dvije opcije, ili jednostavniju opciju koja je mnogo lakša za sve one koji su u mandatu da se ništa ne uradi, ne pokuša uraditi do sljedećih izbora, izborne kampanje. Ili da se pokušaju povući neki jaki žestoki rezovi što podrazumijeva puno posla, puno snage i svega onoga. I još jedna stvar koju možda ne znate, sjetiti će se gospodin Zvonko Marić. Ja kada sam bio ministar prvi sastanci koje sam obavio bili su sa skoro svim prethodnim ministrima s kojima sam mogao da pričam. Tada je to bio gospodina Suljagić, gospodin Kešo, gospodin Oručević i još neki ljudi koji su bili ministri u drugim vremenima. Nije mi uopšte teško da pričam o njihovim iskustvima. Tako da siguran sam da iskustvo ministra Krivića će dobro doći budućim ministricama, a ministrima ko to već bude. I mislim da je, kako kaže, najpametnije da se čovjek uči na tuđim dobrim stvarima ali i na tuđim greškama. Bilo je jednoga i drugoga. Ali u svakom slučaju, kao što rekoste vi, vrijeme je pred nama pokazat će da li je ovo bio dobar i mudar potez, ali ovaj potez nije urađen ad hock, ovaj potez nije urađen da bi se zadovoljila nečija ruka ili neka ruka, nego je ovaj potez urađen, u krajnjem slučaju, pogledajte malo komentare iz akademske zajednice primarno. Ali boga mi iz osnovnih škola. A ima i druga priča vezana mislim da je kolega Zahiragić spomenuo, i dobro je on to primijetio, da li to znači sada da će se ako se osnovno obrazovanje prebaci na općinske nivoe da to znači d ne postoji uopšte razloga da postoje osnovno obrazovanje u sklopu kantonalnog nekog Ministarstva. To ne podrazumijeva to. Kurikulume, programe i sve ono što Ministarstvo.

Predsjedavajući:

Ja se izvinjavam zastupniče Marjanović vrijeme vam je isteklo.

Poslanik/zastupnik Damir Marjanović:

evo završavam se, izvinjavam se. Sve ono što se tiče obrazovanja i kreiranja programa za osnovno obrazovanje ostaje na ingerencijama kantonalnih Ministarstva. A ovo je već neka druga priča. Izvinite što sam iskoristio priliku da ne da repliciram, nego samo da se osvrnem na ovo što je kolega Zahiragić rekao. Zahvaljujem se.

Predsjedavajući.

Zahvaljujem se. Prva diskusija uvaženi zastupnik Vreto. Izvolite.

Poslanik/zastupnik Elvis Vreto:

Hvala predsjedavajući. Što se tiče predloženog zakonskog rješenja ja se u potpunosti slažem da je ovo neophodno uraditi. Podsjetit ću da je ovaj saziv Skupštine održao i tematsku sjednicu kao što je rekao kolega Marjanović da smo čak usvojili i određenu inicijativu od ljudi koji su čini mi se, kolega Dević da je tada predlagao, iako je bilo takvih inicijativa, da Vlada razmotri i radi na razdvajanju Ministarstva obrazovanja kako je to definisano. Evo danas to imamo, kao prijedlog i mislim da tu ne bi trebalo d imamo određene ove bespotrebne polemike. Zašto, možda se neko ne slaže sa trenutkom kada se to radi. Ja smatram da je to neophodno, da smo to trebali i ranije uraditi. Dalje kada se radi o spajanju ministarstava prostornog sa komunalnom privredom. Evo jedan od kolega je kaže dobio poruku da tačno je, ljudi nas pitaju vezano sa stanjem sa zrakom u Kantonu Sarajevo. Pa ja postavljam pitanje svima vama ono što je meni presudilo jeste da li će spajanje Ministarstva dovesti do bolje sinhronizacije u radu tog Ministarstva kada znamo da određene politike koje se vode kroz javna preduzeća treba upravo da budu mjerilo poboljšanja kvaliteta zraka. Znamo da je Sarajevo gas unutar komunalne privrede, znamo da stimulisanje prelazaka na taj energent građana koji koriste čvrsti energent je jako važan. I mislim da to samo može poboljšati samo funkcionisanje, olakšati procedure, ubrzati postupke da mi sutra dođemo do kvalitetnih rješenja po pitanju zaštite i načina kako se borimo protiv zagađenja zraka. Mislim da su to neke ključne stvari i osnovne stvari koje mi trebamo danas da raspravljamo. Ono što sam čuo, naravno en želim da se referišem pominjanje, čak sam pomenuti, nisam želio da se javljam za repliku. Mislim da je to nesvrshodno. Nikakav nema značaj. Čak ne znam ni kome bih replicirao jer se kolega zastupnik javlja sa mikrofona odnosno pod imenom drugog kolege, tako da bi bilo zaista besmisleno da raspravljam na tu temu. Ono što želim da kažem da su ovo neophodne izmjene i u potpunosti podržavam ove izmjene zakonskih rješenja i spajanja dva Ministarstva, odnosno razdvajanje jednog koje je krupno ministarstvo sa ogromnim problemima. I mislim da je to politika koju samo nastavljamo. Mislim da je Skupština Kantona Sarajevo u ovom sastavu, nisam vidio ovdje nikakvih razlika po pitanu bar Ministarstva za obrazovanje, da se ono ne treba razdvajati. Čak smo inicijativu koju smo usvajali u prošlosti čini mi se da jednoglasno i usvojena. Toliko predsjedavajući. Hvala vam.

Predsjedavajući:

Zahvaljujem. Druga diskusija uvaženi zastupnik Dević.

Poslanik/zastupnik Mahir Dević:

Hvala predsjedavajući. Radi javnosti u jednom segmentu o kojem je govorio kolega Marjanović valjalo bi kazati da mi kao Klub jesmo podržali inicijativu, ponavljam još jednom inicijativu, koja je trebala da se razmotri da o njoj svih relevantni daju svoje mišljenje, naravno prije svega Ministarstvo obrazovanja, ministarstvo finansija, Ministarstvo pravde i uprave, pa da ne kažem UNSA, i svi drugi koja je podrazumijevala da se Ministarstvo za obrazovanje, nauku i mlade Kantona Sarajevo razdvoji na dva dijela čisto iz funkcionalnih razloga. Jer smo smatrali da jedan ministar, zaista mu je teško pratiti sav taj proces koji podrazumijeva djecu od predškolskog uzrasta pa ne znam do profesora na UNSA i

fakultetima u Sarajevu. U tom segmentu smo mi kao klub SDA podržali tu inicijativu. Način na koji se ovo danas radi, bez ikakvog ozbiljnog mišljenja, bez ikakvog ozbiljnog stava, bez nekog ozbiljnog elaborata, da kažemo minut prije usvajanja budžeta Kantona Sarajevo, uz niz grešaka poslovnih, kršenja Zakona, na način da se uvodi pravna nesigurnost u ovaj cijeli proces, mi za takav pristup zaista nismo kada je u pitanju ministarstvo obrazovanja. Za ovo drugo, spajanje ova dva ministarstva apsolutno smatramo da ćemo tu napraviti još gore stanje nego što je ovdje. Ali evo radi neke konzistentnosti stavova jer evo tu sam kao predsjednik Kluba SDA u Skupštini već dvije godine, radi javnosti podsjetit ću kako smo se mi odnosili spram tema koje su tretirale ovaj Zakon. Npr ja i kolega Marjanović se uopće nismo slagali o toj nekoj vrsti priče kurikularne reforme, to će se napraviti na nivou Kantona, to će biti renesansa, to će biti ovo, to će biti ono. I mi smo danas potpuno svjesni da će proći vjerovatno ovaj mandat a da nikakav iskorak ozbiljan u tom segmentu neće se napraviti jer uvijek smo govorili da to ne treba raditi samo na nivou Kantona Sarajevo. Sljedeća tema o kojoj smo mi diskutovali iz oblasti obrazovanja koliko se mi sjećamo je bio Zakon o udžbenicima. Pa smo mi tada kao klub desetine razloga navodili zašto to ne treba usvajati. Zašto to neće biti primjenjivo, zašto neće biti funkcionalno. Ne da smo bili protiv takve vrste zakonskog propisa, nego momenat i način na koji se donosi bio je potpuno pogrešan. Mi imamo danas situaciju da taj Zakon bukvalno ne postoji u Kantonu Sarajevo. Pa smo onda satima raspravljali o tom potezu historijskom koji je najavljen oko gašenja PPZ, i da kažem osnivanje nekog instituta koji će kao biti agencija, on će donijeti reforme u obrazovanju u Kantonu Sarajevo.

Predsjedavajući:

Kolega Deviću da vas upozorim na vrijeme.

Poslanik/zastupnik Mahir Dević:

Druga diskusija, koliko je, tri minute predsjedavajući? Ako je proteklo tri minute ja završavam.

Predsjedavajući:

Tri minute vam je isteklo.

Poslanik/zastupnik Mahir Dević:

Evo završavam. Znači imali smo tu vrstu priče pa se pokazalo. Evo mi i danas predsjedavajući upozoravamo da je ovo jedna izuzetno ozbiljna stvar po kojoj bi Skupština Kantona Sarajevo trebala ozbiljnije da pristupi. Trebalo je ići potpuno drugim redoslijedom, da se imenuje Vlada Kantona Sarajevo, da se preuzmu odgovornosti, resori da se napravi ozbiljan elaborat, pa da se ovom pristupi. Ad hoc rješenje sada, uvodeći pravnu nesigurnost, na način da se ne znaju statusi, sudbine ljudi, da nemamo budžeta, da imamo pandemiju. Pa imamo par prihoda u Kantonu, da nemamo mišljenje Ministarstva finansija, Ministarstva pravde i uprave, Ministarstva obrazovanja, bez obzira što je to tehnički mandat. Ovo je lomljenje izuzetno ozbiljnog Zakona preko koljena. I on sigurno neće proći ni blizu onoga što ste vi predstavili. Ali evo što kažu pred nama je. Podsjetiti ćemo se. Naravno da mi ne podržavamo apsolutno.

Predsjedavajući:

Vrijeme kolega Deviću, dao sam najviše do sada.

Poslanik/zastupnik Mahir Dević:

Izvinjavam se predsjedavajući. Hvala vam najljepša.

Predsjedavajući:  
Replika Marjanović Deviću.

Poslanik/zastupnik Damir Marjanović:

Pa vrlo kratko. Kolega Dević i ja ne moramo se ni oko svega složiti samo ću između ostalog podsjetiti da mnoge stvari koje kolega Dević predlaže predviđa da se neće desiti u ovom mandatu od ove četiri godine možda se baš neće desiti zato što se promijenila Vlada. Znači. Prethodna Vlada je neke stvari pokrenula, mišljenje inicirala i onda došao jedan period pauze od nekih 10 mjeseci gdje na neki način su pojedinci u ovoj Vladi odlučili da sve ono što je nekako bilo u fokusu, posebno što se tiče reforme obrazovanja da se malo nekih deset mjeseci stavi sa strane. Međutim možda ćete se iznenaditi koliko ja pratim i koliko ja imam informacije, određeni reformski procesi koji se tiču kurikularne reforme i dalje napreduju. I mislim da će vrlo brzo biti neki rezultati. I vjerujte da ću biti zadnji koji će reći evo vidite kako smo za dva mjeseca nešto uradili. I to će biti rezultati ljudi iz struke koji su radili za vrijeme jednog i drugog mandata. Tako da, dajte malo strpljenja. Vi ste u pravu, vrijeme će pokazati. Niko ne javljaju renesansu. Ko najavljuje renesansu nije ozbiljan osoba. Nije ozbiljan čovjek u ovoj cijeloj priči ali za nas, jedan mali pozitivan pomak u oblasti obrazovanja, ali u pravom pravcu, iz fundamenta bi bio jako bitan. Hvala velika.

Predsjedavajući.  
Zahvaljujem. Replika Dević Marjanoviću.

Poslanik/zastupnik Mahir Dević:

Evo vremena u skladu sa Poslovníkom. Zahvaljujem kolegi Marjanoviću. Bilo bi zanimljivo sa te prve sjednice na kojoj se govorilo tako pompezno o obrazovanju, tako puno energije, prije svega kod kolege Marjanovića izvući te njegove te diskusije sa tih sjednica i izvući naše diskusiji uporediti. Ja ću to uraditi na nekoj od narednih sjednica Skupštine Kantona Sarajevo. Porediti ovih mjeseci izuzetno teškog rada ove Vlade Kantona Sarajevo u vrijeme pandemije i svega što nas je zadesilo a da se očekivao od nje ozbiljan neki rezultat u oblasti obrazovanja mislim da to nije bilo realno da kažemo, ipak je ministarstvo za obrazovanje, nauku i mlade Kantona Sarajevo odgovorilo adekvatno na ozbiljne probleme koje je izazvala pandemija. Vi znate od ove online nastave itd. Ali ja sam ovdje spomenuo nešto drugo. Nisam govorio o radu ministarstvu. Ja sam govorio ovdje o ovim zakonskim aktima koje smo mi usvajali na Skupštini Kantona Sarajevo i u pravilu smo bili, da kažem u pravilu, mpžda ne uvijek, ali u pravilu smo mi bili kao Klub protiv tih zakonskih akata, vi ste to u pravilu kolega Marjanoviću hvalili. I u pravilu smo mi bili u pravu. Naravno ja sam spreman da priznam kada to nije. Možemo sada mi dodavati populizma itd. Ovdje je trebalo ozbiljnije pristupiti ovom procesu. To je naša zamjerka. Da bude u skladu s Poslovníkom, Zakonom, ozbiljnim elaboratom a ne na način da to rješava kadrovska križaljka da prvo predstavimo novog ministricu visokog obrazovanja na Fejsbuku pa da onda mijenjamo Zakon. Malo je to na neki način, složiti ćete se sa mnom, ipak neobično.

Predsjedavajući.  
Zahvaljujem. Replika Marjanović pretpostavljam Deviću.

Poslanik/zastupnik Damir Marjanović:

Da ne oduzimamo previše vremena u toj cijeloj priči. Nemojte mi stavljati riječi u usta. Ako mislite da i dalje na neki način omalovažavamo što je Ministarstvo, ljudi Ministarstva i ovaj ministar uradio u proteklom periodu grdno se varate. Niti je to moj stil, niti je to moja želja. To je odgovor i replika na ovo što ste ustvrdili. Druga stvar ostao sam dužan informaciju u prethodnim diskusijama, ne znam koliko znate vezano za izdvojena ministarstava, da je

visoko obrazovanje i nauku, tu sam Danska, Slovačka, mnoge zemlje u kojima imate jako dobre obrazovne i ekonomske sisteme, imaju izdvojena ta ministarstva. I treća stvar, ja ne mogu da sjetim da sam ja na Fejsbuku na neki način predstavio ministricu novu. Nego sam samo o jednoj osobi koja je potencijalna kandidatkinja za tu poziciju iznio svoje mišljenje. Hvala. Meni je jako drago gospodine Deviću što vi smatrate, mislite da sam ja toliko moćna osoba pa da mogu ove ljude iz ove Skupštine da kažem e ovo je ministrica, i bit će to tako i to je sada moje. Ja na moju radost, pravo da vam kažem, a na žalost mnogih ljudi koji tako razmišljaju, niti jesam takav, niti mislim da politika treba tako da funkcioniра. Ali u krajnjem slučaju, mislim da biografija te osobe koju sam spomenuo, kao najcitiranije osobe iz njene oblasti, ne samo u svojoj generaciji, nego inače u BIH, dovoljno govori samo za sebe. I mislim da joj ne treba nikakav tutor da radi svoj posao normalno ako ga dobije. Ako ova Skupština odluči da je to ta osoba. Hvala velika.

Predsjedavajući:

Zahvaljujem. Ispravka krivog navoda Dević.

Poslanik/zastupnik Mahir Dević.

Zahvaljujem predsjedavajući. Pa dvije su ispravke krivog navoda. Prvo ja nisam rekao kolega Marjanović da ste vi predstavili imenom i prezimenom, ja sam rekao da je predstavljena na neki način. To što ste se vi pronašli u tom dijelu diskusije to je vaše pravo. Ali ja nisam rekao da ste vi to uradili. Također nisam kazao da ste vi omalovažili rad Ministarstva za obrazovanje, nauku i mlade Kantona Sarajevo. Ja sam samo rekao da se mi suštinski nismo s vama slagali kada je u pitanju oblast obrazovanja. U skoro svim zakonskim aktima koje je donosila Skupština. A isto sam tako podsjetio da ste vi sa velikom količinom elana najavljivali da će se sve te reforme desiti, i u pravilu ih podržavali. I da se u pravilu pokazalo da ono što smo mi govorili kroz te zakonske akte da smo bili u pravu. Evo bojim se da ćemo oko ove stvari biti u pravu. Mi se tu razlikujemo. Vi ćete ovo podržati, mi to nećemo podržati naravno kao dio parlamentarne većine. A to da ste vi moćni, ja vam to nisam rekao. Samo je dragi Bog moćan. To što se vi prepoznate u tom dijelu priče. Te stvari koje ste mi inputirali nekako ste malo izvrnuli činjenica. Ja vas nigdje nešto lično nisam prozvao ja sam govorio da mi konceptualno se razlikujemo. A vaše djelovanje kroz obrazovanje, i moje djelovanje na neki način kroz obrazovanje, mi se znamo što kažu jako dugo. Imali smo zajednički stav oko ovoga da se ova inicijativa razmotri, da se njoj ozbiljno pristupi a ne na ovakav način da kršimo zakone, poslovničke, procedure itd. Preko koljena da to radimo. Eto toliko.

Predsjedavajući:

Zahvaljujem. Mislim da više gospodine Marjanoviću nemate pravo na repliku. Evo da provjerim. Možete tražiti ispravku krivog navoda da vam pomognem. Izvolite ispravka krivog navoda.

Poslanik/zastupnik Damir Marjanović:

Ma hvala vam velika. Jeste ispravka je u pitanju. Ja nisam rekao da ste vi to rekli, ja sam rekao da ste insinuirali, a moje ime ste spomenuli tokom vašeg prvog izlaganja i vaše prve diskusije i baš je bilo vezano za kadrovsku križaljku. Pa me to ponukalo da ovu diskusiju u tom pravcu odvijam. Ali vidite još jednom mi je drago da sudjelujemo vi i ja u jednoj ovakvoj diskusiji. Mislim da i ljudi koji posmatraju stvari mnogo više vole ovakve diskusije. Jeste da nisu malo realiti, nego neke koje smo imali priliku da čujemo. U svakom slučaju možemo se vi i ja složiti oko jedne rečenice: vrijeme će pokazati. Hvala velika.



Predsjedavajući:

Zahvaljujem se zastupniku Marjanoviću. Ispravka krivog navoda Mahir Dević pretpostavljam Marjanoviću. Izvolite.

Poslanik/zastupnik Mahir Dević:

Jeste predsjedavajući kolegi Marjanoviću. Mislim da ste ipak pogriješili Marjanoviću. Mislim da je kolegica spomenula vaše ime i prezime u diskusiji a ne ja. Ali eto možemo to na neki način što kažu provjeriti. Ja mislim da je vrijeme već pokazalo ono što smo govorili mi i ono što ste govorili vi. Ono što smo podržali mi i ono što ste podržavali vi. To su te neke dvije stvari. Mislim da nisam ja spomenuo vaše ime. Malo pregledajte taj stenogram. Pa ćete ipak vidjeti. Ili možda opet da nisam nešto ja zaboravio, ali ne vjerujem.

Predsjedavajući:

Zahvaljujem. Ispravka krivog navoda Marjanović Deviću.

Poslanik/zastupnik Damir Marjanović.

E ovaj će put biti Marjanović Marjanoviću ispravka krivog navoda jer nije uopšte nikakva sramota da se spomene kada se pogriješi. U potpuno ste u pravu, vaša diskusija je bila vezana za križaljke a kolegica Bišćević-Tokić je spomenula moje ime ali ne toliko da bih sada otvarao diskusiju u tom pravcu. Tako da u pravu ste. Vidite kako se možemo složiti. Dakle još jednom da pomenem za javnost ispravka krivog navoda Marjanović Marjanoviću. Hvala velika.

Predsjedavajući:

zahvaljujem se. Uvaženi zastupnik Zahiragić druga diskusija.

Poslanik/zastupnik Haris Zahiragić:

Zaista nisam imao namjeru da drugu diskusiju uzimam s obzirom da je prva uprkos onim raznim prekidima koji su se dešavali bila dovoljno jasna i očekivao sam od predlagača a moram istaći posebno zbog uvaženog kolege Marjanovića, s kojim se poznajem dugo i s kojim sam sarađivao na izradi propisa iz oblasti visokog obrazovanja, u vrijeme kada sam bio predsjednik SPUSA i nekim drugim okolnostima, pa molim da ukoliko postoji mogućnost da mi se odgovori na ta pitanja. Dakle u nadležnostima tog Ministarstva za osnovno, srednje i odgoj koje se tako zove, nema odgoja kao najbitnije pedagoške oblasti. Uostalom i jedne od najbitnije stvari zbog čega uopšte postoji obrazovanje. Jer osnovno i srednje obrazovanje a posebno osnovno i predškolsko su osim obrazovanih i odgojne ustanove. Tako da ukoliko zaista insistirate sa ovakvim stvarima molim vas tu stvar promijenite jer to je najbitnija nadležnost ovog Ministarstva. Nadalje, također me zanima i stav gospodina Marjanovića ali ostalih, radnici aktuelnog ministarstva obrazovanja koji će preći svi isključivo u Ministarstvo predškolskog odgoja osnovnog i srednjeg, mislim da radnici koji rade u visokom obrazovanju, jer vi to kolega Marjanoviću znate, neki dan smo sjedili sa nekima od njih ipak su ljudi koji imaju mnogo iskustva u oblasti visokog obrazovanja. I mislim da bi bila šteta za Kanton Sarajevo kada bi oni bili prinuđeni raditi neke drugi posao koji ne znaju tako dobro raditi također. U istom tom članu koji govori o prebacivanju radnika, to bi se riješilo tako što bi stavili zarez "osim radnika koji su se do sada bavili visokim obrazovanje, naukom i mladima". I u konačnici, u istom članu govori se o prostorima. I kaže se da će poslove aktuelnog Ministarstva preuzeti to Ministarstvo. Ta formulacija nije tačna jer ukoliko razdvajate Ministarstva, te poslovne naravno neće preuzeti jedno Ministarstvo nego će se podijeliti između dva ministarstva. Pa i to molim vas ispravite da ne bude u Zakonu da će Ministarstvo osnovnog i srednjeg preuzeti sve poslove aktuelnog Ministarstva. Dakle ovo je mal Zakon male izmjene Zakona. Referisao sam se već na ovo drugo ministarstvo koje

pokušavate spojiti. Zaista me čudi da ovako kardinalne greške da Ministarstvo odgoja u nadležnostima nema odgoj. To su stvarno stvari nisam očekivao da će naći u ovakvo kratkom tekstu. I molim vas da prije nego što budete usvajali eventualno ovaj Zakon, koji opet upozoravam će vjerovatno biti predmetom obaranja na Ustavnom sudu i da će Ustavni sud pozitivno to riješiti, radi svih ovih procesura. Još jednom na kraju, ukoliko ćete ići do kraja predlažem da ove stvari ispravite. Ovo su kardinalne greške. Suštinske greške. A treba da znate da ovo gledaju svi prosvjetni radnici u Kantonu Sarajevo, svi roditelji, djeca, dakle roditelji šalju djecu u školu da bi bila odgajanja a ne samo da bi sticala neka znanja. Ukoliko idete s tim ispravite to. Ukoliko želite da budete ipak na kraju dana racionalni i da se vratite u okvire Zakona predlažem vam da vratite ovaj Zakonu fazu nacrt, da raspišete javnu raspravu, da uključite najširu moguću akademsku, društvenu, intelektualnu, nevladin sektor.

Predsjedavajući.

Oprostite moram vas upozoriti na vrijeme.

Poslanik/zastupnik Haris Zahiragić.

Hvala, hvala predsjedavajući. Završavam. U konačnici predlažem to da uradite. Ukoliko ne uradite ispravite ove greške koje sam ranije spomenuo. I za kraj, nadam se da više neću imati razloga da se javljam, želim da kažem da sam vjerovao da će jedan od kolega zastupnika imati ipak hrabrosti da se javi po bilo kojoj temi, ne cijeli dan da šuti, piše tekstove za svoj tabloid. Ali to više govori o njemu. Puno je lakše sjediti iza ugašene kamere. I zbog toga sam ja uputi inicijativu Kriznom štabu i želim da vjerujem da ću imati podršku vas ostalih. Molim vas, ovo je vrlo bitno, sve dok mi cijeli dan sjedimo u toplinama svojih domova ili klubova ili stranaka.

Predsjedavajući:

Morat ću vas prekinuti kolega Zahiragiću.

Poslanik/zastupnik Haris Zahiragić.

Molim vas još jedna rečenica. Dok sjedimo u toplini domova ljudi su cijeli dan čekali u redovima. Policija je na ulicama, doktori su na izmaku snaga, i zbog toga s obzirom na sve ove ozbiljne okolnosti pred nama uputio sam inicijativu Kriznom štabu a i vas pozivam da to podržite da se sjednice odražavaju redovno uživo u skladu sa propisima, ispoštovanim epidemiološkim mjerama jer ovakav način (predsjedavajući i zastupnik govore istovremeno). Hvala vam.

Predsjedavajući.

Hvala. Replika Dević Zahiragiću. Izvolite uvaženi zastupniče Deviću.

Poslanik/zastupnik Mahir Dević:

Zahvaljujem replika kolegi Zahiragiću u smislu da mi imamo još jedan dodatni problem, pozivam i ja naravno kao predsjednik kluba da se ovaj Zakon povuče i stavi u nacrt. Pazite, mi ako danas, vi ustvari ako danas usvojite ovaj Zakon mimo svih procedura i Zakona, vi od sutra imate situaciju da vam tri Ministarstva ne postoje. A postoje vam tri ministra. Kako ćete riješiti ta pitanja gospodo? Znači to su one stvari gdje smo vam rekli da ste krenuli potpuno obrnutim redom. Znači vratite ovu stvar u jednu ozbiljnu priču, vratite ovu stvar u jednu ozbiljnu proceduru jer mi ćemo zaista doći u situaciju da se neće moći ljudima isplatiti plate ili će se ljudima plate isplaćivati nelegalno jer oni od sutra već na neki način ako ne postoji Ministarstvo kako će postojati ministri, kako će postojati radnici itd. Napravite pauzu, razmislite o ovome, ova ideja se može provesti i nakon imenovanja nove Vlade Kantona Sarajevo. To bi bio ispravan put da se do toga dođe. Imenujte novu Vladu usvojite budžet Kantona Sarajevo, predvidite u tom budžetu Kantona Sarajevo takve stavke i onda ovo

uradite. Idete potpuno obratnim redoslijedom lomeći stvari preko koljena. Znači mi danas ovo uradimo, ne postoje tri ministra, ustvari postoje. To su izuzetno ozbiljni pravni problemi. Konsultujte se sa strukom. Eto to je vama replika kolega Zahiragiću.

Predsjedavajući:

Zahvaljujem se kolegi Deviću. Replika Marjanović Zahiragiću.

Poslanik/zastupnik Damir Marjanović.

Pa ponekad m je žao što se ove stvari zovu replika a ustvari ne bi trebali uopšte da budu replika nego jedna vrsta odgovora i diskusija u cijeloj priči. Dakle kolega Zahiragić je u potpunosti u pravu s jedne strane, postoje ljudi koji pišu program, postoje ljudi koji neki pravni koncepte rade itd. Tako da vaša priča i vaša sugestija vezano za odgoj u potpunosti stoji, isto koliko stoji moje insistiranje kolega koje su na ovom radili da upravo se uvede ta jako bitna riječ u konačnu jedno Ministarstvo. Nije je bilo 20 godina i vrijeme je da se uvede. Tako da ta vjerujte replika vaša stoji i mislim da ako se desio neki tehnički propust da doslovno stoji jedna riječ rečenica onda ima prostora da se ispravi. To je prva stvar. Druga stvar što se tiče radnika, nedavno smo se sreli baš kod pomoćnika ministra za visoko obrazovanje, diskutovali smo on i ja po nekim stvarima koji se tiču naučnih projekata i znanja (nerazumljivo) a i vi ste došli, bili ste tu prisutni vrlo kratko, ja imam visoko mišljenje o mnogim ljudima koji tamo rade, skoro svim. Profesionalci su. I ono što znam jeste iz njihovih prava da niko neće biti uskraćen za svoja prava to ostavljamo pravnicima. Zašto su pravnici odlučili u ovom kontekstu da ovo nađu ovaj modalitet, to ću ostaviti ekspertima koji bi to trebali da pojašne ali vjerujte ono što će biti cilj ljudi vjerovatno tamo koji dođu da naprave dobar tim. E sad ja ne bih samo prejudicirao prilikom tih odluka prepustio bih onima koji će uistinu raditi sa tim ljudima, znači budućim ministricama i ministrima da oni prave timove. Jer mislim da do sada nije puno funkcioniralo kada se zakonodavna vlast puno miješala u izvršnu. Mi često smo znali da kritikujemo izvršni da ne sluša zakonodavnu. A ja ću sada kritikovati nas ako zakonodavna i previše miješa u izvršnu. Tako da siguran sam, neću reći 100%, jer u nauci nema 100% ali više sam nego siguran da nitko neće biti u ovom cijelom konceptu povrijeđen, neće ostati bez svojih prava. I siguran sam da će budući ministri ili ministre znati u maksimumu iskoristiti kapacitete koji su im na raspolaganju i koji su na žalost limitirani ljudski kao što rekoh, ponovit ću što je gospodin Marić rekao otprilike to je tu, jedino Ministarstvo koje radi sa 40% ljudi, a vjerujte da je to veliki problem. Hvala velika.

Predsjedavajući:

Uvaženi zastupnik Zahiragić replika.

Poslanik/zastupnik Haris Zahiragić.

Drago mi je da se kolega Marjanović sa mnom i pozivam ukoliko će ići u izglasavanje da to na vrijeme pripremite i da se kao o takvom se Zakonu, ako ćete već insistirati na kraju pogrešnom putu kojim ste krenuli, se uvažuje. A također osim toga što je odgoja koji je izostavljen kao vrlo bitna kategorija, nije se kolega Marjanović, pa eto pozivam bilo koga drugog da, poslove u nadležnosti, poslove koji su definisani da će preći svi poslovi aktuelnog Ministarstva na ovo Ministarstvo, da se riječ poslovi izbace, jer dio poslova i dio nadležnosti se razdvaja i na drugo Ministarstvo. To je jedna tehnička greška koja bi u nekom tumačenju pa i formalnom i neformalnom, pa i logičkom ili bilo kojem drugom, dalo naslutiti da je ovo Ministarstvo preuzelo sve nadležnosti. Tako da bi trebalo i to izbaciti. I na kraju, još jednom vas pozivam da nakon teksta da će radnike sve postojeće preuzeti ovo Ministarstvo odgoja, osnovnog i srednjeg, stavite zarez osim ovih radnika koji su radili na poslovima visokog obrazovanja, mladih i nauke. S obzirom da projekti mnogi, neki od njih dugogodišnji u kojima neki uposlenici, npr imamo jednog saradnika za mlade, koji već godinama vodi

projekte vezano za mlade sa međunarodnim organizacijama itd. Tako da bilo ko drugi na tom radnom mjestu zasigurno ne bi se mogao vrlo brzo snaći. A jedan čovjek za mlade nije dovoljan. Ista takva stvar je sa gospodinom kojeg ste spomenuli pomoćnikom ministra za visoko obrazovanje i mnogim drugim u tom Kantonu koji već godinama u potkapacitiranim uslovima pa skoro nemogućim uspijevaju opsluživati jedan tako kompleksan sistem kao što je visoko obrazovanje, nauka i mladi. Tako da molim vas da imate računa i vodite tome računa da institucionalna memorija Ministarstva ne smije biti uzalud potrošena. Znam ja da bi oni u skladu sa Zakonom mogli dobiti neko adekvatno radno mjesto ali u smislu plate ili rasporeda međutim u smislu znanja i potrebe. Oni neće biti ugroženi, ali će biti ugrožen Kanton jer ljude koji su sa iskustvom ne treba stavljati na oblasti u kojima nemaju iskustva i pogotovo ne jednim Zakonom naravno. Tako da razmislite još jedanput. Nemojte praviti ishitrene poteze koji će za cijenu imati ozbiljne posljedice u Kantonu Sarajevo. Dakle odgoj, poslovi koje ste naveli i ti radnici su možda najveći problemi kada je obrazovanje u pitanju. A ovaj drugi resor je ogroman problem što se spaja. Tako da više neću komentarisati. Sve sam o to me kazao. Hvala vam.

Predsjedavajući:

Zahvaljujem se kolega Zahiragić. Zaključujem raspravu obzirom da nema više niko da se javlja za riječ. S obzirom da smo imali amandman uvaženog zastupnika Damira Nikšića pozivam ga da se izjasni da li ostaje pri svom amandmanu.

Poslanik/zastupnik Damir Nikšić:

E ovako pošto vidim da ovako ide da smo zakoračili u kasne sate, povlačim amandman. Obećavam da ću i ja podnijeti apelaciju Ustavnom. Šalim se. Neću, povlačim amandman, a ostajem pri sugestiji i nadam se da ćemo u narednom periodu to promijeniti, promijeniti naziv onako kako sam predložio. To je to sada.

Predsjedavajući:

Hvala zastupniče Nikšić.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO .**

Anketu imate u grupi. Molim vas da se izjasnite.

**24 ZASTUPNIKA JE GLASALO ZA, PROTIV 4 I SUZDRŽANIH 1.  
KONSTATUJEM DA JE SKUPŠTINA DONIJELA OVAJ ZAKON.**

Također, konstatujem da je dnevni red 13. Hitne sjednice iscrpljen, zahvaljujem svim prisutnim i zaključujem rad na sjednici. Hvala.